

大字
是本

三國志演義

金
聖
嘆
批
註

7

上海
鴻春
文明
書局
書行
印



第一才子書目錄

聖嘆外書

聲山別集

首卷

茂苑毛宗崗序始氏評
吳門杭永年資能氏定

序文

讀法

凡例

總目

古本三國志總目

- 第一回
- 第二回
- 第三回
- 第四回
- 第五回

宴桃園豪傑三結義	斬黃巾英雄首立功
張翼德怒鞭督郵	何國舅謀誅宦豎
議溫明董卓叱丁原	餽金珠李肅說呂布
廢漢帝陳留踐位	謀董賊孟德獻刀
發矯詔諸鎮應曹公	破關兵三英戰呂布

- | | | | | | | | | | | | | | |
|------------------|------------------|------------------|------------------|------------------|------------------|------------------|------------------|------------------|-------------|-------------|-------------|-------------|-------------|
| 第
十
九
回 | 第
十
八
回 | 第
十
七
回 | 第
十
六
回 | 第
十
五
回 | 第
十
四
回 | 第
十
三
回 | 第
十
二
回 | 第
十
一
回 | 第
十
回 | 第
九
回 | 第
八
回 | 第
七
回 | 第
六
回 |
| 下邳城曹操鏖兵 | 賈文和料敵決勝 | 袁公路大起七軍 | 呂奉先射戟轅門 | 太史慈酣鬪小霸王 | 曹孟德移駕幸許都 | 李傕郭汜大交兵 | 陶恭祖三讓徐州 | 劉皇叔北海救孔融 | 勤王室馬騰舉義 | 除兇暴呂布助司徒 | 王司徒巧使連環計 | 袁紹磐河戰公孫 | 焚金闕董卓行兇 |
| 白門樓呂布殞命 | 夏侯惇拔矢啖睛 | 曹孟德會合三將 | 曹孟德敗師渭水 | 孫伯符大戰嚴白虎 | 呂奉先乘夜襲徐郡 | 楊奉董承雙救駕 | 曹孟德大破呂布 | 呂溫侯濮陽破曹操 | 報父讎曹操興師 | 犯長安李傕聽賈詡 | 董太師大鬧鳳儀亭 | 孫堅跨江擊劉表 | 匿玉璽孫堅背約 |

第二十回
第二十一回
第二十二回
第二十三回
第二十四回
第二十五回
第二十六回
第二十七回
第二十八回
第二十九回
第三十回
第三十一回
第三十二回
第三十三回

曹阿瞞許田打圍
曹操煮酒論英雄
袁曹各起馬步三軍
禰正平裸衣罵賊
國賊行兇殺貴妃
屯土山關公約三事
袁本初損兵折將
美髯公千里走單騎
斬蔡陽兄弟釋疑
小霸王怒斬于吉
戰官渡本初敗績
曹操倉亭破本初
奪冀州袁尙爭鋒
曹丕乘亂納甄氏
董國舅內閣受詔
關公賺城斬車胄
關張共擒王劉二將
吉太醫下毒遭刑
皇叔敗走投袁紹
救白馬曹操解重圍
關雲長挂印封金
漢壽侯五關斬六將
會古城主臣聚義
碧眼兒坐領江東
劫烏巢孟德燒糧
玄德荊州依劉表
決漳河許攸獻計
郭嘉遺計定遼東

- | | | |
|-------|----------|----------|
| 第三十四回 | 蔡夫人隔屏聽密語 | 劉皇叔躍馬過檀溪 |
| 第三十五回 | 玄德南漳逢隱淪 | 單福新野遇英主 |
| 第三十六回 | 玄德用計襲樊城 | 元直走馬薦諸葛 |
| 第三十七回 | 司馬徽再薦名士 | 劉玄德三顧草廬 |
| 第三十八回 | 定三分隆中決策 | 戰長江孫氏報讎 |
| 第三十九回 | 荊州城公子三求計 | 博望坡軍師初用兵 |
| 第四十回 | 蔡夫人議獻荊州 | 諸葛亮火燒新野 |
| 第四十一回 | 劉玄德攜民渡江 | 趙子龍單騎救主 |
| 第四十二回 | 張翼德大鬧長坂橋 | 劉豫州敗走漢津口 |
| 第四十三回 | 諸葛亮舌戰羣儒 | 魯子敬力排衆議 |
| 第四十四回 | 孔明用智激周瑜 | 孫權決計破曹操 |
| 第四十五回 | 三江口曹操折兵 | 羣英會蔣幹中計 |
| 第四十六回 | 用奇謀孔明借箭 | 獻密計黃蓋受刑 |
| 第四十七回 | 闕澤密獻詐降書 | 龐統巧授連環計 |

第四十八回
第四十九回
第五十回
第五十一回
第五十二回
第五十三回
第五十四回
第五十五回
第五十六回
第五十七回
第五十八回
第五十九回
第六十回
第六十一回

宴長江曹操賦詩
七星壇諸葛祭風
諸葛亮智算華容
曹仁大戰東吳兵
諸葛亮巧辭魯肅
關雲長義釋黃漢升
吳國太佛寺看新郎
玄德智激孫夫人
曹操大宴銅雀臺
柴桑口臥龍弔喪
馬孟起興兵雪恨
許褚裸衣鬪馬超
張永年反難楊修
趙雲截江奪阿斗

鎖戰船北軍用武
三江口周瑜縱火
關雲長義釋曹操
孔明一氣周公瑾
趙子龍智取桂陽
孫仲謀大戰張文遠
劉皇叔洞房續佳偶
孔明二氣周公瑾
孔明三氣周公瑾
耒陽縣鳳雛理事
曹阿瞞割鬚棄袍
曹操抹書間韓遂
龐士元議取西蜀
孫權遺書退老瞞

- 第六十二回
第六十三回
第六十四回
第六十五回
第六十六回
第六十七回
第六十八回
第六十九回
第七十回
第七十一回
第七十二回
第七十三回
第七十四回
第七十五回

取涪關楊高授首
諸葛亮痛哭龐統
孔明定計捉張任
馬超大戰葭萌關
關雲長單刀赴會
曹操平定漢中地
甘寧百騎劫魏營
卜周易管輅知機
猛張飛智取瓦口隘
占對山黃忠逸待勞
諸葛亮智取漢中
玄德進位漢中王
龐令名擡榼決死戰
關雲長刮骨療毒

攻雒城黃魏爭功
張翼德義釋嚴顏
楊阜借兵破馬超
劉備自領益州牧
伏皇后爲國捐生
張遼威震逍遙津
左慈擲盃戲曹操
討漢賊五臣死節
老黃忠計奪天蕩山
據漢水趙雲寡勝衆
曹阿瞞兵退斜谷
雲長攻拔襄陽郡
關雲長放水滄七軍
呂子明白衣渡江

第七十六回
第七十七回
第七十八回
第七十九回
第八十回
第八十一回
第八十二回
第八十三回
第八十四回
第八十五回
第八十六回
第八十七回
第八十八回
第八十九回

徐公明大戰沔水
玉泉山關公顯聖
治風疾神醫身死
兄逼弟曹植賦詩
曹丕廢帝篡炎劉
急兄讎張飛遇害
孫權降魏受九錫
戰猱亭先主得讎人
陸遜營燒七百里
劉先主遺詔託孤兒
難張溫秦宓逞天辨
征南寇丞相大興師
渡瀘水再縛番王
武鄉侯四番用計

關雲長敗走麥城
洛陽城曹操感神
傳遺命奸雄數終
姪陷叔劉封伏法
漢王正位續大統
雪弟恨先主興兵
先主征吳賞六軍
守江口書生拜大將
孔明巧布八陣圖
諸葛亮安居平五路
破曹丕徐盛用火攻
抗天兵蠻王初受執
識詐降三擒孟獲
南蠻王五次遭擒

- 第九十回
第九十一回
第九十二回
第九十三回
第九十四回
第九十五回
第九十六回
第九十七回
第九十八回
第九十九回
第一百回
第一百一回
第一百二回
第一百三回

驅巨獸六破蠻兵
祭瀘水漢相班師
趙子龍力斬五將
姜伯約歸降孔明
諸葛亮乘雪破羌兵
馬謖拒諫失街亭
孔明揮淚斬馬謖
討魏國武侯再上表
追漢軍王雙受誅
諸葛亮大破魏兵
漢兵劫寨破曹真
出隴上諸葛裝神
司馬懿戰北原渭橋
上方谷司馬受困

燒籐甲七擒孟獲
伐中原武侯上表
諸葛亮智取三城
武侯侯罵死王朗
司馬懿尅日擒孟達
武侯彈琴退仲達
周魴斷髮賺曹休
破曹兵姜維詐獻書
襲陳倉武侯取勝
司馬懿入寇西蜀
武侯鬪陣辱仲達
奔劍閣張郃中計
諸葛亮造木牛流馬
五丈原諸葛禳星

第一百四回
第一百五回
第一百六回
第一百七回
第一百八回
第一百九回
第一百十回
第一百十一回
第一百十二回
第一百十三回
第一百十四回
第一百十五回
第一百十六回
第一百十七回

殞大星漢丞相歸天
武侯預伏錦囊計
公孫淵兵敗死襄平
魏主政歸司馬氏
丁奉雪中奮短兵
困司馬漢將奇謀
文鴛單騎退雄兵
鄧士載智敗姜伯約
救壽春于詮死節
丁奉定計斬孫綝
曹髦驅車死南闕
詔班師後主信讒
鍾會分兵漢中道
鄧士載偷渡陰平

見木像魏都督喪膽
魏主拆取丞露盤
司馬懿詐病賺曹爽
姜維兵敗牛頭山
孫峻席間施密計
廢皆芳魏家果報
姜維背水做大敵
諸葛誕義討司馬昭
取長城伯約鑿兵
姜維鬪陣破鄧艾
姜維棄糧勝魏兵
託屯田姜維避禍
武侯顯聖定軍山
諸葛瞻戰死綿竹

第一百十八回
第一百十九回
第一百二十回

哭祖廟一王死孝
假投降巧計成虛話
薦杜預老將獻新謀

入西川二士爭功
再受禪依樣畫葫蘆
降孫皓三分歸一統

第一才子書卷七

聖嘆外書

茂苑毛宗崗序始氏辭

第九十一回

祭瀘水漢將班師

伐中原武侯上表

觀伏波之顯聖而知南人之信神真有神也。瀘水之夜哭而知南人之信鬼真有鬼也。雖然明於天地之理者不可惑以神怪使鬼能作崇何以猊亭七十餘萬之衆不圍爲崇於林間以阻陸生之駕赤璧八十三萬之師不聞爲崇於江上以阻周郎之舟。若畏其鬼而祭之則籐甲三萬人孔明亦哀之矣曷爲不祭盤蛇谷而獨祭瀘水也。近以然者爲死於王事理所當恤非動於猖獗之足畏而動於忠義之可矜耳且也。曹操哭既死之典韋以勸未死之典韋武侯哭陣亡之蜀將以勸未亡之蜀將蓋不獨爲死者而不得不祭亦爲生者而不得不祭云。

讀武侯祭瀘水一篇而嘆兵之不可輕用也。古人不得已而用兵則有遣戍卒之詩有勞還卒之詩必備述其骨肉綢繆室家繫戀之况。至於楊柳雨雪曠戶鹿場無不代寫離憂爲之永嘆其待生者且然况既死乎若爲上者不哀之而使其人自哀之則死生契闊與子成說衛風所以悲也轉予於恤有母尸饗祈父所以怨也誰無父母提攜捧負恐其不壽誰無兄弟如手如足誰無妻子如賓如友嘗覽唐人從軍行及諸塞上曲

如磧裏征人三十萬。一時回首月中看。又如可憐無定河邊骨。猶是深閨夢裏人。其詞之痛情之傷。有令人泣然泣下者。今武侯秋夜奠文。可以彷彿矣。

兵固不可輕用。而有不得不用者。迫於討賊之義也。然伐魏所以討賊。平蠻豈亦以討賊乎。而伐魏之師。必在平蠻之後者。何也。亦猶曹操之不滅呂布。則未敢謀袁紹。不滅袁紹。則未敢窺江南耳。不然。而夫差爭長於潢池。句踐已入於國。符堅投鞭於淝水。慕容已襲其邦。此非其明驗哉。且魏欲借蠻以攻蜀。則武侯之平蠻。卽謂之伐魏也。可平蠻卽爲伐魏。則武侯之初伐魏。卽爲之再伐魏也。可武侯北伐。而無南顧之憂。此武侯之所樂也。武侯外伐。而終不免以內顧之憂。此則武侯之所懼也。何也。平蠻之後。憂不在於南人。而憂乃在於後主也。試觀武侯出師一篇。曰。臨表涕泣。夫伐魏卽伐魏耳。何用涕泣爲哉。正惟此日國事實當危急存亡之際。而此日嗣主方在醉生夢死之中。知子莫如父。惟不可輔之言。固已驗矣。豈知臣莫如君。而自取之之語。方遂敢真蹈也。於是而身提重師。萬萬不可不去。而心牽鈍物。又萬萬不能少寬。因而切切開導。勤勤叮囑。一回如嚴父。一回如慈嫗。蓋先生此日此表之涕泣。固有甚難於嗣主者。非但爲漢賊之不兩立也。後日杜工部有詩云。幹排雷雨猶力。

爭根斷泉源。豈天意。正是此一副眼淚矣。今人但知此表爲討賊之義。而不知其爲戀王之忠。安得爲知武侯者耶。

周禮闈人領之太宰。則外庭有制。內庭之禮。而內庭無侵外庭之權。武侯之教後主者。止在宮中。府中一語耳。使宮中親而府中疎。遂至小人近而賢人遠。此桓靈之所以失也。於六出祁山之前。早知有後主寵黃皓之事。在七擒孟獲之後。猶回顧桓靈寵十常侍之文。後事於此伏焉。前文又於此照焉。三國一書。當以此卷爲一大關鍵。一大章法。武侯出師一表。固爲前後文之伏應。而馬謖反間之計。亦爲前後文之伏應也。何也。曹操欲立曹植。而問賈詡。則在初稱魏王之時矣。袁荳燃萁之詩。則在曹丕初立之時矣。三馬同槽。一夢於馬騰未死之前。一夢於曹操將死之日矣。而謖之行反間。言曹植之當立。則前文於此應也。言司馬氏之欲反。則後文又於此伏也。不但此也。好言天象者。莫如譙周。前稱天象以勸劉璋之出降。後復稱天象以勸劉禪之出降。而此卷諫武侯之語。亦正與前後文相連屬云。

蜀使入吳。而有徐盛南徐之役。是雖吳之破魏。而實蜀之以吳破魏也。吳使入蜀。而有趙雲陽平之兵。是雖蜀之爲吳伐魏。而實蜀之爲漢伐魏也。然猶未大伸討賊之義也。

綱目書云漢丞相武鄉侯諸葛亮出師伐魏則討賊之義所由大伸者斷自武侯出師始。

却說孔明班師回國孟獲率引大小洞主酋長及諸部落羅拜相送前軍至

瀘水時值九月初天與前五月渡瀘相應忽然陰雲布合狂風驟起兵不能渡回報孔明孔

明遂問孟獲獲曰此水原有狷神作禍往來者必須祭之狷神者蠻鬼也孔明曰用何

物祭之獲曰舊時國中因狷神作禍用七七四十九顆人頭并黑牛白羊祭

之自然風恬浪靜更兼連年豐稔假使四十九個鬼又作禍將奈何孔明曰吾今事已平定安可妄

殺一人遂自到瀘水岸邊觀看果見陰風大起波濤洶湧人馬皆驚再在武侯眼中一寫孔

明甚疑即尋土人問之土人告曰自丞相經過之後夜夜只聞得水邊鬼哭

神號自黃昏直至天曉哭聲不絕瘴烟之內陰鬼無數又在土人口中補寫因此作禍無人

敢渡孔明曰此乃我之罪愆也前者馬岱引蜀兵千餘皆死於水中照應八十八回中事更

兼殺死南人盡棄此處狂魂怨鬼不能解釋以致如此華市古戰場文不是虛話吾今

晚當親自往祭土人曰須依舊例殺四十九顆人頭為祭則怨鬼自散也如此是

孔明曰本為人死而成怨鬼豈可又殺生人耶若為鬼殺人而人又成鬼是鬼與鬼相怨無已時也吾自有主意

喚行廚宰殺牛馬和麵爲劑。塑成人頭。內以牛羊等肉代之。名曰饅頭。

是國法亦

日和尙吃饅頭
根不以此爲之

當夜於瀘水岸上設香案鋪祭物列燈四十九盞揚旛招魂將饅頭

等物陳設於地三更時分孔明金冠鶴氅親自臨祭令董厥讀祭文其文曰

維大漢建興三年秋九月一日武鄉侯領益州牧丞相諸葛亮謹陳祭儀
享於故沒王事蜀中將校以及南人亡者陰魂曰我大漢皇帝威勝五霸
明繼三王昨自遠方侵境異俗起兵縱蝨尾以興妖恣狼心而逞亂我奉
王命問罪遐荒大舉貔貅悉除螻蟻雄軍雲集狂寇冰消纔聞破竹之聲
便是失猿之勢但士卒兒郎盡是九州豪傑官僚將校皆爲四海英雄習
武從戎投明事主莫不同申三令共展七擒齊堅奉國之誠並效忠君之
志何期汝等偶失兵机緣落奸計或爲流矢所中魂掩泉臺或爲刀劍所
傷魄歸長夜生則有勇死則成名今凱歌欲還獻俘將及汝等英靈尙在
祈禱必聞隨我旌旗逐我部曲同回上國各認本鄉受骨肉之蒸嘗領家
人之祭祀莫作他鄉之鬼徒爲異域之魂我當奏之天子使汝等各家盡
沾恩露年給衣糧月賜廩祿用茲酬答以慰汝心至於本境土神南方亡

鬼血食有常。憑依不遠。生者既凜天威。死者亦歸王化。想宜甯帖。毋致號
陶。聊表丹忱。敬陳祭祀。嗚呼哀哉。伏惟尚饗。

讀祭文畢。孔明放聲大哭。極其痛切。情動三軍。無不下淚。孟獲等眾盡皆哭

泣。只見愁雲怨霧之中。隱隱有數千鬼魂。皆隨風而散。恐今日和尚施食
倒無此等應驗於是孔明

令左右將祭物棄於瀘水之中。次日孔明引大軍俱到瀘水南岸。但見雲收

霧散。風靜浪平。蜀兵安然盡渡瀘水。果然鞭敲金鐙響。人唱凱歌還。絕妙
好辭行到

永昌。孔明留王伉呂凱守四郡。發付孟獲領眾自回。囑其勤政。馭下善撫。居

民勿失農務。孟獲涕泣拜別而去。蠻子原有真心。若沒真心
人雖十擒十縱亦不服也孔明自引大軍回成都。後

主排鑾駕出郭三十里迎接。下輦立於道傍。以候孔明。與獻帝迎曹操相類。而君之
誠偽既殊。臣之忠奸亦別孔明

慌下車伏道而言曰。臣不能速平南方。使主上懷憂。臣之罪也。後主扶起孔

明。並車而回。設太平筵會。重賞三軍。自此遠邦進貢來朝者二百餘處。服者不
但南人

孔明奏准後主將歿於王事者之家。一一優恤。人心歡悅。朝野清平。以上按
下蜀漢
一邊以下再敘

次子袁熙之婦前破鄴城時所得。追應三十
三回中事後生一子名叡。字元仲。自幼聰明。不

次子袁熙之婦前破鄴城時所得。追應三十
三回中事後生一子名叡。字元仲。自幼聰明。不

甚愛之。後不又納安平廣宗人郭永之女爲貴妃。甚有顏色。其父嘗曰：吾女

乃女中之王也。故號爲女王。使有奪后之意自不納爲貴妃。因甄夫人失寵。郭貴妃欲

謀爲后。却與幸臣張韜商議。時不有疾。韜乃詐稱於甄夫人宮中掘得桐木

偶人。上書天子年月日時爲壓鎮之事。王大怒。遂將甄夫人賜死。立郭貴妃

爲后。郭妃齋嫡亦比於曹丕之篡因無出。如此人自然絕嗣養曹叡爲己子。雖甚愛之。不立爲嗣。叡年至十五

歲。弓馬熟嫻。當年春二月。丕帶叡出獵。行於山塢之間。趕出子母二鹿。丕一

箭射倒母鹿。回視小鹿。馳於曹叡馬前。丕大呼曰：吾兒何不射之。叡在馬上

泣告曰：陛下已殺其母。安忍復殺其子。曹操射鹿失君臣之禮。曹叡射鹿動母子之情。前後相對丕聞之。擲弓於地曰：

吾兒真仁德之主也。於是遂封叡爲平原王。夏五月。丕感寒疾。醫治不痊。乃

召中軍大將軍曹真、鎮軍大將軍陳羣、撫軍大將軍司馬懿三人入寢宮。丕

喚曹叡至。指謂曹真等曰：今朕病已沉重。不能復生。此子年幼。卿等三人可

善輔之。勿負朕心。三人皆告曰：陛下何出此言。臣等願竭力以事陛下。至千

秋萬歲。丕曰：今年許昌城門無故自崩。乃不祥之兆。朕故自知必死也。許昌災異從曹丕口

中補正言間。內侍奏征東大將軍曹休入宮問安。三人召來一人自來丕召入。謂曰：卿等皆國

家柱石之臣也。若能同心輔朕之子，朕死亦瞑目矣。言訖墜淚而薨。時年四十歲。在位七年。於是曹真、陳羣、司馬懿、曹休等一面舉哀，一面擁立曹叅爲大魏皇帝。諡父丕爲文皇帝。

諡之曰文，取繼體守文之意也。然則造篡漢之基者，統歸之曹操矣。

諡母甄氏爲文昭皇后。封鍾

繇爲太傅，曹真爲大將軍，曹休爲大司馬，華歆爲太尉，王朗爲司徒，陳羣爲司空，司馬懿爲驃騎大將軍。其餘文武官僚各各封贈。大赦天下。時雍涼二州缺人把守，司馬懿上表乞守西涼等處。

司馬懿注意在西所畏者蜀也。

曹叅從之，遂封懿提督

雍涼等處兵馬。領詔去訖。早有細作飛報入川。甚緊孔明大驚曰：「曹丕已死，孺子曹叅卽位，餘皆不足慮。司馬懿深有謀略，今督雍涼兵馬，倘訓練成時，必爲蜀中之大患。不如先起兵伐之。」

司馬懿患蜀，蜀亦患司馬懿。

參軍馬謖曰：「今丞相平南方回軍，

馬疲敝，只宜存恤，豈可復遠征？某有一計，使司馬懿自死於曹叅之手，未知丞相鈞意允否？」孔明問：「是何計？」馬謖曰：「司馬懿雖是魏國大臣，曹叅素懷疑忌，何不密遣人往洛陽、鄴郡等處布散流言，道此人欲反，更作司馬懿告示，

天下榜文遍貼，諸處使曹叅心疑，必然殺此人。」

此一時反間之計耳，孰知後來果應司馬氏難位。

孔明從之，卽遣人密行此計去了。却說鄴城門上忽一日見貼下告示一道，守門者揭了。

來奏曹叡。叡觀之。其文曰。

驃騎大將軍總領雍涼等處兵馬事司馬懿。謹以信義布告天下。昔太祖
武皇帝創立基業。本欲立陳思王子建爲社稷主。不幸奸讒交集。歲久潛
龍。皇孫曹叡。素無德行。妄自居尊。有負太祖之遺意。今吾應天順人。尅日
興師。以慰萬民之望。告示到日。各宜歸命新君。如不順者。當滅九族。先此
告聞。想宜知悉。

曹叡覽畢。大驚失色。急問羣臣。太尉華歆奏曰。司馬懿上表乞守雍涼。正爲
此也。先時太祖武皇帝嘗謂臣曰。司馬懿鷹視狼顧。不可付以兵權。久必爲
國家大禍。曹孟德語却
從此處補出今日反情已萌。可速誅之。王朗奏曰。司馬懿深明韜略。善
曉兵機。素有大志。若不早除。久必爲禍。又是一個
趁脚曉的叡乃降旨。欲興兵御駕親征。忽
班部中閃出大將軍曹真。奏曰。不可。文皇帝託孤於臣等。數人是知司馬仲
達無異志也。今事未知真假。遽爾加兵。乃逼之反耳。或者蜀吳奸細行反間
之計。使我君臣自亂。彼却乘虛而擊。未可知也。陛下幸察之。曹子丹略
有見識叡曰。司馬
懿若果謀反。將奈何。真曰。如陛下心疑。可做漢高僞遊雲夢之計。御駕幸安

邑司馬懿必然來迎。觀其動靜，就車前擒之可也。此時仲達亦危矣。叡從之，遂命曹真監

國親自領御林軍十萬，逕到安邑。司馬懿不知其故，欲令天子知其威嚴，乃

整兵馬，率甲士數萬來迎。仲達雖乖此時却着了道兒。近臣奏曰：司馬懿果率兵十餘萬前來抗

拒，實有反心矣。叡慌命曹休先領兵迎之。司馬懿見兵馬前來，只疑車駕親

至，伏道而迎。曹休出曰：仲達受先帝託孤之重，何故反耶？問得出其不意。懿大驚失色，

汗流遍體，乃問其故。休備言前事，懿曰：此吳蜀奸細反間之計，欲使我君臣

自相殘害，彼却乘虛而襲。某當自見天子辨之。畢竟仲達乖覺。遂急退了軍馬，至叡車

前俯伏泣奏曰：臣受先帝託孤之重，安敢有異心？必是吳蜀之奸計。臣請提

一旅之師，先破蜀後伐吳，報先帝與陛下以明臣心。叡疑慮未決，華歆奏曰：

不可付之兵權，可即罷歸田里。名士見識亦甚平常。叡依言將司馬懿削職回鄉。未見三馬同槽先見一馬難槽。命

曹休總督雍涼軍馬，曹叡駕回洛陽。以上按下魏國一邊以下再敘蜀漢一邊。却說細作探知此事，報入川

中。孔明聞之大喜曰：吾欲伐魏久矣，奈有司馬懿總雍涼之兵。今既中計，遭

貶，吾又何憂？次日後主早朝，大會官僚。孔明出班上出師表一道，表曰：臣亮言先帝創業未半，而中道崩殂。落筆更不着半句閒言語，只用八字勸哭先帝，早使讀者精誠發越。今天下三分，益州

疲敝此誠危急存亡之秋也。筆態一伏然侍衛之臣不懈於內忠志之士忘身於

外者蓋追先帝之殊遇欲報之於陛下也。筆態一起一面讀其妙文一面記其口先帝誠宜開張聖聽以

光先帝遺德恢宏志士之氣。此是說不宜妄自菲薄不宜妄自菲薄引喻失義以塞忠諫之路

也。此是說不宜二語發起一篇○妄自菲薄是子弟大病引喻失義又是子弟大病此特說盡宮中府中俱為一體。此又說宜○恐其矜於宮中已預知有寵黃皓之事也陟罰臧

否不宜異同。此又說不宜若有作奸犯科及為忠善者宜付有司論其刑賞以昭

陛下平明之治。此又說不宜偏私使內外異法也。此又說不宜○宮中驛府中疏出師進表全為此一段可知侍中侍郎

郭攸之費禕董允等此皆良實志慮忠純是以先帝簡拔以遺陛下。重之以先帝

愚以為宮中事事無大小悉以咨之然後施行必得裨補闕漏有所廣

益。切囑將軍向寵性行淑均曉暢軍事試用之於昔日先帝稱之曰能。重之以先帝

是以眾議舉寵以為督。看此處入眾議二字嫌疑不少愚以為營中之事無大小悉以咨之

必能使行陣和穆優劣得所也。府中切囑親賢臣遠小人此先漢所以興隆也親

小人遠賢臣此後漢所以傾頽也先帝在時每與臣論此事未嘗不嘆息

痛恨於桓靈也。明明龜鑑之言亦必重之以先帝哀哉○桓靈之寵十常侍正與後主之寵黃皓同侍中尚書

亮死節之臣也願陛下親之信之則漢室之隆可計日而待也。陳長史參軍此悉貞

此二臣先生所進恐出師後未必用故又

嗚呼臣本布衣躬耕南陽苟全性命於亂世不求聞達於諸侯自敘最悲苦先帝不

以臣卑鄙猥自枉屈三顧臣於草廬之中諮臣以當世之事由是感激遂

許先帝以馳驅自敘最悲苦後值傾覆受任於敗軍之際奉命於危難之間爾來

二十有一年矣先帝知臣謹慎故臨崩寄臣以大事也自敘最悲苦受命以來夙

夜憂慮恐付託不效以傷先帝之明故五月渡瀘深入不毛自敘最悲苦今南方

已定甲兵已足當獎帥三軍北定中原庶竭駑鈍攘除姦凶興復漢室還

於舊都此臣所以報先帝而忠陛下之職分也至於斟酌損益進盡忠言

則攸之禕允之任也自敘最悲苦此非以師保推三臣蓋自既解任去而出師則必使之自代耳願陛下託臣以討賊興復之效

不效則治臣之罪以告先帝之靈若無興復一本作興德之言則責攸之禕允等

之咎以彰其慢說自出師必連三臣禕補者此表所憂不在外賊而在內讎也哀哉陛下亦宜自謀以諮諏善道察納雅言

深追先帝遺詔要他納言亦必重之以先帝臣不勝受恩感激今當遠離臨表涕泣不知所云

非為伐魏而涕泣為後主而涕泣也

後主覽表曰相父南征遠涉艱難方始回都坐未安席今又欲北征恐勞神

思孔明曰臣受先帝託孤之重夙夜未嘗有怠今南方已平可無內顧之憂

一向南征
正是爲此

不就此時討賊。恢復中原。更待何日。忽班部中太史譙周出奏曰。臣夜

觀天象。北方旺氣正盛。星曜倍明。未可圖也。與後文繼國論相應乃謂孔明曰。丞相深明天

文。何故強爲孔明曰。天道變易不常。豈可拘執吾今且駐軍馬於漢中。觀其

動靜。而後行。譙周苦諫不從。於是孔明乃留郭攸之。董允。費禕等爲侍中。總

攝宮中之事。正應表中又留向寵爲大將。總督御林軍馬。又應表中陳震爲侍中。蔣琬爲參

軍。此表中所已及張裔爲長史。掌丞相府事。杜瓊爲諫議大夫。杜微。楊洪爲尙書。孟光

來敏爲祭酒。尹默。李譔爲博士。郤正。費詩爲祕書。譙周爲太史。內外文武官

僚一百餘員。同理蜀中之事。此又表中所未及孔明受詔歸府。喚諸將聽令。前督部鎮北

將軍領丞相司馬涼州刺史都亭侯魏延。前軍都督領扶風太守張翼。牙門

將裨將軍王平。後軍領兵使安漢將軍領建甯太守李恢。副將定遠將軍領

漢中太守呂義。兼管運糧左軍領兵使平北將軍陳倉侯馬岱。副將飛衛將

軍廖化。右軍領兵使奮威將軍博陽亭侯馬忠。鎮撫將軍關內侯張嶷。行中

軍師車騎大將軍都鄉侯劉琰。中監軍揚武將軍鄧芝。中參軍安遠將軍馬

謖。前將軍都亭侯袁琳。左將軍高陽侯吳懿。右將軍玄都侯高翔。後將軍安

樂侯吳班領長史綏軍將軍楊儀前將軍征南將軍劉巴前護軍偏將軍漢成亭侯許允左護軍篤信中郎將丁咸右護軍偏將軍劉敏後護軍典軍中郎將宮離行參軍昭武中郎將胡濟行參軍諫議將軍閻晏行參軍偏將軍爨習行參軍裨將軍杜義武略中郎將杜祺綏軍都尉盛敦從事武略中郎將樊岐典軍書記樊建丞相令史董厥帳前左護衛使龍驤將軍關興右護衛使虎翼將軍張苞以上歷敘諸將官銜以出師伐魏故特書其官以予之也以上一應官員都隨着平北大都督丞相武鄉侯領益州牧知內外事諸葛亮特書大書分撥已定又檄李嚴等守川口以拒東吳周密之至選定建興五年春三月丙寅日出師伐魏至此方大伸討賊之義忽帳下一老將厲聲而進曰我雖年邁尚有廉頗之勇馬援之雄此二古人皆不服老何故不用我耶衆視之乃趙雲也孔明曰我自平南回都馬孟起病故馬超之死在孔明口中補出省筆之法吾甚惜之以為折一臂也今將軍年紀已高倘稍有參差動搖一世英名減却蜀中銳氣又用激將之法雲厲聲曰吾自隨先帝以來臨陣不退遇敵則先大丈夫得死於疆場者幸也吾何恨焉願為前部先鋒孔明再三苦勸不住雲曰如不教我為先鋒就撞死於階下寫子龍悍勇之極孔明曰將軍既要為先鋒須得一人同

去言未畢一人應曰某雖不才願助老將軍先引一軍前去破敵孔明視之

乃鄧芝也即是不畏油鼎之人孔明大喜即撥精兵五千副將十員隨趙雲鄧芝去訖孔明

出師後主引百官送於北門外十里孔明辭了後主旌旗蔽野戈戟如林率

軍望漢中迤邐進發寫得孔明堂堂正正十分聲勢却說邊庭探知此事報入洛陽是日曹叅設朝

近臣奏曰邊官報稱諸葛亮率領大兵三十餘萬出屯漢中孔明兵數在曹叅近臣口中補出妙令趙

雲鄧芝為前部先鋒引兵入境叅大驚問羣臣曰誰可為將以退蜀兵忽一

人應聲而出曰臣父死於漢中切齒之恨未嘗得報照應七個今蜀兵犯境臣願

引本部猛將更乞陛下賜關西之兵前往破蜀上為國家効力下報父讎臣

萬死不恨衆視之乃夏侯淵之子夏侯楙也楙字子休其性最急又最吝乃父已負

妙才之名此子却又才之甚自幼嗣與夏侯惇為子後夏侯淵為黃忠所斬曹操憐之以女清河

公主招楙為駙馬曹操本性夏侯而以女與楙則是同姓為婚遺祖甚矣因此朝中欽敬雖掌兵權未嘗臨陣當時

自請出征曹叅即命為大都督調關西諸路軍馬前去迎敵司徒王朗諫曰

不可夏侯駙馬素不曾經戰今付以大任非其所宜更兼諸葛亮足智多謀

深通韜略不可輕敵夏侯楙叱曰司徒莫非結連諸葛亮欲為內應耶吾自

幼從父學習韜略。深通兵法。汝何欺我年幼。吾若不生擒諸葛亮。誓不回見天子。志大言大之人每無用王朗等皆不敢言。夏侯楙辭了魏主。星夜到長安。調關西諸路軍馬二十餘萬來敵孔明。正是

欲乘白旄麾將士却教黃吻掌兵權。

未知勝負如何且看下文分解。

第九十二回

趙子龍力斬五將

諸葛亮智取三城

此卷首寫趙雲戰功。所以成雲之志也。曷成乎雲之志。曰。先主初卽帝位時。雲卽以伐魏爲勸矣。先主之伐吳。以雲爲後應。爲其志不在伐吳故也。武侯之伐魏。以雲爲先鋒。爲其志在伐魏故也。英雄有復讎之志者。自惜其年。又惜讎人之年。不能及。曹丕之未死而伐魏。已深爲曹丕惜。不更及趙雲之未死而伐魏。得不爲趙雲惜哉。然則雲之復讎。不敢以老而自愛。正以老而愈不得不奮耳。魏延子午谷之謀。未嘗不善。武侯以爲危計而不用。蓋逆知天意之不可回。而不欲行險以爭之耳。知天意之不可回。而行險以爭之。卽爭之。未必勝。爭之不勝。而天下後世乃得以行險之失爲我咎矣。惟兢兢然持一至慎之心。出於萬全之策。而終不能回天意於萬一。然後可以無憾於人事耳。

一擒孟獲之前。先取三郡。一出祁山之前。亦先取三郡。斯則同矣。而前三郡之取。則俱易。後三郡之取。則兩易而一難。前者高定真降。妙在假疑。其詐今者。崔諒詐降。妙在假信。其真前者。高定與雍闓不睦。妙在使中。我之計今者。崔諒與楊陵同謀。又妙在即用彼之計。令讀者觀其前文。更不能測其後文。觀其後文。乃始解其前文事之巧文之幻。皆妙絕今古。

蜀之有姜維。非斷武侯而終伐魏之事者乎。六出祁山之後。始有九伐中原之事。而一出祁山之前。早伏一九伐中原之人。將正伏之。先反伏之。正伏之爲蜀之姜維。反伏之爲魏之姜維。而此卷則猶反伏之者也。觀天地古今自然之文。可以悟作文者結構之法矣。

却說孔明率兵前到沔陽。經過馬超墳墓。乃令其弟馬岱挂孝。孔明親自祭之。祭死的與活的看祭畢。回到寨中。商議進兵。忽哨馬報道。魏主曹叅遣駙馬夏侯楙調關中諸路軍馬前來拒敵。魏延上帳獻策曰。夏侯楙乃膏粱子弟。懦弱無謀。魏延之謀。瞞不過司馬懿。却瞞得夏侯楙。延願得精兵五千。取路出褒中。循秦嶺以東。當子午谷而投北。不過十日。可到長安。夏侯楙若聞某驟至。必然棄城望橫門邸閣而走。某却從

東方而來丞相可大驅軍馬自斜谷而進如此行之則咸陽以西一舉可定也。此亦韓信暗渡陳倉之計惜孔明之不用也孔明笑曰此非萬全之計也汝欺中原無好人物。早為下文姜維之來虛伏一筆倘

有人進言於山僻中以兵截殺非惟五千人受害亦大傷銳氣決不可用。武侯

小心不肯放膽魏延又曰丞相兵從大路進發彼必盡起關中之兵於路迎敵則曠日

持久何時而得中原孔明曰吾從隴右取平坦大路依法進兵何憂不勝。出師之名

既正出師之路亦取其正遂不用魏延之計魏延怏怏不悅。早為後文伏筆孔明差人令趙雲進兵却說

夏侯懋在長安聚集諸路軍馬時有西涼大將韓德喜用開山大斧有萬夫

不當之勇引西羌諸路兵八萬到來見了夏侯懋懋重賞之就遣為先鋒德

有四子皆精通武藝弓馬過人長子韓瑛次子韓瑤三子韓瓊四子韓琪。小將

裨出一老將韓德帶四子并西羌兵八萬取路至鳳鳴山正遇蜀兵兩陣對圓韓德

出馬四子列於兩邊德厲聲大罵曰反國之賊安敢犯吾境界趙雲大怒挺

槍縱馬單搦韓德交戰長子韓瑛躍馬來迎戰不三合被趙雲一槍刺死於

馬下。子龍不老次子韓瑤見之縱馬揮刀來戰趙雲施逞舊日虎威抖擻精神迎戰

瑤抵敵不住。子龍真不老三子韓瓊急挺方天戟驟馬前來夾攻雲全然不懼槍法

不亂子龍不老四子韓琪見二兄戰雲不下也縱馬輪兩口日月刀而來圍住趙雲

雲在中央獨戰三將少時韓琪中槍落馬子龍著實不老韓陣中偏將急出救時雲拖

槍便走韓瓊按戟急取弓箭射之連放三箭皆被雲用槍撥落瓊大怒仍綽

方天戟縱馬趕來却被雲一箭射中面門落馬而死受過三箭只答一禮已當不起韓瑤縱馬舉

實刀便砍趙雲雲棄槍於地閃過寶刀生擒韓瑤歸陣復縱馬取槍殺過陣

來子龍著實不老○趙能滅韓亦能滅魏韓德見四子皆喪於趙雲之手肝膽皆裂先走入陣去西涼兵

素知趙雲之名今見其英勇如昔誰敢交鋒趙雲馬到處陣陣倒退趙雲匹

馬單槍往來衝突如入無人之境子龍者實不老後人有詩讚曰

憶昔常山趙子龍年登七十建奇功獨誅四將來衝陣猶似當陽救主雄

鄧芝見趙雲大勝率蜀兵掩殺西涼兵大敗而走韓德險被趙雲擒住棄甲

步行而逃雲與鄧芝收軍回寨芝賀曰將軍壽已七旬英勇如昨今日陣前

力斬四將世所罕有雲曰丞相以吾年邁不肯見用吾故聊以自表耳由得他說

告其事年人試我老本事遂差人解韓瑤申報捷書以達孔明却說韓德引敗軍回見夏侯楙哭

楙自統兵來迎趙雲探馬報入蜀寨說夏侯楙引兵到

雲綽槍上馬。引千餘軍就鳳鳴山前擺成陣勢。當日夏侯懋戴金盔坐白馬。手提大砍刀。立在門旗之下。見趙雲躍馬挺槍往來馳騁。懋欲自戰。韓德曰。殺吾四子之讎。如何不報。縱馬輪開山大斧。直取趙雲。雲奮怒挺槍來迎。戰不三合。槍起處刺死韓德於馬下。彼老不如此老急撥馬直取夏侯懋。懋慌忙閃入本陣。鄧芝驅兵掩殺。魏兵又折一陣。退十餘里下寨。懋連夜與衆將商議曰。吾久聞趙雲之名。未嘗見而。今日年老英雄尚在。方信當陽長坂之事。又提照四十一回中事似此無人可敵。如之奈何。參軍程武乃程昱之子也。進言曰。某料趙雲有勇無謀。不足爲慮。來日都督再引兵出先伏兩軍於左右。都督臨陣先退。誘趙雲到伏兵處。都督却登山指揮四面軍馬重疊圍住。雲可擒矣。此計亦平常不過趙雲太猛故中之耳懋從其言。遂遣董禧引三萬軍伏於左。薛則引三萬軍伏於右。二人埋伏已定。次日夏侯懋復整金鼓旗旛率兵而進。趙雲鄧芝出迎。芝在馬上謂趙雲曰。昨夜魏兵大敗而走。今日復來。必有詐也。老將軍防之。鄧芝甚是仔細與孔明之小心相似子龍曰。量此乳臭小兒何足道哉。吾今日必當擒之。便躍馬而出。魏將潘遂出迎。戰不三合。撥馬便走。趙雲趕去。魏陣中八員將一齊來迎。放過夏侯懋先走。八將

陸續奔走趙雲乘勢追殺鄧芝引兵繼進趙雲深入重地只聽得四面喊聲
大震鄧芝急收軍退回左有董禧右有薛則兩路兵殺到鄧芝兵少不能解
救然則長坂坡之解救仍賴後主之禱福趙雲被困在垓心東衝西突魏兵越厚時雲手下止有千餘人

殺到山坡之下只見夏侯楸在山上指揮三軍趙雲投東則望東指投西則
望西指因此趙雲不能突圍乃引兵欲上山來半山半中插木礮石打將下來

不能上山與漢升之戰幸彷彿相似趙雲從辰時殺至酉時不能得脫只得下馬少歇且待月

明再戰却纔卸甲而坐月光方出此處寫月忙中開筆忽四下火光冲天鼓聲大震矢石如

雨魏兵殺到皆叫曰趙雲早降雲急上馬迎敵四面軍馬漸漸逼近八方弓

箭交射甚急人馬皆不能向前雲仰天嘆曰吾不服老死於此地矣故作驚人之筆跌出下文

忽東北角上喊聲大起魏兵紛紛亂竄一彪軍殺到爲首大將持丈八點鋼

矛馬項下挂一顆人頭雲視之乃張苞也來得突兀苞見了趙雲言曰丞相恐老將

軍有失特遣某引五千兵接應聞老將軍被困故殺透重圍正遇魏將薛則

攔路被某殺之斬薛則在張苞口中殺出殊不費力雲大喜卽與張苞殺出西北角來只見魏兵棄戈

奔走一彪軍從外吶喊殺入爲首大將提青龍偃月刀手挽人頭雲視之乃

關興也。亦來得突兀○兩顆人頭一在馬項下一在手中兩樣寫法興曰奉丞相之命恐老將軍有失特引五千兵前來

接應却纔陣上逢着魏將董禧被吾一刀斬之梟首在此。斬董禧在關興口中殺出殊不費力丞相隨

後便到也雲曰二將軍已建奇功何不趁今日擒住夏侯楙以定大事。好子龍有志氣

張苞聞言遂引兵去了興曰我也幹功去遂亦引兵去了。前寫子龍此處又夾寫到苞雲回顧左

右曰他兩個是吾子姪輩尙且爭先幹功吾乃國家上將朝廷舊臣反不如

此小輩耶吾當捨老命以報先帝之恩。殺了一日猶然如此子龍到底不老於是引兵來捉夏侯楙當

夜三路兵夾攻大破魏軍一陣鄧芝引兵接應殺得屍橫遍野血流成河夏

侯楙乃無謀之人更兼年幼不曾經戰見軍大亂遂引帳下驍將百餘人望

南安郡而走。曹操女婿甚是濟眾軍因無主將盡皆逃竄興苞二將聞夏侯楙望南安郡

去了連夜趕來楙走入城中令緊閉城門驅兵守禦興苞二人趕到將城圍

住趙雲隨後也到三面攻打少時鄧芝亦引兵到。前將四人分開今將四人合敘一連圍了十日攻

打不下忽報丞相留後軍住沔陽左軍屯陽平右軍屯石城自引中軍來到

趙雲鄧芝關興張苞皆來拜問孔明說連日攻城不下孔明遂乘小車親到

城邊週圍看了一遍回寨升帳而坐眾將環立聽令。讀至此似已有取南安之策却猜不出有下文孔明曰此

郡濠深城峻不易攻也吾正事不在此城汝等如只久攻倘魏兵分道而出

以取漢中吾軍危矣請至此又似不欲取南安之意更猜不出看下文鄧芝曰夏侯懋乃魏之駙馬若擒此人勝

斬百將今困於此豈可棄之而去鄧芝不以南安為重却以夏侯懋為重孔明曰吾自有計此處西連天

水郡北抵安定郡二處太守不知何人孔明不於南安用計却欲以天水安定用計奇妙探卒答曰天水太守馬

遵安定太守崔諒孔明大喜乃喚魏延受計如此如此又喚關興張苞受計

如此如此又喚心腹軍士二人受計如此行之妙在此處不敘明白各將領命引兵而去孔

明在南安城外令軍運柴草堆於城下口稱燒城魏兵聞知皆大笑不懼却

說安定太守崔諒在城中聞蜀兵圍了南安困住夏侯懋十分慌懼即點軍

馬約共四千守住城池忽見一人自正南而來口稱有機密事方知心腹軍士如此用法崔諒

喚入問之答曰某是夏侯懋都督帳下心腹將裴緒今奉都督將令特來求

救於天水安定二郡南安甚急每日城上縱火為號專望二郡救兵並不見

到因復差某殺出重圍來此告急可星夜起兵為外應都督若見二郡兵到

却開城門接應也此是孔明分付之語至此方纔明白諒曰有都督文書否緒貼肉取出汗已濕透略

教一視假文書不堪再看急令手下喚了馬匹便出城望天水而去故作著忙之狀裝得活像不二日又有

報馬到說天水太守已起兵救援南安去了。教安定早早接應。此亦心腹軍士崔諒

與府官商議。多官曰：若不去救，失了南安，送了夏侯驍馬，皆我兩郡之罪也。

只得救之。諒即點起人馬離城而去。只留文官守城。此失城之由崔諒提兵向南安

大路進發。遙望見火光冲天，催兵星夜前進。離南安尚有五十餘里，忽聞前

後喊聲大震。哨馬報道：前面關興截住去路，背後張苞殺來。前分付與苞之計於此方見安定之

兵四下逃竄。諒大驚，乃領手下百餘人往小路死戰，得脫奔回安定。方到城

濠邊，城上亂箭射下來。蜀將魏延在城上叫曰：吾已取了城也。何不早降。前分付魏

延之計於此方見原來魏延扮作安定軍，夤夜賺開城門，蜀兵盡入，因此得了安定。魏延識各用實寫魏

延取城用虛寫兩樣筆法崔諒慌投天水郡來，行不到一程，前面一彪軍擺開大旗，下

一綸巾羽扇，道袍鶴氅，端坐於車上，諒視之，乃孔明也。急撥回馬走，關興、張苞

兩路兵追到，只叫早降。崔諒見四面皆是蜀兵，不得已遂降。同歸大寨。孔明

以上賓相待。孔明曰：南安太守與足下交厚，否諒曰：此人乃楊阜之族弟楊

陵也。南安太守姓名在崔諒口中補出與某鄰郡交契甚厚。孔明曰：今欲煩足下入城說楊陵擒夏

侯楸可乎？諒曰：丞相若令某去，可暫退軍馬。容某入城說之。孔明從其言，即

時傳令教四面軍馬各退二十里下寨。崔諒假應承孔明亦假信任以假對假自有妙用崔諒匹馬到城邊叫開

城門入到府中與楊陵禮畢細言其事。陵曰我等受魏主大恩安忍背之可

將計就計而行。楊陵欲將計就計孰知孔明又將計就計遂引崔諒到夏侯懋處備細說知。懋曰當用何

計。楊陵曰只推某獻城門賺蜀兵入却就城中殺之。崔諒依計而行出城見

孔明說楊陵獻城門放大軍入城以擒夏侯懋。楊陵本欲自捉因手下勇士

不多未敢輕動。此句便知其假孔明曰此事至易今有足下原降兵百餘人於內暗藏

蜀將扮作安定軍馬帶入城去。此是真語先伏於夏侯懋府下却暗約楊陵待半夜

之時獻開城門裏應外合。此是假語崔諒暗思若不帶蜀將去恐孔明生疑且帶入

去就內先斬之舉火為號。賺孔明入內殺之可也。暗寫崔諒意中之語因此應允孔明囑曰

吾遣親信將關興張苞隨足下先去。此是真語只推救軍殺入城中以安夏侯懋之

心但舉火吾當親入城去擒之。又是假語時值黃昏關興張苞受了孔明密計。妙在不敘明白

披挂上馬各執兵器雜在安定軍中隨崔諒來到南安城下楊陵在城上撐

起懸空板倚定護心欄問曰何處軍馬。崔諒曰安平救軍來到諒先射一號

箭上城箭上帶著密書曰今諸葛亮先遣二將伏於城中要裏應外合且不

可驚動恐泄漏計策待入府中圖之。崔諒確乖却不知已在孔明算中楊陵將書見了夏侯楸細言

其事楸曰既然諸葛亮中計可教刀斧手百餘人伏於府中如二將隨崔太

守到府下馬閉門斬之。不知者為興苞捏一把汗却於城上舉火賺諸葛亮入城伏兵齊出亮

可擒矣。不知者又為孔明捏一把汗安排已畢楊陵回到城上言曰既是安定軍馬可放入城關

興跟崔諒先行張苞在後楊陵下城在門邊迎接興手起刀落斬楊陵於馬

下。方知隨行時所受密計却不是府中是門邊却不是半夜是黃昏也崔諒大驚急撥馬走到弔橋邊張苞大喝曰賊子休走

汝等詭計如何瞞得丞相耶手起一槍刺崔諒於馬下。讀至此方識孔明將計就計之妙關興早到

城上放起火來四面蜀兵齊入夏侯楸措手不及開南門併力殺出一彪軍

攔住為首大將乃是王平交馬只一合生擒夏侯楸於馬上。丈人做盡了人女婿却如此出醜餘皆

殺死孔明入南安招諭軍民秋毫無犯眾將各各獻功孔明將夏侯楸囚於

車中鄧芝問曰丞相何故知崔諒詐也。讀書者至此亦欲急問其故孔明曰吾已知此人無降心

故意使入城彼必盡情告與夏侯楸欲將計就計而行吾見來情足知其詐

復使二將同去以穩其心此人若有真心必然阻當彼忻然同去者恐吾疑

也他意中度二將同去賺入城內殺之未遲又令吾軍有託放心而進。窺見肺肝吾

已暗囑二將就城門下圖之。城內必無准備。吾軍隨後便到此。出其不意也。
前面一派疑軍至此方纔說明

衆將拜服。孔明曰：「賺崔諒者，吾使心腹人詐作魏將裴緒也。」
假裴緒亦於此處敘明

吾又去賺天水郡。至今未到，不知何故。
賺天水亦於此處敘明

南安劉琰守安定，替出魏延軍馬去取天水郡。却說天水郡太守馬遵聽知

夏侯楙困在南安城中，乃聚文武官商議。功曹梁緒主簿尹賞主記梁虔等

曰：「夏侯駙馬乃金枝玉葉，倘有疎虞，難逃坐視之罪。太守何不盡起本部兵

以救之？」
若依此計不消孔明賺得

不換藥。緒入府取公文付馬遵，說都督求安定天水兩郡之兵。星夜救應，言訖忽

忽而去。次日又有報馬到稱說安定兵已先去了。教太守火速前來會合。
兩軍士

乃天水冀人也。姓姜名維，字伯約。
姜維於此出現又為後文張本

因羌人亂沒於王事，維自幼博覽羣書，兵法武藝無所不通。奉母至孝，郡人

敬之。後為中郎將，就參本部軍事。
詳敘伯約生平正為後文伐魏計脚

亮殺敗夏侯楙，困於南安。水泄不通，安得有人自重圍之中而出。又且裴緒

乃無名下將從不曾見。陳安定之假裴緒在孔明口中說出賺天水之假裴緒又在伯約口中道破况安定報馬又無公文以此察之此人乃蜀將詐稱魏將賺得太守出城料城中無備必然暗伏一軍於左近乘虛而取天水也。孔明請過侯楙却晴不過姜維馬遵大悟曰非伯約之言則誤中奸計矣維笑曰太守放心某有一計可擒諸葛亮解南安之圍正是

運籌又遇強中手 鬪智還逢意外人

未知其計如何且看下文分解

第九十三回

姜伯約歸降孔明

武鄉侯罵死王朗

有將計就計之孔明以破崔諒之計斯已奇矣又有將計就計之姜維以破孔明之計則更奇以假裴緒賺天水而姜維能料斯已奇矣即以假姜維賺天水而姜維不能料則更奇夫以孔明之計而有破之之人則其人固孔明之所深愛也以能料孔明之計之人而終有不及料之事則孔明又其人之所不得不服也縱一夏侯楙以招姜維而詐稱姜維之有書是猶在人意思之中遣一假姜維以見夏侯楙而即稱夏侯楙之有書是則出人意想之外其變幻不測疑鬼疑神今日讀之者且為之迷心眩目况當日遇之者能不俯首屈膝哉

此卷有假姜維。前乎此者有假張飛矣。假張飛有二。一則張飛所以賺嚴顏。一則張飛所以賺張郃。而假姜維不容有二。乃孔明所以困姜維。試以西游記擬之。則前之假張飛是孫行者。毫毛所變之假行者也。後之假姜維是六耳獼猴所冒之假行者也。同一假而或自假之。或不自假而他人假之。然則二國之幻。殆不減西遊云。

姜維有母。而孔明卽以姜維之母牽制姜維。亦猶徐庶有母。而曹操卽以徐庶之母牽制徐庶也。然曹操假其母之書以招其子孔明。則不必假其母之書以招其子。所以然者。欲其人之背順歸逆。不得不以母子之情奪其君臣之義。若使其人之背逆助順。則自有君臣之義。正不專恃其母子之情耳。且曹操之才。不足以服徐庶。而孔明之才。實足以服姜維。庶不爲操屈。而但爲母屈。維則不獨爲母屈。而直爲孔明屈矣。

人但知討賊者當誅其首。而不知討賊者當先誅其從。何也。無賈充成濟。則司馬氏父子不能肆其兇。無華歆王朗。則曹氏父子不能恣其惡。故罵曹操而不罵華歆。未足奪曹操之魂。罵曹丕。曹叅而不罵王朗。未足褫曹丕曹叅之魂也。罵曹操者。有陳琳之檄矣。有衣帶之詔矣。有漢中王進位之疏矣。獨於曹丕而缺焉。武侯雖有出師之表。上告嗣君。恨無討賊之文。布告天下。今觀罵王朗一篇。卽以此當罵曹丕。卽以此當布告之。

文可耳。

兵家之有劫寨。題目舊矣。獨至此卷。而有翻陳出新者。料彼不知我劫而劫之。不足奇。料彼知我劫而仍劫之。則奇矣。待彼來劫我而我往劫之。不足奇。知彼待我之往劫而後來而我故賺其來。則又奇矣。不但此也。以我劫寨之兵。截其歸寨之兵。又使彼歸寨之兵。即被殺於防我劫寨之兵。其愈出愈幻。至於如此。每見他書所紀劫寨之事。不過殺入寨中。並無一人。情知中計。望後便走等語耳。層層疊疊。數見不鮮。問有以舊題而作新文。若此卷之神妙者乎。

却說姜維獻計於馬遵曰。諸葛亮必伏兵於郡後。賺我兵出城。乘虛襲我。某願請精兵三千。伏於要路。太守隨後發兵出城。不可速去。止行三十里便回。但看火起為號。前後夾攻。可獲大勝。如諸葛亮自來。必為某所擒矣。前卷孔明用計說明在後此處

姜維用計說明在前遵用其計。付精兵與姜維去。訖然後自與梁虔引兵出城等候。只留梁緒尹賞守城。原來孔明果遣趙雲引一軍埋伏於山僻之中。只待天水人馬離城。便乘虛襲之。當日細作回報趙雲說。天水太守馬遵起兵出城。只留文官守城。趙雲大喜。又令人報與張翼高翔。教於要路截殺馬遵。此二處兵亦

是孔明預先埋伏。前卷之事補敘於此却說趙雲引五千兵。逕投天水郡城下。高叫曰：吾乃

常山趙子龍也。汝知中計。早獻城池。免遭誅戮。城上梁緒大笑曰：汝中吾姜

伯約之計。尚然不知耶。前是孔明將計就計。此是姜維將計就計。可謂禮誼不答。雲恰待攻城。忽然喊聲大震。四面火

光冲天。當先一員少年將軍。挺槍躍馬而言曰：汝見天水姜伯約乎。在子龍眼中寫一姜維。語亦

自負之甚。雲挺槍直取姜維。戰不數合。維精神倍長。雲大驚。暗忖曰：誰想此處有這

般人物。又在子龍意中。寫一姜維更妙。正戰時。兩路軍夾攻來。乃是馬遵。梁虔引軍殺回。趙雲首

尾不能相顧。衝開條路。引敗兵奔走。姜維趕來。虧得張翼高翔兩路軍殺出。

接應回去。又虧此一路接應。子龍雖敗。可見孔明用計之妙。趙雲歸見孔明。說中了敵人之計。孔明驚問曰：此是

何人。識吾玄機。有南安人告曰：此人姓姜。名維。字伯約。天水冀人也。事母至

孝。文武雙全。智勇足備。真當世之英傑也。又在南安人口中寫一姜維。趙雲又誇獎姜維槍法。與

他人大不同。又在子龍口中寫一姜維愈甚。孔明曰：吾今欲取天水。不想有此人。遂起大軍前來。

却說姜維回見馬遵曰：趙雲敗去。孔明必來自來。彼料我軍必在城中。今可

將本部軍馬。分爲四枝。某引一軍伏於城東。如彼兵到。則截之。太守與梁虔

尹賞各引一軍城外埋伏。梁緒率百姓在城上守禦。寫姜維第三番用計亦用明寫。分撥已定。却說

孔明因慮姜維自為前部望天水郡進發將到城邊孔明傳令曰凡攻城池以初到之日激勵三軍鼓譟直上若遲延日久銳氣盡墮極難破矣於是大軍逕到城下因見城上旗幟整齊未敢輕攻此非寫梁緒亦是寫姜維候至半夜忽然四下火

光冲天喊聲震地正不知何處兵來只見城上亦鼓譟呐喊相應蜀兵亂竄孔明急上馬有關興張苞二將保護殺出重圍回頭看時正東上馬軍一帶

火光勢若長蛇四路兵獨寫正東以三路之無用穢出一路之獨奇孔明令關興探視回報曰此姜維兵也孔明

嘆曰兵不在多在人之調遣耳此人真將才也又在孔明眼中口中寫一姜維收兵歸寨思之良久

乃喚安定人問曰姜維之母現在何處從事母至孝上得來答曰維母今居冀縣孔明喚魏

延分付曰汝可引一軍虛張聲勢詐取冀縣若姜維到可放入城又問此地

何處緊要安定人曰天水錢糧皆在上邽若打破上邽則糧道自絕矣孔明

大喜教趙雲引一軍去攻上邽欲取天水却不於天水用計又於別處用計妙孔明離城三十里下寨早有人

報入天水郡說蜀兵分為三路一路攻此郡一軍取上邽一軍取冀城姜維

聞之哀告馬遵曰維母現在冀城恐母有失維乞一軍往救此城兼保老母

亦如徐庶所云方寸亂矣馬遵從之遂令姜維引三千軍去保冀城梁虔引三千軍去保上邽

却說姜維引兵至冀城前面。一彪軍擺開爲首。蜀將乃是魏延。二將交鋒。數合延詐敗奔走。維入城閉門。率兵守護。拜見老母。並不出戰。趙雲亦放過梁虔入上邽城去了。詳於姜維而略於梁虔。人有輕重故敘有詳略。孔明乃令人去南安郡取夏侯楙。至帳下。孔明曰：汝懼死乎？楙慌拜伏乞命。曹家女婿如此出醜。孔明曰：目今天水姜維現守冀城。使人持書來說。但得駙馬在我願來降。又用前番賺安定之法。吾今饒汝性命。汝肯招安姜維否？楙曰：情願招安。孔明乃與衣服鞍馬。不令人跟隨。放之自行。又用前番縱崔諒之法。楙得脫出寨。欲尋路而走。奈不知路徑。正行之間。忽逢人奔走。楙問之。答曰：我等是冀縣百姓。今被姜維獻了城池。歸降諸葛亮。蜀將魏延縱火劫掠我等。因此棄家奔走。投上邽去也。此是孔明之計。妙在不敘明白。令讀者自知之。楙又問曰：今守天水郡是誰？土人曰：天水城中乃馬太守也。楙聞之。縱馬望天水而行。又見百姓攜男抱女而來。所說皆同。妙哉。計乎。楙至天水城下。叫門。城上人認得是夏侯楙。慌忙開門迎接。馬遵驚拜問之。楙細言姜維之事。又將百姓所言說了一遍。遵嘆曰：不想姜維反投蜀矣。孔明只賺夏侯楙。却借夏侯楙以賺馬遵。一個便是賺兩個。梁緒曰：彼意欲救都督。故以此言虛降。楙曰：今維已降。何爲虛也？正躊躇間。時已初更。蜀兵又來攻城。火光中見姜維在城下。

挺槍勒馬大叫曰請夏侯都督答話試令讀者掩卷猜之此是真姜維乎假姜維乎夏侯楨與馬遵等皆到城

上見姜維耀武揚威大叫曰我為都督而降都督何背前言極妙楨曰汝受魏

恩何故降蜀有何前言耶維應曰汝寫書教我降蜀何出此言汝要脫身却

將我陷了明明當面說誠却使夏侯楨聞之又疑是孔明假作檄書以賺姜維也我今降蜀加為上將安有還魏之理言訖驅兵

打城至曉便退若到天明便認得是假姜維矣原來夜間假裝姜維者乃孔明之計令部卒形貌

相似者假扮姜維攻城因火光之中不辨真偽此處方纔說明○水滸傳假秦明從此學來然不知此處曲折之妙也孔明却引

兵來攻冀城城中糧少軍食不敷姜維在城上見蜀兵大車小輛搬運糧草

入魏延寨中去了維引三千兵出城逕來劫糧蜀兵盡棄了糧車尋路而走

也二將交鋒戰不數合王平引一軍又到兩下夾攻維力窮抵敵不住奪路

歸城城上早插蜀兵旗號原來已被魏延襲了此番却着了道兒維殺條路奔天水城手

下尚有十餘騎又遇張苞殺了一陣維止剩得匹馬單槍來到天水城下叫

門城上軍見是姜維慌報馬遵曰此是姜維來賺我城門也令城上亂箭

射下

前把假姜維認作真姜維今把真姜維認作假姜維被孔明弄得七顛八倒姜維回顧蜀兵至近遂飛奔上邽城來城上梁虔

見了姜維大罵曰反國之賊安敢來賺我城池吾已知汝降蜀矣遂亂箭射

下。梁凌一邊知道却用暗寫此省筆處姜維不能分說仰天長嘆兩眼淚流撥馬望長安而走行不數

里前至一派大樹茂林之處一聲喊起數千兵擁出爲首蜀將關興截住去

路。孔明用計不在孔明一邊寫去只在姜維一邊見來異樣筆法維人困馬乏不能抵當勒回馬便走忽然一輛小車從山

坡中轉出。得一輛小車抵得一隊大兵其人頭戴綸巾身披鶴氅手搖羽扇乃孔明也孔明喚姜

維曰伯約此時何尚不降維尋思良久前有孔明後有關興又無去路只得

下馬投降。只此一降便生出後來無數文字孔明慌忙下車而迎執維手曰吾自出茅廬以來遍求

賢者欲傳授平生之學恨未得其人今遇伯約吾願足矣。一見便有此深談此收拾英雄之法維大喜

拜謝孔明遂同姜維回寨升帳商議取天水上邽之計維曰天水城中尹賞

梁緒與某至厚當寫密書二封射入城中使其內亂城可得矣。弄假成真孔明從之

姜維寫了二封密書拴在箭上縱馬直至城下射入城中小校拾得呈與馬

遵遵大疑與夏侯楸商議曰梁緒尹賞與姜維結連欲爲內應都督宜早決

之楸曰可殺二人尹賞知此消息乃謂梁緒曰不如納城降蜀以圖進用。又在姜維

是夜夏侯楸數次使人請梁尹二人說話二人料知事急遂披挂上馬各

中算

執兵器引本部軍大開城門放蜀兵入。夏侯楙馬遵驚慌引數百人出西門棄城投羌城而去。梁緒尹賞迎接孔明入城安民已畢。孔明問取上邽之計。梁緒曰：「此城乃某親弟梁虔守之，願招來降。」設甚不孔明大喜。緒當日到上邽喚梁虔出城來降孔明。孔明重加賞勞，就令梁緒爲天水太守。尹賞爲冀城令。梁虔爲上邽令。孔明分撥已畢，整兵進發。諸將問曰：「丞相何不去擒夏侯楙？」孔明曰：「吾放夏侯楙如放一鴨耳。」薄輕今得伯約得一鳳也。鳳雅之後又有一鳳孔明自得三城之後，威聲大震，遠近州郡望風歸順。孔明整頓軍馬，盡提漢中之兵前出祁山。是一出祁山兵臨渭水之西，細作報入洛陽。以下接過孔明再敘魏國時魏主曹叅太和元年升殿設朝。近臣奏曰：「夏侯驍馬已失三郡，逃竄羌中去了。今蜀兵已到祁山，前軍臨渭水之西，乞早發兵破敵。」曹叅大驚，乃問羣臣曰：「誰可爲朕退蜀兵？」耶司徒王朗出班奏曰：「臣觀先帝每用大將軍曹真，所到必克。今陛下何不拜爲大都督，以退蜀兵？」亦強夏侯楙不少叅准奏，乃宣曹真曰：「先帝託孤與卿，今蜀兵入寇中原，卿安忍坐視乎？」真奏曰：「臣才疏智淺，不稱其職。」王朗曰：「將軍乃社稷之臣，不可固辭。」老臣雖駑鈍，願隨將軍一往。此老死期至矣真又奏曰：「臣受大恩，安敢推辭。」

但乞一人爲副將。叡曰：卿自舉之。真乃保太原陽曲人，姓郭，名淮，字伯濟，官

封射亭侯，領雍州刺史。叡從之，遂拜曹真爲大都督，賜節鉞，命郭淮爲副都

督。王朗爲軍師。朗時年已七十六歲矣。老而不死是爲賊選撥東西二京軍馬二十萬與

曹真、真命宗弟曹遵爲先鋒，又命盪寇將軍朱讚爲副先鋒。當年十一月出

師。魏主曹叡親自送出西門之外，方回。曹真令大軍來到長安，過渭水之西

下寨。真與王朗、郭淮共議退兵之策。朗曰：來日可嚴整隊伍，大展旌旗。老夫

自出，只用一席話管教諸葛亮拱手而降。蜀兵不戰自退。擬老兒真是夢中可發一笑真大喜，是

夜傳令來日四更造飯，平明務要隊伍整齊。人馬威儀，旌旗鼓角，各按次序。

當時使人先下戰書。次日兩軍相迎，列成陣勢。於祁山之前，蜀軍見魏兵甚

是雄壯，與夏侯楸大不相同。在蜀兵眼中寫魏國軍容之盛三軍鼓角已罷，司徒王朗乘馬而出。

上首乃都督曹真，下首乃副都督郭淮。兩個先鋒壓住陣腳，探子馬出軍前

大叫曰：請對陣主將答話。只見蜀兵門旗開處，關興、張苞分左右而出，立馬

於兩邊。次後一隊隊驍將分列。在魏兵眼中寫蜀漢軍容之盛門旗影下，中央一輛四輪車，孔明

端坐車中，綸巾羽扇，素衣皂纛，飄然而出。孔明舉目見魏陣前三個麾蓋，旗

上大書姓名。中央白髯老者。乃軍師司徒王朗。孔明暗忖曰。王朗必下說詞。吾當隨機應之。遂教推車出陣外。令護軍小校傳曰。漢丞相與司徒會話。只一淡字

可以壓倒王朗。司徒上削去魏字。不予其事。魏也。亦不加以漢字者。以不成其為漢臣也。王朗縱馬而出。孔明於車上拱手。朗在馬上欠身答

禮。朗曰。久聞公之大名。今幸一會。公既知天命。識時務。何故興無名之兵。孔

明曰。吾奉詔討賊。何謂無名。不但秦後主之詔。直秦先主之詔也。又朗曰。天數有變。開口便說一天字來壓孔明。神

器更易而歸。有德之人。此自然之理也。曩自桓靈以來。黃巾倡亂。天下爭衡。

應第一回中事。降至初平建安之歲。董卓造逆。應第九回中事。催汜繼虐。應十三回中事。袁術僭號於壽春。

應十七回中事。袁紹稱雄於鄴土。應三十一回中事。劉表占據荊州。應三十九回中事。呂布虎吞徐郡。應十九回中事。盜賊

蜂起。奸雄鷹揚。社稷有彙卵之危。生靈有倒懸之急。將羣雄總敘四句。我太祖武皇帝掃

清六合。席捲八荒。萬姓傾心。四方仰德。非以權勢取之。實天命所歸也。應七十八回中事。

稱一天字。以尊曹操。我世祖文帝。聖神文武。以膺大統。應天合人。法堯禪舜。處中國以治萬

邦。豈非天心人意乎。應九十一回以前事。稱一天字。又添出一人字以尊曹丕。今公蘊大才。抱大器。欲自比於管樂。先將

揚一何乃強欲逆天理。背人情而行事耶。又將孔明一抑。但云逆天數則可。若云逆天理則不可。勉強將一理字換一數字。又勉強添一人字對上天字。豈不聞

古人云。順天者昌。逆天者亡。究竟只好歸重天字上去。今我大魏帶甲百萬。良將千員。量腐草

之螢光。怎及天心之皓月。公可倒戈卸甲。以禮來降。不失封侯之位。國安民

樂。豈不美哉。孔明在車上大笑曰。吾以為漢朝大老元臣。必有高論。弊頭將一漢字對他天字

豈期出此鄙言。吾有一言。諸軍靜聽。要在衆人面前出他醜昔日桓靈之世。漢統凌替。宦官

釀禍。國亂歲凶。四方擾攘。黃巾之後。董卓。催汜等接踵而起。遷劫漢帝。殘暴

生靈。略敘往時之亂。鑿括不煩因廟堂之上。朽木為官。殿陛之間。禽獸食祿。狼心狗行之輩。滾

滾當朝。奴顏婢膝之徒。紛紛秉政。以致社稷丘墟。蒼生塗炭。屬盡漢臣。暗切王期吾素知汝

所行。世居東海之濱。初舉孝廉入仕。理合匡君輔國。安漢興劉。何期反助逆

賊。同謀篡位。罪惡深重。天地不容。天下之人。願食汝肉。方指名罵他今幸天意不絕

炎漢。此以天理決天數昭烈皇帝。繼統西川。吾今奉嗣君之旨。興師討賊。自敘出師伐魏之意。不但奉詔討賊。亦是奉天討賊汝

既為諂諛之臣。只可潛身縮首。苟圖衣食。安敢在行伍之前。妄稱天數耶。折倒又奉

語之數之皓首匹夫。蒼髯老賊。汝即日將歸於九泉之下。何面目見二十四帝乎。列聖

之權以折之連死後都罵倒老賊速退。可教反賊與吾共決勝負。王朗聽罷。氣滿胸膛。大叫一聲。

撞死於馬下。周瑜有三氣。王朗只是一氣。老兒氣不起。不似少年熬得後人有詩讚孔明曰。

兵馬出西秦。雄才敵萬人。輕搖三寸舌。罵死老奸臣。

孔明以扇指曹真曰吾不逼汝汝可整頓軍馬來日決戰言訖回車於是兩軍皆退曹真將王朗屍首用棺木盛貯送回長安去了

一個軍師早完了局

副都督郭淮曰

諸葛亮料吾軍中治喪今夜必來劫寨可分兵四路兩路兵從山僻小路乘虛去劫蜀寨兩路兵伏於本寨外左右擊之

算到敵人劫寨却又去劫敵人之寨其計亦巧

曹真大喜曰此計

與吾相合遂傳令喚曹遵朱讚兩個先鋒分付曰汝二人各引一萬軍抄出

祁山之後但見蜀兵望吾寨而來汝可進兵去劫蜀寨如蜀兵不動便撤兵

回不可輕進

若彼不劫我亦不劫其謀亦儼

二人受計引兵而去真謂淮曰我兩個各引一枝軍

伏於寨外寨中虛堆柴草只留數人如蜀兵到放火爲號諸將皆分左右各

自准備去了却說孔明歸帳先喚趙雲魏延聽令孔明曰汝二人各引本部

兵去劫魏寨魏延進曰曹真深明兵法必料我乘喪劫寨他豈不隄防

此寫魏延孔

明笑曰吾正欲曹真知吾去劫寨也

極妙

彼必伏兵在祁山之後待我兵過去

却來襲我寨吾故令汝二人引兵前去過山脚後路遠下營寨待魏兵來劫

吾寨汝看火起爲號分兵兩路文長拒住山口子龍引兵殺回必遇魏兵却

放彼走回汝乘勢攻之彼必自相掩殺可獲全勝

妙在原不教他劫寨只教他殺劫寨之人

二將引兵受

計而去。又喚關興、張苞分付曰：汝二人各引一軍，伏於祁山要路，放過魏兵。

却從魏兵來路殺奔魏寨而去。這兩個却是殺他劫寨。二人引兵受計去了。又令馬岱、王平

張翼、張嶷四將伏於寨外，四面迎擊魏兵。孔明乃虛立寨柵，居中堆起柴草

以備火號。自引諸將退於寨後，以觀動靜。既防他來劫寨，又要騙他來劫寨，神妙之極。却說魏先鋒曹遵、朱

讚、黃昏離寨迤邐前進。二更左側遙望山前隱隱有軍行動，曹遵自思曰：郭

都督真神機妙算。且慢讚著。遂催兵急進。到蜀寨時，將及三更，曹遵先殺入寨，却是

空寨，並無一人。料知中計，急撤軍回寨，中火起。朱讚兵到，自相掩殺。人馬大

亂。曹遵與朱讚交馬，方知自相踐踏。此是以魏伐魏，神妙。急合兵時，忽四面喊聲大震。王平

馬岱、張翼、張嶷殺到。第三次分付的，第一次出現。曹朱二人引心腹軍百餘騎，望大路奔走。忽然

鼓角齊鳴，一彪軍截住去路，爲首大將乃常山趙子龍也。第一次分付的，第二次先是一個出現。大叫曰：

賊將那裏去！早早受死！曹朱二人奪路而走，忽喊聲又起。魏延又引一彪軍

殺到。第一次分付的，第三次又是一個出現。曹朱二人大敗，奪路奔回本寨，守寨軍士只道蜀兵來劫寨

慌忙放起火號。左邊曹真殺至右邊，郭淮殺至自相掩殺。又是以魏殺魏，神妙。背後三路蜀

兵殺至中央，魏延左邊關興、右邊張苞大殺一陣。第二次分付的，第四次出現，又在魏延再出現。魏兵敗走十

餘里。魏將死者極多。孔明全獲大勝。方始收兵。曹真郭淮收拾敗軍回寨。商議曰。今魏兵勢孤。蜀兵勢大。將何策以退之。淮曰。勝負乃兵家常事。不足爲憂。某有一計。使蜀兵首尾不能相顧。定然自走矣。正是

可憐魏將難成事。欲向西方索救兵。

未知其計如何。且看下文分解。

第九十四回

諸葛亮乘雪破羌兵

司馬懿尅日擒孟達

讀三國者。讀至此卷。而知文之彼此相伏。前後相因。殆合十數卷。而只如一篇。只如一句也。其相反而相因者。有助漢之沙摩柯。乃有抗漢之孟獲。其不相反而相因者。有借羌兵之曹丕。乃有借羌兵之曹真。其相類而相因者。有馬超在而卽去之柯比能。乃有馬超死而忽來之徹里吉。其不相類而相因者。有六縱而不服之蠻王。乃有一縱而卽服之雅丹丞相。至於孟達致書於李嚴。早有李嚴致書於孟達。以爲之伏筆矣。申儀助司馬而殺孟達。早有孟達之約伸儀而背劉封。以爲之伏筆矣。文如常山蛇然。擊首則尾應。擊尾則首應。擊中則首尾皆應。豈非結構之至妙者哉。

此卷之內。忽有一關公之神。突如其來。倏然而往。一救關興。再救張苞。可謂英靈之極。

矣。然越吉元帥之頭。何不即取之。以雲中顯聖之偃月刀。而必待孔明之用計。而後斬之乎。曰。三國一書。所以紀人事。非以紀鬼神。惟有一番籌度。一番誘敵。乃見相臣之勞心。諸將之用命。不似西遊水滸等書。原非正史。可以任意結構也。

平蠻之後。又有平羌。藤甲之後。又有鐵車。一則在於未伐魏之始。一則間於既伐魏之中。一則炎天。一則雪地。一則出其全力持之。曠日一則施以小計定之。終朝或詳或略。或長或短。事不雷同。文不合掌。如此妙事。如此妙文。真他書之所未有。

司馬懿不用。則孟達不死。孟達不死。則兩京可圖。兩京可圖。則曹氏可滅。曹氏之不遽滅。以爲司馬懿之功也。然而救魏之事。卽則篡魏之階。魏之以懿拒漢。猶之前門拒虎。後門進狼耳。此卷於司馬懿起復之初。便敘師昭二子之英英靈爽。蓋非魏之亡於此救。而正魏之亡於此兆云。

蜀事之壞。一壞於失荊州。再壞於失上庸也。荊州不失。則可由荊州以定襄樊。上庸不失。則可由上庸以取宛洛。而原其所以失。則有故焉。當關公離荊州以伐魏之時。使別遣一上將以守荊州。則荊州可以不失。當孟達棄上庸而奔魏之時。更遣一上將以守上庸。則上庸可以不失。而先主不慮之。孔明亦不慮之。則皆天也。非人也。其所以失而

不復者。又有故焉。當先主大戰猇亭之初。孫權願獻荊州。而先主不之拒。則荊州雖失。而可復。當孔明初出祁山之時。孟達欲獻上庸。而司馬懿未之知。則上庸雖失。而可復。而先主必拒之。司馬懿必知之。則又天也。非人也。天不祚漢。亦何咎於先主。亦何咎於孟達耶。孟達不足咎。而孟達之不知人。則可咎也。於諸葛亮之小心。不之信。於申儀申耽。則信之矣。於司馬懿之機警。不之信。於李輔鄧賢。則信之矣。不能料申儀申耽。而何能料司馬懿。不能識李輔鄧賢。而何能識諸葛亮哉。蓋惟諸葛亮能知司馬懿。亦惟司馬懿能知諸葛亮耳。

却說郭淮謂曹真曰。西羌之人。自太祖時連年入貢。文皇帝亦有恩惠加之。我等今可據住險阻。遣人從小路直入羌中求救。許以和親。羌人必起兵襲蜀兵之後。即曹不五路中之一也吾却以大兵擊之。首尾夾攻。豈不大勝。真從之。即遣人星夜馳書赴羌。却說西羌國王徹里吉。自曹操時年年入貢。手下有一文一武。文乃雅丹丞相。武乃越吉元帥。亦如董荼那阿曠南等名色時魏使賈金珠并書到國。先來見雅丹丞相。送了禮物。具言求救之意。雅丹引見國王。呈上書禮。徹里吉覽了書。與衆商議。雅丹曰。我與魏國素相往來。今曹都督求救。且許和親。理合依允。

是金帛說話

徹里吉從其言。即命雅丹與越吉元帥起羌兵二十五萬。皆慣使弓弩。

槍刀。蒺藜。飛鎚等器。又有戰車。用鐵葉裹釘裝載糧食軍器什物。或用駱駝。

駕車。或用騾馬駕車。號為鐵車兵。寫得羌兵可畏。以見孔明之能。二人辭了國王領兵直扣西平。

關守關蜀將韓禎急差人賈文報知孔明。孔明聞報問眾將曰。誰敢去退羌。

兵。張苞關興應曰。某等願往。孔明曰。汝二人要往。奈路途不熟。遂喚馬岱曰。

汝素知羌人之性。久居彼處。可作鄉導。用馬岱可謂最得其人。便起精兵五萬與興苞二人。

同往。興苞等引兵而去。行有數日。早遇羌兵關興先引百餘騎登山坡看時。

只見羌兵把鐵車首尾相連。隨處結寨。車上遍排兵器。就似城池一般。赤壁江中易破連車不易破。

興睹之良久。無破敵之策。回寨與張苞馬岱商議。岱曰。且待來日。

見陣。觀其虛實。另作計議。馬超已死馬岱亦無如之何。次日分兵三路。關興在中。張苞在左。馬岱

在右。三路兵齊進。羌兵陣裏越吉元帥手挽鐵鎚。腰懸寶雕弓。躍馬奮勇而

出。關興招三路兵徑進。忽見羌兵分在兩邊。中央放出鐵車如湧潮一般。其辭也如水。

弓弩一齊驟發。蜀兵大敗。馬岱張苞兩軍先退。關興一軍被羌兵一裹。

直圍入西北角上去了。興在垓心。左衝右突。不能得脫。興至此好生着急。鐵車密圍就如

城池蜀兵你我不能相顧興望山谷中尋路而走看看天晚但見一簇皂旗

蜂擁而來一員羌將手提鐵鎚大叫曰小將休走吾乃越吉元帥也關興急

走到前面儘力縱馬加鞭正遇斷澗興至此好只得回馬來戰越吉興終是膽寒

抵敵不住望澗中而逃被越吉趕到一鐵鎚打來興急閃過正中馬跨那馬

望澗中便倒興落於水中興至此又忽聽得一聲響處背後越吉連人帶馬平白

地倒下水來興就水中掙起看時只見岸上一員大將殺退羌兵絕處逢生興提

刀待砍越吉吉躍水而走此時未便斬關興得了越吉馬牽到岸上整頓鞍轡綽

刀上馬只見那員將尙在前面追殺羌兵讀者至此必謂不興自思此人救我性命

當與相見遂拍馬趕來看至近只見雲霧之中隱隱有一大將面如重棗

眉若臥蠶綠袍金鎧提青龍刀騎赤兔馬手綽美髯分明認得是父親關公

關公又於此處顯興大驚忽見關公以手望東南指曰吾兒可速望此路去吾當護

汝歸寨言訖不見關興望東南急走至半夜前是黃昏此是半夜忽見一彪軍到乃

張苞也問興曰汝曾見二伯父否問得興曰汝何由知之苞曰我被鐵車軍追

急忽見伯父由空而下驚退羌兵關公在張苞一邊指曰汝從這條路去救吾兒因

聖却是意想不到
顯聖却用虛寫

此引軍逕來尋你。關興亦說前事。共相嗟異。二人同歸寨內。馬岱接着。對二

人說此軍無計可退。我守住寨柵。你二人去稟丞相。用計破之。雖有關公神助。終賴諸葛奇謀。於

是興苞二人。星夜來見孔明。備說此事。孔明遂命趙雲魏延各引一軍埋伏

去訖。然後點三萬軍。帶了姜維張翼關興張苞。親自來到馬岱寨中。歇定。次

日上高阜處觀看。見鐵車連絡不絕。人馬縱橫。往來馳驟。孔明曰。此不難破

也。別人難他。偏不難。喚馬岱張翼分付如此。如此。二人去了。妙在不敘出來。乃喚姜維曰。伯約知破

車之法否。維曰。羌人惟恃一勇力。豈知妙計乎。妙在不說出來。孔明笑曰。汝知吾心也。

今彤雲密布。朔風緊急。天將降雪。吾計可施矣。隱隱說出却是不曾說出。便令關興張苞二人

引兵埋伏去訖。又是兩路伏兵。令姜維領兵出戰。但有鐵車兵來。退後便走。寨口虛立

旌旗。不設軍馬。准備已定。是年十二月終。果然天降大雪。姜維引軍出。越吉

引鐵車兵來。姜維卽退走。羌兵趕到寨前。姜維從寨後而去。羌兵直到寨外

觀看。聽得寨內鼓琴之聲。當歌白雪之詩以和之。四壁皆空。豎旌旗。急回報。越吉越吉。心疑

未敢輕進。雅丹丞相曰。此諸葛亮詭計。虛設疑兵耳。可以攻之。越吉引兵至

寨前。但見孔明攜琴上車。賦詩不能退敵。獨琴却可以誘敵。引數騎入寨。望後而走。羌兵搶入寨柵。

直趕過山口。見小車隱隱轉入林中去了。以小車引出大車雅丹謂越吉曰：「這等兵雖有

埋伏，不足爲懼。」遂引大兵追趕。又見姜維兵俱在雪地之中奔走。越吉大怒。

催兵急追。山路被雪漫蓋，一望平坦。絕妙筆景。此句不是閑筆。正趕之間，忽報蜀兵自山後而

出。雅丹曰：「縱有些少伏兵，何足懼哉？」只顧催趲兵馬，往前進發。忽然一聲響

如山崩地陷，羌兵俱落於坑塹之中。所謂乘雪用計，乃此計也。背後鐵車正行得緊溜，急難收

止，併擁而來，自相踐踏。後兵急欲回時，左邊關興、右邊張苞兩軍衝出，萬弩

齊發。背後姜維、馬岱、張翼三路兵，又殺到鐵車兵大亂。越吉元帥望後面山

谷中而逃。正逢關興交馬，只一合，被興舉刀大喝一聲，砍死於馬下。若在關公顯聖時殺之，便不見

關興之勇，又不見孔明之能矣。雅丹丞相早被馬岱活捉，解投大寨來。羌兵四散逃竄。孔明升帳，馬

岱押過。雅丹來，孔明叱武士去其縛，賜酒壓驚，用好言撫慰。又用權蓋獲之法。雅丹深感

其德。孔明曰：「吾主乃大漢皇帝，今命吾討賊，爾如何反助賊？吾今放汝回去。」

說與汝主，吾國與爾乃鄰邦，永結盟好，勿聽反賊之言。遂將所獲羌兵及車

馬器械盡給還。雅丹俱放回國，衆皆拜謝而去。羌人不復反矣。孔明引三軍連夜投祁

山大寨而來，命關興、張苞引軍先行，一面差人賚表奏報捷音，却說曹真連

日望羌人消息。忽有伏路軍來報說。蜀兵拔寨收拾起程。孔明用計却在曹真一邊寫出郭淮大

喜曰。此因羌兵攻擊。故爾退去。遂分兩路追趕。前面蜀兵亂走。魏兵隨後追

趕。先鋒曹遵正趕之間。忽然鼓聲大震。一彪軍閃出。為首大將乃魏延也。孔明

延埋伏於此寫出大叫反賊休走。曹遵大驚。拍馬交鋒。不三合。被魏延一刀斬於馬下。副

先鋒朱讚引兵追趕。忽然一彪軍閃出。為首大將乃趙雲也。孔明使趙雲埋伏於此寫出朱讚措

手不及。被雲一槍刺死。曹真郭淮見兩路先鋒有失。欲收兵回。背後喊聲大

震。鼓角齊鳴。關興張苞兩路兵殺出。興苞埋伏於此寫出圍了曹真郭淮。痛殺一陣。曹郭二

人引敗軍衝路走脫。蜀兵全勝。直追到渭水。奪了魏寨。曹真折了兩個先鋒。

哀傷不已。只得寫本申朝。乞撥援兵。却說魏主曹叅設朝。近臣奏曰。大都督

曹真數敗於蜀。折了兩個先鋒。羌兵又折了無數。其勢甚急。今上表求救。請

陛下裁處。叅大驚。急問退軍之策。華歆奏曰。須是陛下御駕親征。大會諸侯。

人皆用命。方可退也。不然。長安有失。關中危矣。也得孔明罵他一場便好太傅鍾繇奏曰。凡為

將者。知過於人。則能制人。孫子云。知彼知己。百戰百勝。臣量曹真雖久用兵。

非諸葛亮對手。臣以全家良賤保舉一人。可退蜀兵。未知聖意准否。自然引出這個人來叅

曰。此言甚善。遂遣使召孔明入朝。孔明入朝。上表曰。臣聞陛下聖體不安。臣

曰卿乃大老元臣。有何賢士可退蜀兵。早召來與朕分憂。鍾繇奏曰。向者諸

葛亮欲興師犯境。但懼此人。故散流言。使陛下疑而去之。前疑吳蜀反間今專指蜀人方敢長驅

大進。今若復用之。則亮自退矣。叡問何人。繇曰。驃騎大將軍司馬懿也。鄭重說出叡

嘆曰。此事朕亦悔之。今仲達現在何處。繇曰。近聞仲達在宛城閒住。叡即降

詔遣使持節復司馬懿官職。加爲平西都督。就起南陽諸路軍馬。前赴長安。

叡御駕親征。令司馬懿。尅日到彼聚會。使命星夜望宛城去了。以下按過魏國再敘孔明却說

孔明自出師以來。累獲全勝。心中甚喜。正在祁山寨中。會衆議事。忽報鎮守

永安宮李嚴。令子李豐來見孔明。只道東吳犯境。心甚驚疑。有此一旬反襯下文之喜喚入帳

中問之。豐曰。特來報喜。孔明曰。有何喜。豐曰。昔日孟達降魏。乃不得已也。彼

時曹丕愛其才。時以駿馬金珠賜之。曾同輦出入封爲散騎常侍。領新城太

守。鎮守上庸金城等處。委以西南之任。曹丕恩遇孟達却於此處補出自丕死後。曹叡卽位。朝中

多人嫉妬。孟達日夜不安。常謂諸將曰。我本蜀將。勢逼於此。今累差心腹人

持書來見家父。教早晚代稟丞相。前者五路下川之時。曾有此意。又將前事補照一句今在

新城。聽知丞相伐魏。欲起金城新城上庸三處軍馬。就彼舉事。逕取洛陽丞

相取長安兩京大定矣。

此事若成豈不大妙

今某引來人并累次書信呈上。孔明大喜。厚賞

李豐等。忽細作入報說魏主曹叅一面駕幸長安。一面詔司馬懿復職。加爲

平西都督。起本處之兵於長安大會。孔明大驚。

一驚之後忽有一喜。喜之後又忽有一驚。

參軍馬謖曰。量

曹叅何足道。若來長安可就而擒之。丞相何故驚訝。孔明曰。吾豈懼曹叅耶。

所患者惟司馬懿一人而已。今孟達欲舉大事。若遇司馬懿。事必敗矣。達非

司馬懿對手。必被所擒。孟達若死中原不易得也。

下文之事早於孔明口中說出

馬謖曰。何不急修

書令孟達隄防。孔明從之。卽修書令來人星夜回報。孟達却說孟達在新城

專望心腹人回報。一日心腹人到來。將孔明回書呈上。孟達拆封視之。書略

曰。

近得書。足知公忠義之心。不忘故舊。吾甚喜慰。若成大事。則公漢朝中興

第一功臣也。然極宜謹密。不可輕易託人。慎之戒之。近聞曹叅復詔司馬

懿起宛洛之兵。若聞公舉事。必先至矣。

管轄之下無此奇驗

須萬全隄備。勿視爲等閒也。

孟達覽畢。笑曰。人言孔明多心。今觀此事。可知矣。乃具回書令心腹人來答

孔明。孔明喚入帳中。其人呈上回書。孔明拆封視之。書曰。

適承鈞教。安敢少怠。竊謂司馬懿之事。不必懼也。宛城離洛城約八百里。至新城一千二百里。若司馬懿聞達舉事。須表奏魏主。往復一月間事。達城池已固。諸將與三軍皆在深險之地。司馬懿卽來。達何懼哉。丞相寬懷。惟聽捷報。

孔明看畢。擲書於地。而頓足曰。孟達必死於司馬懿之手矣。管轄之下無此奇驗馬謖問曰。

丞相何謂也。孔明曰。兵法云。攻其無備。出其不意。豈容料在一月之期。曹叡

既委任司馬懿。逢寇卽除。何待奏聞。若知孟達反。不須十日。兵必到矣。安能

措手耶。英雄所見略同衆將皆服。孔明急令人回報曰。若未舉事。切莫教同事者知。

之知。則必敗。又早知二中之叛其人拜辭歸新城去了。却說司馬懿在宛城閒住。聞知魏

兵累敗於西蜀。乃仰天長嘆。此老心癢真難熬懿長子司馬師。字子元。次子司馬昭。字子

尚。二人素有大志。通曉兵書。此處忽寫二千爲晉滅魏張本當日侍立於側。見懿長嘆。乃問曰。父

親爲何長嘆。懿曰。汝輩豈知大事耶。司馬師曰。莫非嘆魏主不用乎。司馬昭

笑曰。早晚必來宣召父親也。昭更英敏言未已。忽報天使持節至。懿聽詔畢。遂調宛

城諸路軍馬。忽又報金城太守申儀家人有機密事。求見懿。喚入密室問之。

其人細說孟達欲反之事更有孟達心腹人李輔并達外甥鄧賢隨狀出首
方知不可容易託人之
語乃孔明金玉之言 司馬懿聽畢以手加額曰此乃皇上齊天之洪福也諸葛亮兵

在祁山殺得內外人皆膽落今天子不得已而幸長安若旦夕不用吾時孟

達一舉兩京破矣此時司馬懿原
是魏之功臣 此賊必通謀諸葛亮吾先擒之諸葛亮定然心寒

自退兵也長子司馬師曰父親可急寫表申奏天子懿曰若等聖旨往復一

月之間事無及矣與孔明之言
不謀而合 即傳令教人馬起程一日要行二日之路如遲立

斬一面令參軍梁畿賞檄星夜去新城教孟達等準備進征使其不疑周
更 梁

畿先行懿隨後發兵行了二日山坡下轉出一軍乃是右將軍徐晃晃下馬

見懿說天子駕到長安親拒蜀兵今都督何往懿低言曰今孟達造反吾往

擒之耳寫仲達機
密之至 晃曰某願爲先鋒懿大喜合兵一處徐晃爲前部懿在中軍二

子押後又行了二日前軍哨馬捉住孟達心腹人搜出孔明回書來見司馬

懿懿曰吾不殺汝汝從頭細說其人只得將孔明孟達往復之事一一告說

懿看了孔明回書大驚曰世間能者所見皆同兩能相遇
彼此皆驚 吾機先被孔明識破幸

得天子有福獲此消息孟達今無能爲矣遂星夜催軍前行却說孟達在新

城約下金城太守申儀。上庸太守申耽。尅日舉事。耽儀二人佯許之。每日調練軍馬。只待魏兵到。便爲內應。却報孟達說軍器糧草俱未完備。不敢約期起事。達信之不疑。寫孟達疎虞之至忽報參軍梁畿來到。孟達接入城中。畿傳司馬懿將令曰。司馬都督今奉天子詔起諸路軍以退蜀兵。太守可集本部軍馬聽候調遣。達問曰。都督何日起程。畿曰。此時纔離宛城。望長安去了。誰知不向長安却向上庸達暗喜曰。吾大事成矣。遂設宴待了梁畿。送出城外。卽報申耽申儀知道。明日舉事。換上大漢旗號。發諸路軍馬。逕取洛陽。寫孟達鹵莽之至忽報城外塵土冲天。不知何處兵到。孟達登城視之。只見一彪軍打著右將軍徐晃旗號。飛奔城下。達大驚。急扯起弔橋。徐晃坐下馬收拾不住。直來到河邊。高叫曰。反賊孟達。早早受降。達大怒。急開弓射之。正中徐晃額。魏將救去。城上亂箭射下。魏兵方退。孟達恰待開門追趕。四面旌旗蔽日。司馬懿兵到。懿真可謂能達仰天長嘆曰。果不出孔明所料也。悔之晚矣於是閉門堅守。却說徐晃被孟達射中頭額。衆軍救到寨中。取了箭頭。令醫調治。當晚身死。年五十九歲。可謂爲關平報讎司馬懿令人扶柩還洛陽安葬。次日孟達登城遍視。只見魏兵四面圍得鐵桶相似。達行坐不

安驚疑未定。忽見兩路兵自外殺來。旗上大書申儀。申耽。孟達只道是救軍到。忙引本部兵大開城門殺出。寫孟達愚儀大叫曰。反賊休走。早早受死。達見

事變。撥馬望城中便走。城上亂箭射下。李輔。鄧賢二人在城上大罵曰。吾等已獻了城也。達奪路而走。申耽趕來。達人困馬乏。措手不及。被申耽一槍刺

於馬下。可為害劉臬其首級。餘軍皆降。李輔。鄧賢大開城門迎接。司馬懿入城。撫

民勞軍已畢。遂遣人奏知魏主。曹叡大喜。教將孟達首級去洛陽城市示

衆。加申儀。申耽官職。就隨司馬懿征進。命李輔。鄧賢守新城。上庸。却說司馬

懿引兵到長安城外下寨。懿入城來見魏主。叡大喜曰。朕一時不明。誤中反

間之計。悔之無及。今達造反。非卿等制之。兩京休矣。孰知用了司馬懿奏曰。臣聞申

儀密告反情。意欲表奏陛下。恐往來遲滯。故不待聖旨。星夜而去。若待奏聞

則中諸葛亮之計也。借司馬懿口中將孔明所料明白言訖。將孔明回孟達密書呈上。叡看

畢大喜曰。卿之學識。過於孫吳矣。賜金鉞斧一對。後遇機密重事。不必奏聞

便宜行事。機密之事。孰有大於某位者乎。將來亦不必奏聞矣。司馬氏謹如命。就令司馬懿出關破蜀。懿奏曰。臣舉一大將。可

為先鋒。叡曰。卿舉何人。懿曰。右將軍張郃。可當此任。張達徐晃已死。獨張郃尚存。一向冷落。此處却又出頭。叡笑曰。

朕正欲用之。遂命張郃爲前部先鋒。隨司馬懿離長安來破蜀兵。正是

既有謀臣能用智。又求猛將助施威。

未知勝負如何。且看下文分解。

第九十五回

馬謖拒諫失街亭。

武侯彈琴退仲達。

前卷方寫孟達不聽孔明之言而失上庸。此卷便接寫馬謖不聽孔明之言而失街亭。上庸失而使孔明無進取之望。街亭失而幾使孔明無退足之處矣。何也。無街亭則陽平關危。陽平關危則不惟進無所得而且退有所失也。未失者且憂其失而既得者安能保其得。於是南安不得不棄。安定不得不捐。天水不得不委。箕谷之兵不得不撤。西城之餉不得不收。遂令向之擒夏侯。斬崔諒。殺楊陵。取上邽。襲冀縣。罵王朗。破曹真者。其功都付之烏有悲夫。

兵家勝敗之故有異而同者。有同而異者。徐晃拒王平之諫而背水以爲陣。馬謖拒王平之諫而依山以爲營。水與山異而必敗之勢則同也。黃忠屯兵於山而能斬夏侯淵。馬謖屯兵於山而不能退司馬懿。山與山同而一勝一敗之勢則異也。馬謖之所以敗者。因熟記兵法之成語於胸中。不過曰置之死地而後生耳。不過曰憑高視下勢若破。

竹耳。孰知坐論則是。起行則非。讀書雖多。致用則誤。豈不重可嘆哉。故善用。人者。不以言。善用。兵者。不在。書。

請守街亭之馬謖。卽獻計平蠻之馬謖也。又卽反問司馬懿之馬謖也。何以前則智而後則愚。曰。此非人之所能爲也。天也。試以前二事論之。其策南人。則其言果效。其策司馬。則其言始效而終不效。豈非天方授魏。天方啓晉。而人實不能與天爭乎。故知一效一不盡效之故。而街亭之失。不必爲馬謖咎。更不必爲用馬謖者咎。

此卷乃司馬懿初與孔明對壘之時也。而孔明利在戰。司馬懿利在不戰。夏侯林曹眞皆以戰而敗。司馬懿則欲以不戰而勝。其守郿城箕谷者。所以遏孔明之前。而使不得進也。其取街亭柳城者。所以截孔明之後。而使不得退也。使不得不退。而懿於是乎。可以不戰矣。非不欲戰。實不敢戰。畏蜀如虎。蓋自今日而已。然云。

惟小心人。不做大膽事。亦惟小心人。能做大膽事。魏延欲出子午谷。而孔明以爲危計。是小心者。惟孔明也。坐守空城。只以二十軍士掃門。而退司馬懿十五萬之衆。是大膽者。亦惟孔明也。孔明若非小心於平日。必不敢大膽於一時。仲達不疑其大膽於一時。正爲信其小心於平日耳。

為將之道不獨進兵難退兵亦難能進兵是十分本事能退兵亦是十分本事當不得
不退之事而又當必不可退之勢進將被擒退亦受執於此而權略不足以濟之欲全
師而退難矣試觀孔明焚香操琴以不退為退子龍設伏斬將又能以退為進蜀中有
如此之相如此之將而卒不能克復中原嗚呼此天不祚漢耳豈戰之罪哉

自九十二回至此敘武侯第一次伐魏之事而始之以趙雲終之以趙雲者衝鋒陷陣
惟子龍為功首也班師整旅亦惟子龍為功首也以連斬五將始以殺一將釋一將終
覺長坂之英雄如昨漢水之膽智猶新務自伸其討魏報漢之志真不愧先主之舊臣
矣

却說魏主曹叅令張郃為先鋒與司馬懿一同征進一面令辛毗孫禮二人
領兵五萬往助曹真二人奉詔而去且說司馬懿引二十萬軍出關下寨請
先鋒張郃至帳下曰諸葛亮平生謹慎未敢造次行事若是吾用兵先從子
午谷逕取長安早得多時矣魏延之計早為司馬懿所料他非無謀但恐有失不肯弄險孔明不用魏延之計又為司馬懿所料
今必出軍斜谷來取郿城若取郿城必分兵兩路一軍取箕谷矣因祁山算出郿城一路因郿城
又算出箕谷一路是此一路吾已發檄文令子丹拒守郿城若兵來不可出戰是不戰令孫禮辛毗截

住箕谷道口。若兵來，則出奇兵擊之。此一路是戰。以上曹真一枝兵孫禮幸此一枝兵皆在司馬懿口中斂出省筆之法。郃曰：「今將軍當

於何處進兵？」懿曰：「吾素知秦嶺之西有一條路，地名街亭。傍有一城，名列柳

城。此二處皆是漢中咽喉。前算出兩路，今又算出兩路。孔明欺子丹無備，定從此進。吾與汝逕取

街亭。兩路原只重在一路上。望陽平關不遠矣。亮若知吾斷其街亭要路，絕其糧道，則隴西一

境不能安守，必然連夜奔回漢中去也。彼若回動，吾提兵於小路擊之，可得

全勝。料孔明必出於此是正說。若不歸時，吾却將諸處小路盡皆壘斷，俱以兵守之。一月無糧，

蜀兵皆餓死，亮必被我擒矣。料孔明必不出於此是反說。張郃大悟，拜伏於地曰：「都督神算也。」懿

曰：「雖然如此，亮不比孟達將軍為先鋒，不可輕進。當傳與諸將循山西路遠

遠哨探，如無伏兵，方可前進。若是怠忽，必中諸葛亮之計。亦以小心對小心。張郃受計引

軍而行，却說孔明在祁山寨中，忽報新城探細人來到。孔明急喚入問之，細

作告曰：「司馬懿倍道而行，八日已到新城。孟達措手不及，又被申耽、申儀、李

輔、鄧賢為內應，孟達被亂軍所殺。今司馬懿撤兵到長安，見了魏主，同張郃

引兵出關來拒我師也。不煩括。孔明大驚曰：「孟達作事不密，死固當然。今司馬懿

出關，必取街亭，斷我咽喉之路。司馬懿之計已在孔明料中。便問誰敢引兵去守街亭，言未畢，參

軍馬謖曰某願往孔明曰街亭雖小干係甚重倘街亭有失吾大軍皆休矣汝雖深通謀略此地奈無城郭又無險阻守之極難惟其無城郭可守無險阻可謖曰某

自幼熟讀兵書頗知兵法在此壞豈一街亭不能守耶孔明曰司馬懿非等閒之

輩更有先鋒張郃乃魏之名將恐汝不能敵之十分謖曰休道司馬懿張郃便

是曹叅親來有何懼哉此句便差曹叅不足懼司馬懿乃足懼耳若有差失乞斬全家孔明曰軍中無戲言

謖曰願立軍令狀孔明從之謖遂寫了軍令狀呈上孔明曰吾與汝二萬五

千精兵再撥一員上將相助你去即喚王平分付曰吾素知汝平生謹慎故

特以此重任相託汝可小心謹守此地正與馬謖山上屯兵相反下寨必當要道之處十分使賊兵

急切不能偷過安營既畢便畫四至八道地理形狀圖本來我看十分凡事商

議停當而行不可輕易如所守無危則是取長安第一功也戒之戒之十分二

人拜辭引兵而去孔明尋思恐二人有失十分又喚高翔曰街亭東北上有一

城名列柳城乃山僻小路此可以屯兵紮寨與汝一萬兵去此城屯紮但街

亭危可引兵救之十分高翔引兵而去孔明又思高翔非張郃對手必得一員

大將屯兵於街亭之右方可防之十分遂喚魏延引本部兵去街亭之後屯紮

十分到家延曰某爲前部理合當先破敵何故置某於安閒之地孔明曰前鋒破敵

乃偏裨之事耳今令汝接應街亭當陽平關衝要道路總守漢中咽喉此乃

大任也何爲安閒乎汝勿以等閒視之失吾大事切宜小心在意十分鄭重魏延大

喜引兵而去孔明怡纔心安乃喚趙雲鄧芝分付曰今司馬懿出兵與往日

不同汝二人各領一軍出箕谷以爲疑兵如逢魏兵或戰或不戰以驚其心

司馬懿所算孔明亦算到此吾自統大軍由斜谷逕取郿城若得郿城長安可破矣街亭是算退後路郿城是算進前路二

人受命而去孔明令姜維作先鋒兵出斜谷却說馬謖王平二人兵到街亭

看了地勢馬謖笑曰丞相何故多心也諒此山僻之處魏兵如何敢來孔明一團正經却看

得如此沒要緊王平曰雖然魏兵不敢來可就此五路總口下寨此孔明所謂要道是也卽令軍士伐木

爲柵以圖久計謖曰當道豈是下寨之地此處側邊一山四面皆不相連且

樹木極廣比乃天賜之險也可就山上屯軍平曰參軍差矣若屯兵當道築

起城垣賊兵縱有十萬不能偷過今若棄此要路屯兵於山上倘魏兵驟至

四面圍定將何策保之後文之事先在王平口中道破謖大笑曰汝真女子之見兵法云憑高視

下勢如破竹泥成法者不可與論兵若魏兵到來吾教他片甲不回會說大話的每每誤事平曰吾累隨丞

相經陣。每到之處。丞相盡意指教。今觀此山。乃絕地也。王平會看風水。喪。若魏兵斷。

我汲水之道。軍士不戰自亂矣。後文之事實。在王平口中道破。諷曰。汝莫亂道。孫子云。置之死地。

而後生。若魏兵絕我汲水之道。蜀兵豈不死戰。以一可以當百也。吾素讀兵

書。丞相諸事。尚問於我。汝奈何相阻耶。馬謖只記得許多兵書。記得多却是見得少也。平曰。若參軍欲在山上

下寨。可分兵與我自於山西。下一小寨。為犄角之勢。倘魏兵至。可以相應。不馬謖

王平是大話。王平不聽馬謖是小心。馬謖不從。忽然山中居民。成羣結隊。飛奔而來。報說魏兵已到。王

平欲辭去。馬謖曰。汝既不聽吾令。與汝五千兵。自去下寨。二萬五千兵。如何只撥五千。若多與之。猶不至於敗。待

吾破了魏兵。到丞相面前。須分不得功。王平引兵離山十里下寨。畫成圖本。

星夜差人去稟丞相。且說馬謖自於山上下寨。照應上文。却說司馬懿在城中。令次

子司馬昭去探前路。若街亭有兵守禦。即當按兵不行。司馬昭奉令探了一

遍。回見父曰。街亭有兵守把。懿嘆曰。諸葛亮真乃神人。吾不如也。昭笑曰。父

親何故自墮志氣耶。男料街亭易取。前寫司馬懿此處寫司馬昭。懿問曰。汝安敢出此大言。昭曰。

男親自哨見。當道並無寨柵。軍皆屯於山上。故知可破也。見識高。懿大喜曰。若

兵果在山上。乃天使吾成功矣。又寫司馬懿。遂更換衣服。引百餘騎。親自來看。是夜

遂更換衣服。引百餘騎。親自來看。是夜

天晴月朗點筆直至山下。周圍巡哨了一遍。方回馬。謾在山上見之。大笑曰：彼

若有命不來圍山。你若若有命不屯在山傳令與諸將。倘兵來。只見山頂上紅旗招動。即四面

皆下。一面寫司馬懿在山下探看一面寫馬謖在山上傳令夾寫得妙却說司馬懿回到寨中。使人打聽。是何將引兵守街

亭。回報曰：乃馬良之弟馬謖也。懿笑曰：徒有虛名。乃庸才耳。庸名是平日聽來庸才是今日看出孔明

用如此人物。如何不誤事。又問街亭左右。別有軍否。探馬報曰：西山十里有

王平安營。懿乃命張郃引一軍當住王平來路。懿亦十分周密又令申耽申儀引兩路

兵圍山。先斷了汲水道路。果應王平之言待蜀兵自亂。然後乘勢擊之。當夜調度已定。

次日天明。張郃引兵先往背後去了。司馬懿大驅軍馬一擁而進。把山四面

圍定。竟來圍山不怕無命馬謖在山上。看時。只見魏兵漫山遍野。旌旗隊伍。甚是嚴整。蜀兵

見之。盡皆喪膽。不敢下山。馬謖將紅旗招動。軍將你我相推。無一人敢動。不濟

事。謖大怒。自殺二將。眾軍驚懼。只得努力下山來。衝魏兵。魏兵端然不動。蜀

兵又退。上山去。謖曰置之死地而後生今則置之死地而竟死矣馬謖見事不諧。教軍堅守寨門。只等外應。困守窮山以待外應

却說王平見魏兵到。引軍殺來。正遇張郃。戰有數十餘合。平力窮勢

孤。只得退去。更無外應了魏兵自辰時圍至戌時。山上無水。軍不得食。寨中大亂。嚷

至半夜時分。口枯舌乾山南蜀兵大開寨門下山降魏。馬謖禁止不住。兵法何在司馬懿

又令人於沿山放火。既絕之以水山上蜀兵愈亂。馬謖料守不住。只得驅殘兵殺

下山西逃奔。壞了街亭失了好個熟讀兵書深明戰略的司馬懿放條大路讓過馬謖。背後張郃引兵趕來。

趕到三十餘里前面鼓角齊鳴。一彪軍出放過馬謖。攔住張郃。視之乃魏延

也。孔明用魏延本為守街亭誰知却是救馬謖揮刀縱馬直取張郃。郃回軍便走。延驅兵趕來復奪街亭。至此孔明

明趕到五十餘里一聲喊起。兩邊伏兵齊出。左邊司馬懿右邊司馬昭。却抄

在魏延背後把延困在垓心。張郃復來三路兵合在一處。魏延左衝右突。不

得脫身。折兵大半。至此又為孔明一嘆正危急間忽一彪軍殺入。乃王平也。孔明用王平本為守街亭誰知却是救魏延延

大喜曰吾得生矣。二將合兵一處大殺一陣。魏兵方退。二將慌忙奔回寨時

營中皆是魏兵旌旗。申耽申儀從營中殺出。王平魏延逕奔列柳城來投高

翔。此時高翔聞知街亭有失。盡起列柳城之兵前來救應。接符甚緊正遇延平二人

訴說前事。高翔曰不如今晚去劫魏寨。再復街亭。當時三人在山坡下商議

已定。三人商議難出司馬懿所料待天色將晚分兵三路。魏延引兵先進。逕到街亭不見一人。此時司馬

懿用計却在魏延一邊寫出心中大疑不敢輕進。且伏在路口等候。忽見高翔兵到二人共說魏

兵不知在何處。正沒理會，却不見王平兵到。虧得他還未到忽然一聲砲響，火光冲天。

鼓聲震地，魏兵齊到，把魏延、高翔圍在垓心。二人盡力衝突，不得脫身。忽聽

得山坡後喊聲若雷，一彪軍殺入，乃是王平救了高、魏二人。此王平第二次救魏延逕奔列

柳城來。比及奔到城下時，城邊早有一軍殺到，旗上大書「魏都督郭淮字樣」。

原來郭淮與曹真商議，恐司馬懿得了全功，乃分兵來取街亭。聞知司馬懿

張郃成了此功，遂引兵徑襲列柳城。此是趁現成正遇三將大殺一陣，蜀兵傷者極

多。魏延恐陽平關有失，慌與王平、高翔望陽平關來，却說郭淮收了軍馬，乃

謂左右曰：「吾雖不得街亭，却取了列柳城，亦是大功。」且慢喜着，還有手裏的引兵逕到城下

叫門，只見城上一聲砲響，旗幟皆豎，當頭一面大旗，上書「西都督司馬懿」。

懿撐起懸空板，倚定護心木欄杆，大笑曰：「郭伯濟來，何遲也。」本是郭淮要趁現成，又被司馬懿趁去了妙甚淮

大驚曰：「仲達神機，吾不及也。」遂入城相見，已畢。懿曰：「今街亭已失，諸葛亮必

走。公可速與子丹星夜追之。」郭淮從其言，出城而去。懿喚張郃曰：「子丹伯濟

恐吾全獲大功，故來取此城池，吾非獨欲成功，乃僥倖而已。吾料魏延、王平

馬謖、高翔等輩，必先去據陽平關。魏延等三人商議，又不出司馬懿所料吾若去取此關，諸葛亮必隨後

掩殺中其計矣。司馬懿算計却兵法云歸師勿掩窮寇莫追汝可從小路抄箕谷

退兵。此是孫禮辛毗之守處吾自引兵當斜谷之兵若彼敗走不可相拒只宜中途截住蜀

兵輜重可盡得也。慢著且保了自己的輜重物張郃受計引兵一半去了懿下令逕取斜谷由西

城而進西城離山僻小縣乃蜀兵屯糧之所又南安天水安定三郡總路若

得此城三郡可復矣。又算出一個緊要去處於是司馬懿留申耽申儀守列柳城自領大軍

望斜谷進發。以上按下司馬懿以下再敘孔明却說孔明自令馬謖等守街亭去後猶豫不定忽報

王平使人送圖本至孔明喚入左右呈上圖本孔明就文几上拆開視之拍

案大驚曰馬謖無知坑陷吾軍矣。與見魏亭圖本是一樣吃嚇左右問曰丞相何故失驚孔明曰

吾觀此圖本失却要路占山為寨倘魏兵大至四面圍合斷汲水道路不須

二日軍自亂矣。先生如見若街亭有失吾等安歸長史楊儀進曰某雖不才願替馬

幼常回。楊儀於此處出現孔明將安營之法一分付與楊儀正待要行忽報馬到來說

街亭列柳城盡皆失了孔明跌足長嘆曰大事去矣此吾之過也。孟達之失孔明有知人之明馬謖之敗孔明

遇魏兵不可大擊只鼓譟吶喊為疑兵驚之彼當自走亦不可追。讀者必謂此蜀兵定退將來追孔明之魏

明自引不知人之過急喚關興張苞分付曰汝二人各引三千精兵投武功山小路而行如

遇魏兵不可大擊只鼓譟吶喊為疑兵驚之彼當自走亦不可追。

兵矣不知却反是孔明
嚇走了魏兵真正神妙

待軍退盡便投陽平關去

先是個領兵去了

又令張翼先引軍去修理劍閣

以備歸路

引兵又是一個去了

又密傳號令教大軍暗暗收拾行裝以備起程又令馬岱姜

維斷後先伏於山谷中待諸軍退盡方始收兵

又是兩個領兵去了

又差心腹人分路報與

天水南安安定三郡官吏軍民皆入漢中

是襄三郡

又遣心腹人到冀縣搬取姜維

老母送入漢中

更周也之極

孔明分撥已定先引五千兵去西城縣搬運糧草

只剩得孔明一個

忽然十餘次飛馬報到說司馬懿引大軍十五萬望西城蜂擁而來時孔明

身邊別無大將止有一班文官所引五千軍已分一半先運糧草去了只剩

二千五百軍在城中

以二千五百軍當十五萬之衆看先生如何布置

衆官聽得這個消息盡皆失色孔明登城

望之果然塵土冲天魏兵分兩路望西城縣殺來孔明傳令衆將旌旗盡皆

藏匿

奇絕怪絕

諸軍各守城舖如有妄行出入及高聲言語者立斬

奇絕怪絕

大開四門每

一門上用二十軍士扮作百姓灑掃街道

奇絕奇絕○二千五百人當不得十五萬之衆二十人却反當得十五萬之衆妙妙

如魏兵到

時不可擅動吾自有計

正不知先生將用何計

孔明乃披鶴氅戴綸巾引二小童攜琴一張

於城上敵樓前憑欄而坐焚香操琴

奇絕妙絕弄出隆中故態只怕此時之琴有殺聲在弦中見矣

却說司馬懿前軍哨

到城下見了如此模樣皆不敢進急報與司馬懿懿笑而不信

不惟仲達不信至今我亦不信

遂

止住三軍自飛馬遠遠望之果見孔明坐於城樓之上笑容可掬焚香操琴

左有一童子手捧寶劍右有一童子手執麈尾城門內外有二十餘百姓低

頭灑掃旁若無人懿看畢大疑作怪蹊蹊不獨仲達大疑至今我亦大疑便到中軍教後軍作前軍前軍作

後軍望北山路而退妙妙仲達反嚇走了次子司馬昭曰莫非諸葛亮無軍故作此態父親

何故便退兵司馬昭勝似其父懿曰亮平生謹慎不曾弄險今大開城門必有埋伏我軍

若進中其計也汝輩焉知宜速退正以平日信之故於此時疑之於是兩路兵盡皆退去孔明見

魏軍遠去撫掌而笑衆官無不駭然乃問孔明曰司馬懿乃魏之名將今統

十五萬精兵到此見了丞相便速退去何也莫非孔明彈琴時默念退兵咒語孔明曰此人料我平

生謹慎必不弄險見如此模樣疑有伏兵所以退去知彼之能知已因出於彼所不及知之外以善全失已真正神妙吾非

行險蓋因不得已而用之此日之險比于午谷更險此人必引軍投北山小路去也吾已令興

苞二人在彼等候不惟自己不嚇倒還要嚇人衆皆驚服曰丞相玄機鬼神莫測若某等之見必

棄城而走矣孔明曰吾兵只有二千五百若棄城而走必不能遠遁得不爲

司馬懿所擒乎走則不能走不走則能走後人有詩讚曰

瑤琴三尺勝雄師諸葛西城退敵時十五萬人回馬處二人指點到今疑

善訖拍手大笑曰吾若爲司馬懿必不便退也使仲達爲先遂下令教西城百姓

隨軍入漢中司馬懿必將復來料他必然省覺於是孔明離西城望漢中而走天

水安定南安三郡官吏軍民陸續而來却說司馬懿望武功山小路而走忽

然山坡後喊殺連天鼓聲震地纔聞琴聲又聞鼓聲懿回顧二子曰吾若不走必中諸葛之

計矣你今走正中中了諸葛之計矣只見大路上軍殺來旗上大書右護衛使虎翼將軍張苞只在

上寫得魏兵皆棄甲拋戈而走不到一程山谷中喊聲震地鼓角喧天前面

一杆大旗上書左護衛使龍驤將軍關興亦只在旗鼓上寫得聲勢山谷應聲不知蜀兵多少

更兼魏軍心疑不敢久停只得盡棄輜重而去欲奪蜀兵輜重反自棄其輜重興苞二人皆遵將

令不敢追襲多得軍器糧草而歸司馬懿見山谷中皆有蜀兵不敢出大路

遂回街亭此時曹真聽知孔明退兵急引兵追趕山背後一聲砲響蜀兵漫

山遍野而來爲首大將乃是姜維馬岱二將齊出敘夫與前變真大驚急退軍時先鋒陳造

已被馬岱所斬真引兵鼠竄而還司馬懿尚不能趕曹真又何能爲蜀兵連夜皆奔回漢中却說趙

雲鄧芝伏兵於箕谷道中聞孔明傳令回軍雲謂芝曰魏軍知吾兵退必然

來追吾先引一軍伏於其後公却引兵打吾旗號徐徐而退吾一步步自有

護送也。寫趙雲更是精細却說郭淮提兵再回箕谷道中喚先鋒蘇顛分付曰蜀將趙雲

英勇無敵汝可小心隄防彼軍若退必有計也蘇顛欣然曰都督若肯接應

某當生擒趙雲。馬謖只為說大話壞了事今又是一個說大話的遂引前部三千兵奔入箕谷看看趕上蜀兵只

見山坡後閃出紅旗白字上書趙雲。不知旗下却是鄧芝蘇顛急收兵退走了。好個說大話的見了假的使嚇一跳行不

到數里喊聲大震一彪軍撞出為首大將挺槍躍馬大喝曰汝識趙子龍否

蘇顛大驚曰如何這裏又有趙雲。竟似身外身法措手不及被雲一槍刺死於馬下。說大話的

看機餘軍潰散雲迤邐前進背後又一軍到乃郭淮部將萬政也雲見魏兵追

急乃勒馬挺槍立於路口待來將交鋒蜀兵已去三十餘里。到底渾身是膽萬政認得

是趙雲不敢前進雲等待天色黃昏方纔撥回馬緩緩而進郭淮兵到萬政

言趙雲英勇如舊因此不敢近前淮傳令教軍急趕政令數百騎壯士趕來

行至一大林忽聽得背後大喝一聲曰趙子龍在此驚得魏兵落馬者百

餘人餘者皆越嶺而去。長坂坡之先聲至此猶烈萬政勉強來敵被雲一箭射中盔纓驚跌於

澗中雲以槍指之曰吾饒汝性命回去快教郭淮趕來。妙在不殺他教他寄信去嚇郭淮萬政脫命

而回雲護送車仗人馬望漢中而去沿途並無遺失曹真郭淮復奪三郡以

爲己功。

聊等列柳城遺蓋

却說司馬懿分兵而進。此時蜀兵盡回漢中去了。懿引一軍復

到西城。因問遺下居民及山僻隱者。皆言孔明只有二千五百軍在城中。又

無武將。只有幾個文官。別無埋伏。武功山小民告曰。關興張苞。只各有三千

軍。轉山吶喊。鼓譟驚退。又無別軍。並不敢廝殺。懿悔之不及。仰天嘆曰。吾不

如孔明也。

只好去欺游曹真

遂安撫了諸處官民。引兵還長安。朝見魏主。叡曰。今日復

得隴西諸郡。皆卿之功也。懿奏曰。今蜀兵皆在漢中。未盡剿滅。臣乞大兵併

力收川。以報陛下。叡大喜。令懿即便興兵。忽班內一人出奏曰。臣有一計。足

可定蜀降吳。正是

蜀中將相方歸國。魏地君臣又逞謀。

未知獻計者是誰。且看下文分解。

第九十六回

孔明揮淚斬馬謖。

周紡斷髮賺曹休。

觀孔明之自貶而愈。知馬謖之斬難寬也。丞相且以用參軍之誤而引罪。參軍得不以負丞相之故而坐法乎。又觀孔明之斬馬謖而愈。知自貶之情非僞也。參軍且以誤丞相之故而受誅。丞相得不以辱天子之命而自責乎。奉春秋先自治之義。既不容責人。

而恕已。準尙書克厥愛之文。又不容責已。而恕人。蓋孔明之治蜀以嚴。而治兵之法。一如其治國而已。

趙括之母。預知其子之必敗。以其好言兵。而又易言兵也。先主之知馬謖。亦猶此乎。以戰爲戲之子玉。其病在玩過門超乘之三帥。其病在輕若舉趾高之莫敖。其病在驕截。截善諷言之杞子。其病在佞。此數者皆法家之所忌。覽馬謖之事。可爲用兵者鑒。又可爲用人者鑒。

武侯之臨表涕泣。戀後主也。武侯之臨刑涕泣。念先帝也。其出師之初。一則曰先帝再則曰先帝。其悔敗之餘。亦一則曰先帝。再則曰先帝。不獨斬馬謖爲奉先帝以斬之。卽自貶三等。亦奉先帝以貶之耳。君子於街亭之自責。而知武侯之盡瘁於枋頭之自諱。而知桓溫之不臣。

樊城之役。蜀方伐魏。而有呂蒙襲荊州之事。是吳乃漢之罪人也。街亭之役。魏方勝蜀。而有陸遜破曹休之事。是吳又漢之功臣也。然非吳之能爲罪。又能爲功也。在乎蜀之能用之耳。武侯惟善用之故。終武侯之世。吳不爲罪。而但爲功云。

黃蓋甘甯闕澤之後。復有周訪。何南人之多詐。與不知此。非南人詐也。乃南人之忠也。

用以欺敵。則謂之詐。用以報主。則謂之忠。不當曰南人多詐。正當曰南人多忠耳。有謂南人不可爲宰相者。此宋朝迂儒之論。試觀東吳當日。豈嘗借才於異國哉。

曹操詐欲自刎而割其髮。周紡亦詐欲自刎而割其髮。曹操以此欺我軍。所以申軍法也。周紡以此欺敵國。所以成戰功也。世之千古。乃有以父母之遺體而行詐者。雖然。髮如此用。方爲不負此髮。髮不虛生。亦不虛棄。不似今日之和尙。無故自髡。又不似今日之割髮者。徒以供婦人雲髻之用也。

却說獻計者。乃尙書孫資也。曹叡問曰。卿有何妙計。資奏曰。昔太祖武皇帝

收張魯時。危而後濟。常對羣臣曰。南鄭之地。眞爲天獄。天獄二字亦奇中斜谷道爲五

百里石穴。非用武之地。補六十七回中所未及今若盡起天下之兵伐蜀。則東吳又將入寇。

不如以現在之兵。分命大將據守險要。養精蓄銳。不過數年。中國日盛。蜀吳

二國必自相殘害。那時圖之。豈非勝算。乞陛下裁之。特地畫策不過是守而不戰叡乃問司馬懿

曰。此論若何。懿奏曰。孫尙書所言極當。叡從之。命懿分撥諸將守把險要。留

郭淮張郃守長安。大賞三軍。駕回洛陽。按下魏國再敘孔明却說孔明回到漢中。計點軍士

只少趙雲鄧芝。心中甚憂。乃令關興張苞各引一軍接應。二人正欲起身。忽

報趙雲鄧芝到來。並不曾折一人一騎。輜重等器亦無遺失。此番一出便斬五將可謂全始全終孔明

大喜。親引諸將出迎。趙雲慌忙下馬伏地曰：「敗軍之將，何勞丞相遠接？」孔明

急扶起，執手而言曰：「是吾不識賢愚，以致如此。」越是有本事人，便不曉得短處各處兵將敗損，惟

子龍不折一人一騎，何也？鄧芝告曰：「某引兵先行，子龍獨自斷後，斬將立功，

敵人驚怕，因此軍資什物不曾遺棄。」孔明曰：「真將軍也。」遂取金五十斤以贈

趙雲，又取絹一萬疋賞雲部卒。敗而整旅更難於勝，而班師賞之可謂不謬雲辭曰：「三軍無尺寸之功，某等

俱各有罪，若反受賞，乃丞相賞罰不明也。且請寄庫候，今冬賜與諸軍，未遲。

孔明嘆曰：「先帝在日，常稱子龍之德，今果如此。」讚子龍正思先帝乃倍加欽敬。忽報

馬謖王平魏延高翔至。孔明先喚王平入帳責之曰：「吾令汝同馬謖守街亭，

汝何不諫之，致使失事？」平曰：「某再三相勸，要在當道築土城安營守把，參軍

大怒不從。某因此自引五千軍離山十里下寨，魏兵驟至，把山四面圍合。某

引兵衝殺十餘次。十餘次在此補出皆不能入。次日土崩瓦解，降者無數。某孤軍難立，故

投魏文長求救。半途又被魏兵困在山谷之中。某奮死殺出，比及歸寨，早被

魏兵占了。及投列柳城時，路逢高翔，遂分兵三路去劫魏寨，指望克復街亭。

因見街亭並無伏路軍。以此心疑。登高望之。此句亦是補出只見魏延高翔被魏兵圍

住。某即殺入重圍。救出二將。就同參軍併在一處。某恐失却陽平關。因此急

來回守。非某之不諫也。將上項事訴說一遍。凡載之未詳者。皆於王平口中補出。丞相不信。可問各部將校。孔明喝退

又喚馬謖入帳。謖自縛跪於帳前。孔明變色曰。汝自幼飽讀兵書。熟諳戰法。

說笑他亦是可惜吾累次叮嚀告戒。街亭是吾根本。汝以全家之命。領此重任。汝若早聽

王平之言。豈有此禍。今敗軍折將。失地陷城。皆汝之過也。西城之役。連孔明亦幾乎送在他手中。若不

正軍律。何以服衆。汝今犯法。休得怨吾。汝死之後。汝之家小。吾按月給與祿

米。汝不必挂心。此是法外之恩。叱左右推出斬之。謖泣曰。丞相視某如子。某以丞相爲

父。某之死罪。實已難逃。願丞相思舜帝殛鯀。用禹之義。某雖死亦無恨於九

泉。言訖大哭。孔明揮淚曰。吾與汝義同兄弟。謖曰。父子亮曰。兄弟情好如此。而終不免一死。可見軍法之嚴。汝之子。即吾

之子也。不必多囑。左右推出馬謖於轅門之外。將斬參軍蔣琬。自成都至。見

武士欲斬馬謖。大驚高叫。留人入見。孔明曰。昔楚殺得臣。而文公喜。引一春秋故事。今

天下未定。而戮智謀之士。豈不可惜乎。孔明流涕而答曰。昔孫武所以能制

勝於天下者。用法明也。亦引一春秋故事。今四方分爭。兵交方始。若復廢法。何以討賊耶。

合當斬之。須臾，武士獻馬謖首級於階下。孔明大哭不已。蔣琬問曰：「今幼常得罪，既正軍法，丞相何故哭耶？」孔明曰：「吾非為馬謖而哭，吾想先帝在白帝城臨危之時，曾囑吾曰：『馬謖言過其實，不可大用。』」應八十五回中事今果應此言，乃深恨己之不明，追思先帝之明，因此痛哭耳。前當趙雲口口念着先帝，今殺馬謖亦口口念着先帝。大小將士無不流涕。馬謖亡年三十九歲。時建興六年夏五月也。後人有詩曰：

失守街亭罪不輕，堪嗟馬謖枉談兵。轅門斬首嚴軍法，拭淚猶思先帝明。

却說孔明斬了馬謖，將首級遍示各營，已畢，用線縫在屍上，具棺葬之，自修

祭文，享祀。將謖家小加意撫恤，按月給與祿米。先盡法後盡情於是孔明自作表，文令

蔣琬申奏。後主請自貶丞相之職。光明正大無一毫掩飾之意琬回成都，入見後主，進上孔明表

章。後主拆視之曰：

臣本庸才，叨竊非據，親秉旄鉞，以勵三軍，不能訓章明法，臨事而懼。至有

街亭違命之闕，箕谷不戒之失，咎皆在臣，不明不知，人慮事多闕。不似曹操不肯認差春

秋責備罪何所逃，請自貶三等，以督厥咎。臣不勝慚愧，俯伏待命。

後主覽畢，曰：「勝負兵家常事，丞相何出此言？」侍中費禕奏曰：「臣聞治國者必

以奉法爲重。法若不行，何以服人。丞相敗績，自行貶降，正其宜也。丞相殺參軍天子貶丞相皆法也。

後主從之，乃詔貶孔明爲右將軍，行丞相事，照舊總督軍馬。就命費禕賞詔

到漢中，孔明受詔，貶降訖。禕恐孔明羞赧，乃賀曰：「蜀中之民知丞相初拔四

縣深以爲喜。」背後正言當面世事此等人今日最多。孔明變色曰：「是何言也。得而復失，與不得同。公以此

賀我，實足使我愧赧耳。」取三郡不自功。禕又曰：「近聞丞相得姜維，天子甚喜。孔明怒曰：

「兵敗師還，不曾奪得寸土，此吾之大罪也。量得一姜維於魏，何損。」收姜維亦不自功。禕又

曰：「丞相現統雄師數十萬，可再伐魏乎？」孔明曰：「昔大軍屯於祁山箕谷之時，

我兵多於賊兵，而不能破賊，反爲賊所破。此病不在兵之多寡，在主將耳。今

欲減兵省將，明罰思過，較變通之道於將來，如其不然，兵雖多何用。自今以

後，諸人有遠慮於國者，但勤攻吾之闕，責吾之短，則事可定，賊可滅，功可翹

足而待矣。」深戒面諛之人。費禕諸將皆服其論。費禕自回成都，孔明在漢中惜軍愛民，

勵兵講武，置造攻城渡水之器，聚積糧草，預備戰筏，以爲後圖。細作探知，報

入洛陽。按過孔明再發魏國。魏主曹叡聞知，卽召司馬懿商議收川之策。懿曰：「蜀未可攻也，

方今天道亢炎，蜀兵必不出。若我軍深入其地，彼守其險要，急切難下。」只肯爲應蜀之兵不

曹爲攻蜀之兵

叡曰：倘蜀兵再來入寇，如之奈何？懿曰：臣已算定。今番諸葛亮必效韓

信，暗渡陳倉之計。臣舉一人往陳倉道口築城守禦，萬無一失。此人身長九

尺，猿臂善射，深有謀略。若諸葛亮入寇，此人足可當之。又引出二個人來叡大喜，問曰：此

何人也？懿奏曰：乃太原人，姓郝，名昭，字伯道。現爲雜霸將軍，鎮守河西。前薦一張郃，今又薦

一郝昭，叡從之。加郝昭爲鎮西將軍，命把守陳倉道口。早爲後文孔明攻陳倉伏線遣使持詔去訖，忽

報揚州司馬大都督曹休上表說東吳鄱陽太守周魴願以郡來降，密遣人

陳言七事，說東吳可破，乞早發兵取之。叡就御牀上展開，與司馬懿同觀。懿

奏曰：此言極有理。吳當滅矣。亦猜不着臣願引一軍往助曹休，忽班中一人進

曰：吳人之言反覆不一，未可深信。周魴智謀之士，必不肯降。此特誘兵之詭

計也。此人見識勝似仲達衆視之，乃建威將軍賈逵也。懿曰：此言亦不可不聽。機會亦不可

錯失。兩可之論魏主曰：仲達可與賈逵同助曹休，二人領命去訖。於是曹休引大軍

逕取皖城。賈逵引前將軍滿寵、東皖太守胡質逕取陽城，直向東關。司馬懿

引本部軍逕取江陵。按魏國再殺東吳却說吳主孫權在武昌東關會多官商議曰：今有

鄱陽太守周魴密表奏稱魏都督曹休有入寇之意。今魴詐施詭計，暗陳七

事引誘魏兵深入重地可設伏兵擒之。諳者至此方知仲達之見不如賈逵今魏兵分三路而來諸卿有何高見顧雍進曰此大任非陸伯言不敢當也權大喜乃召陸遜封爲輔國大將軍平北都元帥統御林大兵攝行王事受以白旄黃鉞文武百官皆聽約束權親自與遜執鞭此時陸遜龍榮之極遜領命謝恩畢乃保二人爲左右都督分兵以迎三道權問何人遜曰奮威將軍朱桓綏南將軍全琮二人可爲輔佐權從之卽命朱桓爲左都督全琮爲右都督於是陸遜總率江南八十一州并荆湖之衆七十餘萬令朱桓在左全琮在右遜自居中三路進兵對三路朱桓獻策曰曹休以親見任非智勇之將也今聽周魴誘言深入重地元帥以兵擊之曹休必敗敗後必走兩條路左乃夾石右乃挂車此二條路皆山僻小徑最爲險峻某願與全子璜各引一軍伏於山險先以柴木大石塞斷其路曹休可擒矣若擒了曹休便長驅直進唾手而得壽春以窺許洛此萬世一時也。說得高興可爲蜀中吐氣遜曰此非善策吾自有妙用於是朱桓懷不平而退遜令諸葛瑾等拒守江陵以敵司馬懿諸路俱各調撥停當却說曹休兵臨皖城周魴來迎逕到曹休帳下休問曰近得足下之書所陳七事深爲有理奏聞天子

故起大軍三路進發。若得江東之地，足下之功不小。有人言足下多謀誠恐所言不實。吾料足下必不棄我。周魴大哭。何從得此一副急淚急掣從人所佩劍欲自刎。欲今之

死許人者大都是學周魴

休急止之。魴仗劍而言曰：吾所陳七事，恨不能吐出心肝。今反生疑

必有吳人使反間之計也。若聽其言，吾必死矣。吾之忠心，惟天可表。言訖又

欲自刎。越裝越像勸愈力則裝愈甚曹休大驚慌忙抱住曰：吾戲言耳。足下何故如此？魴乃用劍

割髮擲於地曰：吾以忠心待公公，以吾爲戲。吾割父母所遺之髮以表此心。

只怕頭髮是空心的。○周魴斷髮易黃蓋苦肉難以斷髮不痛而苦肉則痛也。然亦視所賺之人何如耳。賺曹休直是不消痛得。曹休乃深信之。設宴相待。席罷周魴辭

去。忽報建威將軍賈逵來見。休令入問曰：汝此來何爲？逵曰：某料東吳之兵

必盡屯於皖城。都督不可輕進。待某兩下夾攻，賊兵可破矣。休怒曰：汝欲奪

吾功耶？聲口逵曰：某聞周魴截髮爲誓，此乃詐也。昔要離斷臂，刺殺慶忌，未可

深信。亦引一吳中故事休大怒曰：我正欲進兵，汝何出此言以慢軍心？叱左右推出斬之。

若髮可當頭何不亦斷其髮以示罰也衆將告曰：未及進兵，先斬大將於軍不利。且乞暫免。休從之。將賈

逵兵留在寨中調用。自引一軍來取東關。時周魴聽知賈逵削去兵權，暗喜

曰：曹休若用賈逵之言，則東吳敗矣。若如此白做了一個光頭今天使我成功也。卽遣人密到

皖城報知陸遜。遜喚諸將聽令曰：「前面石亭雖是山路，足可埋伏。早先去占石亭闊處，布成陣勢，以待魏軍。」遂令徐盛爲先鋒，引兵前去。却說曹休命周魴引兵而進，正行間，休問曰：「前至何處？」魴曰：「前面石亭也，堪以屯兵。」休從之。遂率大軍并車仗等器盡赴石亭駐筈。驕上次日，哨馬報道：「前面吳兵不知多少。」據住山口，休大驚曰：「周魴言無兵，爲何有準備？」急尋魴問之。人報周魴引數十人不知何處去了。有頭髮當做頭怕他則甚休大悔曰：「我中賊之計矣。雖然如此，亦不足懼。」生薑湯自煖壯遂令大將張普爲先鋒，引數千兵來與吳兵交戰。兩陣對圓，張普出馬罵曰：「賊將早降。」徐盛出馬相迎，戰無數合。普抵敵不住，勒馬收兵。回見曹休，言徐盛勇不可當。休曰：「吾當以奇兵勝之。」之何奇就令張普引二萬軍伏於石亭之南，又令薛喬引二萬軍伏於石亭之北。明日，吾自引一千兵搦戰，却佯輸詐敗，誘到北山之前，放礮爲號，三面夾攻，必獲大勝。如此便自以爲奇兵，那知都做了敗兵耶二將受計，各引二萬軍到，晚埋伏去了。却說陸遜喚朱桓、全琮分付曰：「汝二人各引三萬軍從石亭山路抄到曹休寨後，放火爲號。吾親率大軍從中路而進，可擒曹休也。」當日黃昏，二將受計引兵而進。二更時分，朱桓引一軍正抄到魏

寨後迎著張普伏兵。普不知是吳兵，逕來問時，被朱桓一刀斬於馬下。魏兵便走。桓令後軍放火。

恰好此一路伏兵，遇著此一路伏兵。

全琮引一軍抄到魏寨後，正撞在薛喬陣裏。

就那裏大殺一陣，薛喬敗走。魏兵大損，奔回本寨。

又是一路伏兵遇著一路伏兵，四伏相遇，大家撞破魏兵吃虧。

後面朱

桓全琮兩路殺來，曹休寨中大亂，自相衝擊。休慌上馬，望夾石道奔走。徐盛

引大隊軍馬從正路殺來，魏兵死者不可勝數。逃命者盡棄衣甲。曹休大驚

在夾石道中奮力奔走，忽見一彪軍從小路衝出，爲首大將乃賈逵也。休驚

慌少息，自愧曰：「我不用公言，果遭此敗。」

周魴自覺髮短，曹休自覺顏厚。

逵曰：「都督可速出此道，若

被吳兵以木石塞斷，吾等皆危矣。」於是曹休驟馬而行。賈逵斷後，逵於林木

茂盛處，及險峻小徑，多設旌旗，以爲疑兵。

虧此得脫。

及至徐盛趕到，見山坡下閃出

旗角，疑有埋伏，不敢追趕。收兵而回。

周魴以空頭騙了曹休，賈逵又以空頭騙了徐盛。

因此救了曹休。司馬懿聽

知休敗，亦引兵退去。

仲達此時亦虎頭蛇尾。

却說陸遜正望捷音，須臾徐盛、朱桓、全琮皆到。

所得車仗、牛馬、驢騾、軍資器械，不計其數。降兵數萬餘人。遜大喜，卽同太守

周魴并諸將班師回吳。吳主孫權領文武官僚出武昌城迎接，以御蓋覆。遜

而入。

陸遜此時十分榮耀，年少書生固未可量。

諸將盡皆陞賞，權見周魴無髮，

周魴無髮却弄，得曹休無法。

慰勞曰：「卿斷髮成此

大事功名當書於竹帛也。卽封周魴爲關內侯。光了頭實討他爲國光侯大設筵會勞軍慶賀。陸遜奏曰：今曹休大敗，魏兵喪膽，可修國書遣使入川，教諸葛亮進兵攻之。權從其言，遂遣使賫書入川去。正是：

只因東國能施計，致令西川又動兵。

未知孔明再來伐魏，勝負如何。且看下文分解。

第九十七回

討魏國武侯再上表

破曹兵姜維詐獻書

前出師表開導嗣君。後出師表力辯衆議。辯衆議亦所以開嗣君也。前出師表憂在國中。後出師表慮在境外。慮境外亦所以憂國中也。何也？自失街亭，斬馬謖以來，議者以爲但宜安蜀，不宜伐魏。武侯則以爲：若不伐魏，不能安蜀。我不滅賊，賊必滅我。此不兩立之勢，非不欲偏安，正恐欲偏安而不能耳。漢與賊不兩立，則不共天地；不同日月，旣以義斷之，而在所當奮矣。賊亦與漢不兩立，則如苗有莠，如粟有秕，不又以勢度之，而在所當慮乎？不兩立一語，今人但見得漢一邊，不曾見得賊一邊。然則表中慮字將何所指？是雖讀過後，出師表一篇却是未嘗讀一字也。

人知武侯之智不可及，不知武侯之愚不可及。料其事之必成必利而後爲之，此智者。

之事也。不能料其事之必成必利而亦爲之此愚者之心也。不能料其事之必敗必鈍而蹈之此愚而愚者之事也。能料其事之必敗必鈍而終必蹈之此智而愚者之心也。先生未出草蘆已知三分天下。然則伐魏之無成出師之不利。先生料之熟矣。明明逆觀而乃云非所逆觀者何哉。蓋以智而愚者自盡老臣之責而仍以愚而愚者上杜幼主之疑耳。

武侯之死尙在數卷之後。而此處表中結語早下一死字。已爲五丈原伏筆矣。先生不但知伐魏之無成出師之不利而又逆知其身之必死於是役也。以漢賊不兩立之故而至於敗亦不惜。鈍亦不惜。卽死亦不惜。嗚呼先生真大漢之忠臣者。文天祥正氣歌曰。或爲出師表。鬼神泣壯烈。殆於後一篇而愈見之。

武侯未出祁山而天使姜維歸漢。特以備六出祁山以後之用耳。然將寫其歸武侯不先寫其敵武侯不見姜維之才之妙也。但寫其敵武侯於前不寫其佐武侯於後。又不見姜維之才之妙也。此卷之賺曹真則其佐武侯者矣。武侯未死而有佐武侯之姜維。然後武侯既死而有繼武侯之姜維。人但知武侯既死而後顯一能伐魏之姜維不知武侯未死而早見一能伐魏之姜維。然則九伐中原之事殆兆端於此乎。

周紡降魏。而曹休信之。姜維降魏。而曹真又信之。其事相類。而紡以書往。又以身往。維則不以身往。但以書往。曹休則賺之而來。曹真則賺之不來。曹真之部將來。此則其不相類者也。孟達以蜀人歸蜀。而武侯信之。姜維以魏人歸魏。而曹真亦信之。其事相類。而一則信之。而是一則信之。而非一則真。而孟達之謀不諧。一則詐。而姜維之謀遂克。此又其不相類者也。至於天水城外有一叫門之假。姜維曹真書中又有一降魏之假。姜維或假而假。或真而假。前後無不映射成趣。

却說蜀漢建興六年秋九月。魏都督曹休被東吳陸遜大破於石亭。車仗馬匹軍資器械。並皆罄盡。休惶恐之甚。氣憂成病。到洛陽疽發背而死。陸遜氣殺曹真。與孔明氣殺王

期正復相似

魏主曹叅勅令厚葬。司馬懿引兵還。衆將接入。問曰。曹都督兵敗。卽元

帥之干係。何故急回耶。懿曰。吾料諸葛亮知吾兵敗。必乘虛來取長安。倘隴

西緊急。何人救之。吾故回耳。疑其懼吳。却是懼蜀。衆皆以爲懼。怯而退。却說東吳遣使

致書蜀中。請兵伐魏。并言大破曹休之事。一者顯自己威風。二者通和會之

好。敘事中忽斷二語。直是史記筆法。後主大喜。令人持書至漢中。報知孔明。時孔明兵強馬壯。糧草

豐足。所用之物。一切完備。正要出師。聽知此信。卽設宴大會諸將。計議出師。

忽一陣大風自東北角上而起把庭前松樹吹折正應棟樑之才將折眾皆大驚孔明就占

一課曰此風主損一大將諸將未信正飲酒間忽報鎮南將軍趙雲長子趙

統次子趙廣來見丞相孔明大驚擲杯於地曰子龍休矣二子入見拜哭曰

某父昨夜三更病重而死前出師以子龍始以子龍終者以子龍於此結局也孔明跌足而哭曰子龍身故國家

損一棟樑去吾一臂也眾將無不揮涕孔明令二子入成都而君報喪後主

聞雲死放聲大哭曰朕昔年幼非子龍則死於亂軍之中矣追應四十一回中之事卽下詔

追贈大將軍諡順平侯勅葬於成都錦屏山之東建立廟堂四時享祭後人

有詩曰

常山有虎將 智勇匹關張 漢水功勳在 當陽姓字彰

兩番扶幼主 一念答先皇 青史書中烈 應流百世芳

却說後主思念趙雲昔日之功祭葬甚厚封趙統為虎賁中郎將趙廣為牙

門將就令守墳二人辭謝而去忽近臣奏曰諸葛丞相將軍馬分撥已定卽

日將出師伐魏後主問在朝諸臣諸臣多言未可輕動只因朝臣多有言不當伐魏者故先生後出師表中歷歷辯之後

主疑慮未決忽奏丞相令楊儀齎出師表至後主宣入儀呈上表章後主就

御案上拆視其表曰

先帝慮漢賊不兩立

漢賊不兩立從來人只解得一半但曰漢不與賊兩立正是誓不共戴之意耳不知漢不滅賊則賊必滅漢賊亦不與漢兩立此則先主之所深慮也若第云誓不共戴又何慮之有哉今人却是不曾解得慮字

王業不偏安

此句承上慮字說來言我不討賊則賊必滅我是偏安不成矣今人都認作不欲偏安便覺上文慮字說不去故託臣以討賊也

使武侯討賊則是不孝

以先帝之明量臣之才

故知臣伐賊才弱敵強也

帝來

然不伐賊王業亦亡

正是兩立註脚

惟坐而待亡孰與伐之是故託臣而弗疑也

此四句正說自起至此述先帝見託之意

臣受命之日寢不安席食不甘味思惟北征宜先入南

可見先生入南正是為

故五月渡瀘深入不毛并日而食臣非不自惜也

顧王業不可偏

安於蜀都

不可猶言不能

故冒危難以奉先帝之遺意

自臣受命一句至此自敘其奉先帝之意

而議者謂為非

計

只因此一句生出下文六未解來

今賊適疲於西

指街亭之相持

又務於東

指石亭之戰敗

兵法乘勞此進趨之時

也

此四句正今日伐魏主意

謹陳其事如左

以上作一冒

高帝明並日月謀臣淵深然涉險被創危

然後安今陛下未及高帝謀臣不如良平而欲以長策取勝坐定天下此

臣之未解一也

此言賊不可待其自滅特借高帝為證以破議者未可輕動之說

劉繇王朗各據州郡論安言計動引聖

人羣疑滿腹衆難塞胸今歲不戰明年不征使孫權坐大遂併江東此臣

之未解二也

此言扣於偏安之必失又借劉繇王朗為證以破議者姑守一隅之說

曹操智計殊絕於人其用兵也彷彿孫吳

然困於南陽。險於烏巢。危於邠連。徧於黎陽。幾敗北山。殆死潼關。然後爲定一時耳。况臣才弱而欲以不危而定之。此臣之未解三也。此借曹操之屢敗。自解其街亭之敗。曹

操五攻昌霸不下。四越巢湖不成。任用李服而李服圖之。委任夏侯而夏侯敗亡。先帝每稱操爲能。猶有此失。况臣駑下。何能必勝。此臣之未解四也。此又借曹操用人之誤。自解其用馬謖之誤。自臣到漢中。中間期年耳。然喪趙雲。陽羣。馬玉。閻芝。丁立

白。壽。劉。郃。鄧。銅等。及曲長屯將七十餘人。突將無前。賓叟青羌。散騎武騎一千餘人。此皆數十年之內。所糾合四方之精銳。非一州之所有。若復數

年。則損三分之二也。當何以圖敵。此臣之未解五也。此言舊臣代謝不及時。討賊恐將來無討賊之人。今民

窮兵疲而事不可息。事不可息。則在與行。勞費正等。而不及早圖之。欲以一州之地。與賊持久。此臣之未解六也。此言一隅難恃。若不及時討賊。恐蜀中非持久之地。以上六段皆用反說。駁倒議者之論。夫難平者

事也。昔先帝敗軍於楚。當此時。曹操拊手。謂天下已定。此是漢敗而賊成。漢鈍而賊利。然後先帝

東連吳越。西取巴蜀。舉兵北征。夏侯授首。此操之失計。而漢事將成也。此是然後吳更遠。關某毀敗。穉歸蹉跌。曹丕稱帝。漢又敗而賊又成。漢又鈍而賊又利。凡事如是。難可逆料。此言往事之難料。以見後事之難料。臣鞠躬盡瘁。死而後已。至於成敗。利鈍。非臣之明

而漢成賊鈍而漢利矣

此是賊敗

所能逆觀也。

說到終篇下一死字雖云非所逆觀已預知有五丈原之事

後主覽表甚喜。即勅令孔明出師。孔明受命。起三十萬精兵。令魏延總督前

部先鋒。逕奔陳倉道口而來。早有細作報入洛陽。以上按下蜀漢一司馬懿奏知魏

主大會文武商議。大將軍曹真出班奏曰。臣昨守隴西。功微罪大。不勝惶恐。

今乞引大軍往擒諸葛亮。有曹休伐吳看樣也要仔細臣近得一員大將。使六十斤大刀。騎千里

征驍馬。開兩石鐵胎弓。暗藏三個流星鎚。百發百中。有萬夫不當之勇。乃隴

西狄道人。姓王名雙。字子全。臣保此人為先鋒。亦馬懿進一郝昭曹真亦薦一王雙互相賭賽叡大喜。召王雙

上殿。視之身長九尺。面黑睛黃。熊腰虎背。王雙之勇在曹真口中敘出。王雙之形在曹叡眼中看見。叡笑曰。朕得此大

將。有何慮哉。遂賜錦袍金甲。封為虎威將軍。前部大先鋒。此曹叡之許也。曹真為大都

督。真謝恩出朝。遂引十五萬精兵。會合郭淮張郃分路把守隘口。却說蜀兵

前隊哨至陳倉。回報孔明說陳倉口已築起一城。內有大將郝昭把守。一卷之前預為此處

伏埋深溝高壘。遍排鹿角。十分謹嚴。不如棄了此城。從太白嶺鳥道出祁山。甚

便。孔明曰。陳倉正北是街亭。必得此城。方可進兵。六出祁山而陳倉未得。則有內顧之憂故也。命魏延引兵

到城下。四面攻之。連日不能破。魏延復來告孔明。說城難打。孔明大怒。欲斬

魏延忽帳下一人告曰某雖無才隨丞相多年未嘗報效願去陳倉城中說

郝昭來降不用張弓隻箭衆視之乃部曲鄆祥也如李恢之請說馬超孔明曰汝用何言以

說之祥曰郝昭與某同是隴西人氏自幼交契某今到彼以利害說之必來

降矣孔明卽令前去鄆祥驟馬逕到城下叫曰郝伯道故人鄆祥來見城上

人報知郝昭昭令開門放入登城相見昭問曰故人因何到此祥曰我在西

蜀孔明帳下參贊軍機待以上賓之禮特令某來見公有言相告昭勃然變

色曰諸葛亮乃我國讎敵也吾事魏汝事蜀各事其主昔時爲昆仲今時爲

讎敵汝再不必多言便請出城司馬懿薦人如此亦見懿之知人鄆祥又欲開言郝昭已出敵樓上

了魏軍急催上馬趕出城外祥回頭視之見昭倚定護心木欄杆祥勒馬以

鞭指之曰伯道賢弟何太情薄耶昭曰魏國法度兄所知也吾受國恩但有

死而已兄不必下說詞早回見諸葛亮教快來攻城吾不懼也言非壯惜乎事非其主耳祥回

告孔明曰郝昭未等某開言便先阻却孔明曰汝可再去見他以利害說之

祥又到城下請郝昭相見李恢見馬超只是一次鄆祥見郝昭却是兩番昭出到敵樓上祥勒馬高叫曰伯道

賢弟聽吾忠言汝據守一孤城怎拒數十萬之衆今不早降後悔無及且不

順大漢而事奸魏。抑何不知天命。不辨清濁乎。願伯道思之。郝昭大怒。拈弓

搭箭。指鄴祥而喝曰。吾前言已定。汝不必再言。可速退。吾不射汝。馬超一說便來。郝昭再說不從者。一則有

人驅之於內。一則無人驅之於內也。鄴祥回見孔明。具言郝昭如此光景。孔明大怒曰。匹夫無禮太甚。

豈欺吾無攻城之具耶。隨叫土人問曰。陳倉城中有多少人馬。土人告曰。雖

不知的數。約有三千人。孔明笑曰。量此小城。安能禦我。休等他救兵到。火速

攻之。於是軍中起百乘雲梯。一乘上可立十數人。週圍用木板遮護。軍士各

把短梯軟索。聽軍中擂鼓。一齊上城。郝昭在敵樓上。望見蜀兵裝起雲梯。四

面而來。卽令三千軍各執火箭。分布四面。待雲梯近城。一齊射之。馬謖以三萬人而不

千人而竟能守陳倉者。一則無城以爲固。一則有城以爲固也。孔明只道城中無備。故大造雲梯。令三軍鼓譟。吶喊而進。不

期城上火箭齊發。雲梯盡焚。梯上軍士多被燒死。城上矢石如雨。蜀兵皆退。

司馬懿能取街亭。武侯不能取陳倉。者所遇之人不同。所攻之城亦異耳。孔明大怒曰。汝燒吾雲梯。吾却用衝車之法。於是連夜安

排下衝車。次日又四面鼓譟。吶喊而進。郝昭急命運石鑿眼。用葛索穿定。飛

打衝車。皆被打折。郝昭甚能孔明又令人運土填城濠。教廖化引三千鈞鑿軍。從夜

間掘地道。暗入城去。郝昭又於城中掘重濠橫截之。能斷城外之水。不能斷城內之水。如此晝夜相

攻二十餘日。無計可破。孔明不滅孟獲孔明心中憂悶。忽報東邊救兵到了。旗上書

魏先鋒大將王雙。孔明問曰。誰可迎之。魏延出曰。某願往。孔明曰。汝乃先鋒

大將。未可輕出。又問誰敢迎之。裨將謝雄應聲而出。孔明與三千軍去了。孔

明又問曰。誰敢再去。裨將龔起應聲要去。孔明亦與三千兵去了。孔明恐城

內郝昭引兵衝出。乃把人馬退二十里下寨。却說謝雄引軍前行。正遇王雙

戰不三合。被雙一刀劈死。有郝昭之能守。又有王雙之能戰。不想於此處遇着兩個勁敵。蜀兵敗走。雙隨後趕來。龔起接

著交馬。只三合。亦被雙所斬。此處寫王雙之勇。爲後卷斬王雙伏線。敗兵回報孔明。孔明大驚。忙令廖化

王平張嶷三人出迎。攻郝昭連換三樣攻法。攻王雙亦連調三次。人馬取一人如取一城之難。兩陣對圓。張嶷出馬。王平廖化壓

住陣脚。王雙縱馬來與張嶷交馬。數合不分勝負。雙詐敗便走。嶷隨後趕去。

王平見張嶷中計。忙叫曰。休趕。畢竟王平精細。嶷急回馬時。王雙流星鎚早到。正中其

背。嶷伏鞍而走。雙回馬趕來。王平廖化截住。救得張嶷回陣。王雙驅兵大殺

一陣。蜀兵折傷甚多。嶷吐血數口。回見孔明。說王雙英勇無敵。如今將二萬

兵就陳倉城外下寨。四面立起排柵。築起重城。深挖濠塹。守禦甚嚴。孔明見

折二將。張嶷又被打傷。卽喚姜維曰。陳倉道口這條路不可行。別有何策。維

曰陳倉城池堅固。郝昭守禦甚密。又得王雙相助。實不可取。不若令一大將。依山傍水下寨固守。再令良將把守要道。以防街亭之攻。却統大軍去襲祁山。某却如此如此用計。可捉曹真也。妙在不敘明何計待下文自見孔明從其言。即令王平李恢引二枝兵守街亭小路。秦制兵魏延引一軍守陳倉口。秦制陳倉之兵馬岱爲先鋒。關興張苞爲前後救應。使從小徑出斜谷望祁山進發。此是二祁山却說曹真因思前番被司馬懿奪了功勞。因此到洛口分調郭淮孫禮東西把守。又聽得陳倉告急。已令王雙去救。聞知王雙斬將立功大喜。乃令中護軍大將費耀權攝前部總督。諸將各自把守隘口。忽報山谷中捉得細作來。見曹真令押入跪於帳前。其人告曰。小人不是奸細。有機密來見都督。誤被伏路軍捉來。乞退左右。真乃教去其縛。左右暫退。其人曰。小人乃姜伯約心腹人也。蒙本官遣送密書。此姜維用計也。妙在不向姜維一邊寫來。却在曹真一邊見得。真曰。書安在。其人於貼肉衣內取出呈上。真拆視曰。罪將姜維百拜。書呈大都督曹麾下。維念世食魏祿。忝守邊城。叨竊厚恩。無門補報。昨日誤遭諸葛亮之計。陷身於巔崖之中。思念舊國。何日忘之。今幸蜀兵西出。諸葛亮甚不相疑。賴都督親提大兵而來。如遇敵人。可以

詐敗。維當在後。以舉火為號。先燒蜀人糧草。却以大兵翻身掩之。則諸葛亮可擒也。非敢立功報國。實欲自贖前罪。倘蒙照察。速須來命。周訪賺曹休書是虛敘。姜維賺曹真書是實敘。

敘實

曹真看畢大喜曰。天使吾成功也。遂重賞來人。便令回報。依期會合。真喚費

耀商議曰。今姜維暗獻密書。令吾如此如此。耀曰。諸葛亮多謀。姜維智廣。或

者是。諸葛亮所使。恐其中有詐。此人見識殊勝曹操。真曰。他原是魏人。不得已而降蜀。有何

疑乎。曹真只因要奪司馬懿之功。故易於中計。耀曰。都督不可輕去。只守定本寨。某願引一軍接應。姜維

如成功。盡歸都督。倘有奸計。某自支當。太便宜了曹真。可惜了費耀。真大喜。遂令費耀引五萬兵

望斜谷而進。行了兩三程。屯下軍馬。令人哨探。當日申時分。回報斜口道中

有蜀兵來也。耀忙催進兵。蜀兵未及交戰。先退。耀引兵追之。蜀兵又來。方欲

對陣。蜀兵又退。如此者三次。筆省。俄延至次日申時分。魏軍一日一夜不曾敢

歇。只恐蜀兵攻擊。方欲屯軍造飯。忽然四面喊聲大震。鼓角齊鳴。蜀兵漫山

遍野而來。先疲之而後誘之。門旗開處。閃出一輛四輪車。孔明端坐其中。令人請魏軍主

將答話。只道曹真自來。故親自誘敵。耳不然。劉鷄焉用牛刀。耀縱馬而出。遙見孔明。心中暗喜。回顧左右曰。如蜀

兵掩至。便退後走。若見山後火起。却回身殺去。自有兵來相應。分付畢躍馬
出呼曰。前者敗將。今何敢又來。孔明曰。汝喚曹真來答話。耀罵曰。曹都督乃
金枝玉葉。安肯與反賊相見耶。孔明大怒。把羽扇一招。左有馬岱。右有張嶷。
兩路兵衝出。魏兵便退。行不到三十里。望見蜀兵背後火起。喊聲不絕。正合姜維之書
費耀只道火號。便回身殺來。蜀兵齊退。耀提刀在前。只望喊處追趕。將次近
火山路中。鼓角喧天。喊聲震地。兩軍殺出。左有關興。右有張苞。山上矢石如
雨。往下射來。魏兵大敗。費耀知是中計。急退軍望山谷中而走。人馬困乏。爲一夜不
會睡之故背後關興引生力軍趕來。魏兵自相踐踏。及落澗身死者。不知其數。耀逃
命而走。正遇山坡口。一彪軍。乃是姜維。耀大罵曰。反賊無信。吾不幸誤中汝
奸計也。維笑曰。吾欲擒曹真。誤賺汝矣。可惜一篇大文字。却換了一個小題目。速下馬受降。耀驟馬奪路。
望山谷中而走。忽見谷中火光冲天。背後追兵又至。耀自刎身死。是曹真替死鬼餘衆
盡降。孔明連夜驅兵。直出祁山。前下寨。收住軍馬。重賞姜維。維曰。某恨不得
殺曹真也。孔明亦曰。可惜大計小用矣。却說曹真聽知。折了費耀。悔之不及。
遂與郭淮商議退兵之策。於是孫禮辛毗。星夜具表申奏魏主。

只得又去求司馬懿來救硬要掙氣掙氣不來

言蜀兵又出祁山。曹真損兵折將，勢甚危急。叡大驚，卽召司馬懿入內，曰：「曹真損兵折將，蜀兵又出祁山，卿有何策可以退之？」懿曰：「臣已有退諸葛亮之計，不用魏軍揚武耀威，蜀兵自然走矣。正是」

已見子丹無勝術，全憑仲達有良謀。

未知其計如何，且看下文分解。

第九十八回

追漢軍王雙受誅

襲陳倉武侯取勝

進兵有進兵之奇，退兵又有退兵之奇。使人不知我進，而進；而我不知敵之所防，使人不知我退，而退；而我不知敵之所掩，夫勝則不退，不勝則退。人之所知，也不勝則不退，一勝則急退者，則非人之所知也。人不知而武侯知之，我於此奇。武侯知而司馬懿又知之，我更於此奇。司馬懿也。

文有與前相應者，觀後事益信其有前事。事有與前相反者，讀前文更不料其有後文。如武侯之斬王雙、襲陳倉，是則與前相反者矣。王雙之戰甚勇，郝昭之守甚堅，三戰之而不勝，而忽斬之於一朝，兩說之而不降，屢攻之而不下，而忽取之於一夕，不有所甚難於前，不見其甚易於後者之爲異耳。

七擒孟獲之文。妙在相連。六出祁山之文。妙在不相連。於一出祁山之後。二出祁山之前。忽有陸遜破魏之事。以間之。此間於數卷之中者也。二出祁山之後。三出祁山之前。又有孫權稱帝之事。以間之。此卽間於一卷之內者也。每見左丘明敘一國。必旁及他國。而事乃詳。又見司馬遷敘一事。必旁及他事。而文乃曲。今觀三國演義。不減左丘司馬之長。

三國之中。惟孫權之稱帝獨後。何也。曰。有不得不後之勢也。不稱帝於曹操未死之時。恐操之挾天子以伐之耳。至於曹丕稱帝。其亦可以尤而效之矣。而猶不敢者。蜀方伐吳。而吳遽帝。是益其伐也。吳方求援於魏。而吳遽帝。是絕其援也。迨夫蜀旣款。魏旣離。蜀方有事於魏。魏方屢敗於蜀。夫然後乘間而踐天子位焉。此孫權之所以謹避於先。而審處於後者也。

魏僭帝。吳亦僭帝。則魏賊也。吳亦賊也。武侯伐魏而不伐吳。不惟不伐。又加款焉。毋乃討賊之意未全。與曰。原夫伏后之所以死。獻帝之所以亡。元惡大憝。不在吳而在魏也。君子恥失其君。而悼喪其親。則惟討魏之是急。討魏急。則討吳不得不緩。且吳嘗稱臣於魏。而受魏之九錫矣。是欲魏之助吳以攻蜀也。吳旣帝。而吳與魏必不復合。吳與魏。

不復合不獨魏之勢孤而吳之勢亦孤然則武侯款吳之計謂即吞吳之計也可

武侯初出祁山而表一上二出祁山而表再上何至於三而表獨闕焉曰武侯之志決

而言切已盡在後出師表一篇中矣志既決則不必多言言既切則不必更贅之以言

非獨三出祁山為然也即至六出祁山之事亦不過死而後已一語足以概之云

却說司馬懿奏曰臣嘗奏陛下言孔明必出陳倉故以郝昭守之今果然矣

自喜其前言之已中彼若從陳倉入寇運糧甚便孔明之力攻陳倉正是為此却在仲達口中說出今幸有郝昭王雙把守不敢

從此路運糧其餘小道搬運艱難臣算蜀兵行糧止有一月利在急戰我軍

只宜久守司馬懿之意只是利在不戰陛下可降詔令曹真堅守諸路關隘不要出戰不須一月

蜀兵自走自信其後言之必中那時乘虛而擊之諸葛亮可擒也為王雙被斬反觀一句叡欣然曰卿既有

先見之明何不自引一軍以襲之懿曰臣非惜身重命實欲存留此兵以防

東吳陸遜耳孫權不久必將僭號稱尊為後文孫權稱帝伏筆如稱尊號恐陛下伐之定先

入寇也臣故欲以兵待之正言間忽近臣奏曰曹都督奏報軍情懿曰陛下

可即令人告戒曹真凡追趕蜀兵必須觀其虛實不可深入重地以中諸葛

亮之計又為斬王雙反觀一句叡即時下詔遣太常卿韓暨持節告戒曹真切不可戰務在

謹守只待蜀兵退去方纔擊之。司馬懿送韓暨於城外囑之曰：吾以此功讓與子丹。先知曹真有爭功之意公見子丹休言是吾所陳之意。只道天子降詔教保守爲上。

追趕之人切要仔細勿遣性急氣躁者追之。再爲斬王雙反視一句更妙暨辭去却說曹真正升

帳議事忽報天子遣太常卿韓暨持節至真出寨接入受詔已畢退與郭淮

孫禮計議。淮笑曰：此乃司馬仲達之見也。司馬懿能料孔明郭淮又能料司馬懿真曰：此見若何。淮曰：此

言深識諸葛用兵之法。久後能禦蜀兵者必仲達也。高掇仲達却是當面抹倒曹真真曰：倘蜀兵

不退又將如何。淮曰：可密令人去教王雙引兵於小路巡哨。彼自不敢運糧。

待其糧盡兵退乘勢追擊可獲全勝。說追與司馬同不說追之宜慎則不及司馬矣孫禮曰：某去祁山虛裝做

運糧兵。車上盡裝乾柴茅草以硫黃燄硝灌之。却教人虛報隴西運糧到。若

蜀兵無糧必然來搶待入其中放火燒車外以伏兵應之。可勝矣。此計亦通但恐瞞不過武侯耳真

喜曰：此計大妙。即令孫禮引兵依計而行。又遣人教王雙引兵於小路巡哨。

郭淮引兵提調箕谷街亭。令諸路軍馬把守險要。真又令張遼子張虎爲先

鋒。樂進子樂琳爲副。先鋒同守頭營。不許出戰。以上按下曹真一邊以下再敘武侯一邊却說孔明在祁

山寨中每日令人挑戰。魏兵堅守不出。孔明喚姜維等商議曰：魏兵堅守不

出是料吾軍中無糧也。在孔明算中今陳倉轉運不通其餘小路盤涉艱難吾算

隨軍糧草不敷一月用度如之奈何正躊躇間忽報隴西魏軍運糧數千車

於祁山之西運糧官乃孫禮也。來得湊巧宜孔明之必中計矣孔明曰其人如何有魏人告曰此

人曾隨魏主出獵於大石山忽驚起一猛虎直奔御前孫禮下馬拔劍斬之

從此封為上將軍乃曹真心腹人也。孫禮往事前文未見忽於此處補前文所未及孔明笑曰此是魏將料吾

乏糧故用此計車上裝載者必是茅草引火之物。孫禮所算又吾平生專用火攻

彼乃欲以此計誘我耶。曹真班門弄斧彼若知吾軍去劫糧車必來劫吾寨矣。曹真所未及即算者已早在孔

中算可將計就計而行遂喚馬岱分付曰汝引三千軍逕到魏軍屯糧之所不

可入營但於上風頭放火。不待他放火倒替他放火妙甚若燒著車仗魏兵必來圍吾寨。第一路是誘

又差馬忠張嶷各引五千兵在外圍住內外夾攻。第二路是敵其劫寨之兵三人受計去了又

喚關興張苞分付曰魏兵頭營接連四通之路今晚若西山火起魏兵必來

劫吾營汝二人却伏於魏寨左右只等他兵出寨汝二人便可劫之。第三路是劫彼寨之兵

又喚吳班吳懿分付曰汝二人各引一軍伏於營外如魏兵到可截其歸路

第四路是殺路之兵孔明分撥已畢自在祁山上凭高而坐魏兵探知蜀兵要來劫糧慌忙

報與孫禮禮令人飛報曹真真遣人去頭營分付張虎樂琳看今夜山西火起蜀兵必來救應可以出軍如此如此不出孔二將受計令人登樓專看火號却說孫禮把軍伏於山西只待蜀兵到是夜二更馬岱引三千兵來於此出現皆銜枚馬皆勒口逕到山西見許多車仗重重疊疊攢遶成營車仗虛插旌旗正值西南風起赤壁之火仗著東南風此處之火却仗著西南風岱令軍士逕去營南放火車仗盡著火光冲天孫禮只道蜀兵到魏寨內放號火急引兵一齊掩至背後鼓角喧天兩路兵殺來乃是馬忠張嶷第二路兵把魏軍圍在垓心孫禮大驚又聽得魏軍中喊聲起一彪軍從火光邊殺來乃是馬岱第一路兵內外夾攻魏兵大敗火緊風急人馬亂竄死者無數孫禮引中傷軍冲烟冒火而走却說張虎在營中望見火光開寨門與樂琳盡引人馬殺奔蜀寨來寨中不見一人急收軍回時吳班吳懿兩路兵殺出斷其歸路第四路兵張樂二將急衝出重圍奔回本寨只見土城之上箭如飛蝗原來却被關興張苞襲了營寨第三路兵於此出現以上四路兵寫得差錯筆法嚮幻之極魏兵大敗皆投曹真寨來方欲入寨忽見一彪敗軍飛奔而來乃是孫禮遂同入寨見真各言中計之事恐人說與恐人聽真聽知謹守大寨更不出戰蜀兵得勝回

見孔明孔明令人密授計與魏延此處伏一句妙在不敘明一面教拔寨齊起奇絕出人意楊儀曰今

已大勝挫盡魏兵銳氣何故反欲收軍孔明曰吾兵無糧利在急戰今彼堅

守不出吾受其病矣彼今雖暫時兵敗中原必有增益若以輕騎襲吾糧道

那時要歸不能今乘魏兵新敗不敢正視蜀兵便可出其不意乘機退去退巧于兵

軍師所憂者但魏延一軍在陳倉道口拒住王雙急不能脫身吾已令人授以

密計教斬王雙使魏人不敢來追此處說明一句却不說出如何斬法直待下文自見妙在隱躍只令後隊先行當夜孔

明只留金鼓守在寨中打更一夜兵已盡退只落空營却說曹真正在寨中

憂悶忽報左將軍張郃領軍到魏兵有增益果應孔明所言郃下馬入帳謂真曰某奉聖旨特來

聽調真曰曾別仲達否郃曰仲達分付云吾軍勝蜀兵必不便去若吾軍敗

蜀兵必即去矣能者所見略同讀到此等處最是好今吾軍失利之後都督曾往偵探蜀兵消息否真

曰未也于是即令人往探之果是虛營只插著數十面旌旗兵已去了二日

也如猜拳者遇着此等空拳却是再猜不著曹真懊悔無及且說魏延受了密計當夜二更拔寨急回漢

中早有細作報知王雙雙大驅軍馬併力追趕追到二十餘里看看趕上見

魏延旗號在前旗號之下却無魏延與前番趙雲退兵時正是彷彿雙大叫曰魏延休走蜀兵更不同頭雙拍馬趕

來背後。魏兵叫曰：城外寨中火起，恐中敵人奸計。孔明所授之計於此始見。雙急勒馬回時，只見一片火光冲天，慌令退軍。行到山坡左側，忽一騎馬從林中驟出，大喝曰：魏延在此。此處忽然又有一魏延寫得出色驚人。王雙大驚，措手不及，被延一刀砍於馬下。好殺得。魏兵疑有埋伏，四散逃走。延手下只有三十騎人馬，望漢中緩緩而行。以三十騎斬一大將，寫魏延正是寫武侯。後人有詩讚曰：

孔明妙算勝孫龐，耿若長星照一方。進退行兵神莫測，陳倉道口斬王雙。原來魏延受了孔明密計，先教存下三十騎伏於王雙營邊，只待王雙起兵趕時，却去他營中放火，待他回營，出其不意，突出斬之。此處方將上項事敘明一遍。魏延斬了王雙，引兵回到漢中，見孔明交割了人馬。孔明設宴大會，不在話下。且說張郃追蜀兵不上，回到寨中，忽有陳倉城郝昭差人申報，言王雙被斬，曹真聞知，傷感不已。因此憂成疾病，遂回洛陽，命郭淮、孫禮、張郃守長安諸道。以上按下魏國以下再敘東吳。却說吳王孫權設朝，有細作人報說：蜀諸葛丞相出兵兩次，魏都督兵損將亡。於是羣臣皆勸吳王興師伐魏，以圖中原。借興兵引出解帝來，甚有步驟。權猶豫未決。張昭奏曰：近聞武昌東山鳳凰來儀，大江之中黃龍屢現，主公德配唐虞，明並文武，可

卽皇帝位。然後興兵。因魏兵屢敗而吳國稱尊圖苟甚奇多官皆應曰：子布之言是也。遂選定夏四月

丙寅日，築壇於武昌南郊。是日羣臣請權登壇卽皇帝位。頓覺前番受九錫之無謂改黃武八年爲黃龍元年。

到底不換黃字又是黃天當立之讖諡父孫堅爲武烈皇帝，母吳氏爲武烈皇后。兄孫

策爲長沙桓王，立子孫登爲皇太子，命諸葛瑾、長子諸葛恪爲太子左輔，張

昭次子張休爲太子右弼。魏有張遜樂道之子吳有諸葛瑾張昭之子一班後生小輩前後開相對恪字元遜，身長七尺，極聰明。

善應對，權甚愛之。年六歲時，值東吳筵會，恪隨父在座，權見諸葛瑾面長，乃

令人牽一驢來，用粉筆書其面曰：諸葛子瑜。衆皆大笑。恪趨至前，取粉筆添

二字於其下曰：諸葛子瑜之驢。又添得二字驢面之長可知滿座之人無不驚訝，權大喜。遂將

驢賜之。又一日大宴官僚，權命恪把盞，巡至張昭面前，昭不飲，曰：此非養老

之禮也。權謂恪曰：汝能強子布飲乎？恪領命，乃謂昭曰：昔姜尚父年九十，秉

旄仗鉞，未嘗言老。先破他老字又十分調笑今臨陣之日，先生在後飲酒之日，先生在前，何謂

不養老也？又破他養字又十分調笑昭無言可答，只得強飲。權因此愛之，故命輔太子。忙中忽來此一段閒文

張昭佐吳王位，列三公之上。故以其子張休爲太子右弼。恪以才選休以貴選又以顧雍爲

丞相，陸遜爲上將軍，輔太子守武昌。權復還建業，羣臣商議伐魏之策。張昭

奏曰陛下初登寶位未可動兵前說先稱帝然後動兵及稱帝後又說未可動兵隨口轉換方知上文圖荀之幻只宜修文偃武增設學

校以安民心遣使入川與蜀同盟共分天下緩緩圖也權從其言即令使命

星夜入川來見後主禮畢細奏其事後主聞知乃與羣臣商議眾議皆謂孫

權僭逆宜絕其盟好此是正論也蔣琬曰可令人問於丞相後主即遣使到漢中

問孔明孔明曰可令人齎禮物入吳作賀乞遣陸遜與師伐魏非受孫權只爲重

必令司馬懿拒之懿若南拒東吳我再出祁山長安可圖也欲以陸遜牽制司馬懿後主依

言遂令太尉陳震將名馬玉帶金珠寶貝入吳作賀震至東吳見了孫權呈

上國書權大喜設宴相待打發回蜀兩國使者遊遊二帝之間權召陸遜入告以西蜀約會興

兵伐魏之事遜曰此乃孔明懼司馬懿之謀也能者所見略同讀到此等處只是好看既與同謀不得不

從今却虛作起兵之勢遙與西蜀爲應待孔明攻魏急吾可乘虛取中原也

此學孔明取南郡之法又是一個要趁現成的即時下令教荊襄各處都要訓練人馬擇日興師以上按下東吳却

說陳震回到漢中報知孔明孔明尚憂陳倉不可輕進先令人去哨探回報

說陳倉城中郝昭病重孔明曰大事成矣遂喚魏延姜維分付曰汝二人領

五千兵星夜直奔陳倉城下如見火起併力攻城正不知火白何來令人猜摸不測二人俱未深信

不獨二人不信即我至今亦尚未信

又來告曰：何日可行？孔明曰：三日都要完備，不須辭。我即便起行。

一發二人受計去了。又喚關興、張苞至，附耳低言如此如此。吾不知所言何話，又令人猜摸不着。二人各

受密計而去。且說郭淮聞郝昭病重，乃與張郃商議曰：郝昭病重，你可速去

替他。我自寫表申奏朝廷，別行定奪。張郃引着三千兵，急來替郝昭。此人亦不為疏虞。

郝昭病危，當夜正呻吟之間，忽報蜀兵到城下了。昭急令人上城把守，時各

門上火起。正不知火自何來，令人猜摸不出。城中大亂，昭聽知驚死。蜀兵一擁入城，却說魏延、姜維

領兵到陳倉城下看時，並不見一面旗號，又無打更之人。一發二人驚疑不敢

攻城，忽聽得一聲砲響，四面旗幟齊豎，只見一人綸巾羽扇，鶴氅道袍，大叫

曰：汝二人來得遲了！二人視之，乃孔明也。正不知何時到此，發令人猜摸不測。二人慌忙下馬拜伏

於地，曰：丞相真神計也！孔明令放入城，謂二人曰：吾打探得郝昭病重，吾令

汝三日內領兵取城，此乃穩衆人之心也。方知三日之限是假。吾却令關興、張苞只推點軍

暗出漢中。方知附耳低言，乃是此語。吾即藏於軍中，星夜倍道，逕到城下，使彼不能調兵。方知武侯

吾早有細作在城內放火發喊相助。方知城中放火之由。令魏兵驚疑不定，兵無主將，必

自亂矣。吾因而取之，易如反掌。至此方將上項事細說一遍，前乎此者令人如在夢中。兵法云：出其不意，攻其無備。

正謂此也。又自下魏延姜維拜伏孔明憐郝昭之死令彼妻小扶靈柩回魏國

以表其忠。上文都是神鬼手段此處忽現一菩薩心腸孔明謂魏延姜維曰汝二人且莫卸甲可引兵去襲

散關把關之人若知兵到必然驚走若稍遲必有魏兵至關即難攻矣。看過上文神機妙算

無以加矣不意又有一段在後魏延姜維受命引兵逕到散關把關之人果然盡走二人上關纔要

卸甲遙見關外塵頭大起魏兵到來。先生之言其應如響二人相謂曰丞相神算不可測度

急登樓視之乃魏將張郃也二人乃分兵守住險道張郃見蜀兵把住要路

遂令退軍魏延隨後追殺一陣魏兵死者無數張郃大敗而去。前者差遣姜魏二人本為取陳倉之用不知却為取

散關之用延回到關上令人報知孔明孔明先自領兵出煉倉斜谷取了建威後面

蜀兵陸續進發後主又命大將陳式來助孔明驅大兵復出祁山。此是三安下

營寨孔明聚眾言曰吾二次出祁山不得其利今又到此吾料魏人必依舊

戰之地與吾相敵彼意疑我取雍郿二處必以兵拒守吾觀陰平武都二郡

與漢連接若得此城亦可分魏兵之勢。舍却兩路又算出兩路來何人敢取之姜維曰某願往

王平應曰某亦願往孔明大喜遂令姜維引兵一萬取武都王平引兵一萬

取陰平二人領兵去了再說張郃回到長安見郭淮孫禮說陳倉已失郝昭

已亡散關亦被蜀兵奪了。今孔明復出祁山，分道進兵。淮大驚曰：「若如此，必

取雍郿矣。」不出武侯所料乃留張郃守長安，令孫禮保雍城。淮自引兵星夜來郿城守

禦。一面上表入洛陽告急，却說魏主曹叅設朝。近臣奏曰：「陳倉城已失，郝昭

已亡。諸葛亮又出祁山，散關亦被蜀兵奪了。叅大驚，忽又奏滿寵等有表說

東吳孫權僭稱帝號，與蜀同盟。今遣陸遜在武昌訓練人馬，聽候調用。只在

旦夕必入寇矣。」若在梨園劇中當是一對雙探子叅聞知兩處危急，舉止失措，甚是驚慌。此時曹真

病未痊，即召司馬懿商議。懿奏曰：「以臣愚意所料，東吳必不舉兵。」陸遜所算已在司馬懿算中叅

曰：「卿何以知之？」懿曰：「孔明嘗思報虢亭之讎，非不欲吞吳也。只恐中原乘虛

擊彼，故暫與東吳結盟。陸遜亦知其意，故假作興兵之勢以應之。實是坐觀

成敗耳。」你猜着我猜着你，兩人對手不奇，三手一般，則大奇矣。陛下不必防吳，只須防蜀。」放下一頭叅曰：「卿真高見。遂封

懿為大都督，總攝隴西諸路軍馬。令近臣取曹真總兵將印來。懿曰：「臣自去

取之。」曹真之印不欲天子取之，而欲令曹真自取之，是善處。曹真那然天子之印不待天子與之，而自取之，便是自無天子座。遂辭帝出朝，逕到曹真府下，先令人

入府報知。懿方進見，問病畢，懿曰：「東吳西蜀會合興兵入寇。今孔明又出祁

山下，寨明公知之乎？真驚訝曰：「吾家人知我病重，不令我知。似此國家危急，

何不拜仲達爲都督以退蜀兵耶。沙在待他懿曰某才薄智淺不稱其職真曰取印與仲達懿曰都督少慮某願助一臂之力只不敢受此印也。極爲司馬懿之詐真躍起曰如仲達不領此任中國危矣吾當抱病見帝以保之。又豈逼出他比一句懿曰天子已有恩命但懿不敢受耳。老奸猾老世事真大喜曰仲達今領此任可退蜀兵懿見真再三讓印遂受之辭了魏主引兵往長安來與孔明決戰正是

舊帥印爲新帥取兩路兵惟一路來

未知勝負如何且看下文分解

第九十九回

諸葛亮大破魏兵

司馬懿入寇西蜀

武侯之計未嘗不爲司馬懿之所料而無如司馬懿之料武侯又早爲武侯之所料也懿料武侯之必出於是而思有以破之武侯又料懿之知我之出於是而預有以防之料其在祁山寨中而已在武都陰平料其在武都陰平而已在祁山寨中料其真退而竟是假退料其假退而竟是真退致使一足智多謀之司馬懿而動多舛誤束手無策武侯真神人哉

武侯一出祁山而卽歸以街亭之旣失也再出祁山而又歸以陳倉之未拔也迨三出

祁山而陳倉拔矣。陳倉拔而糧道便矣。糧道便而街亭之兵不必憂矣。且蜀又屢勝。魏又屢敗。宜其不歸而終亦歸者。復因張苞之死而致武侯之病。嗚呼。天不祚漢於人乎。何尤。

前文連寫三次出師。而兩間以吳國之事。此卷將寫武侯四番出師。而又間以魏國之事。夫以吳事間伐魏。則不足奇。即以魏事間伐魏。則奇矣。以魏之侵吳。間伐魏。則不足奇。即以魏之侵漢。間伐魏。則更奇矣。且魏方侵漢。而不得侵而去。是前所間之兩事。爲實。而今所間之一事。爲虛也。魏不侵漢。漢猶伐之。及其侵漢。漢乃不追而聽其去。是有前三事。與後三事之實。而後間以此一事之虛也。斷斷續續。實實虛虛。豈非妙事。妙文。天造地設。

爲將者不可不知天時。知天時而後能戰。亦惟知天時而後能不戰。赤壁之風。南徐之霧。破鐵車之雪。所以助戰者也。蜀道陳倉之雨。所以阻戰者也。知其戰而有戰之備。知其不戰而亦有不戰之備。乃孔明知之而禦之。司馬懿亦知之而不早避之。則司馬懿終遜孔明一籌。

劉曄之戒漏言。與王肅之請回兵。同一意也。何也。兵爲詭道。聲趨左而實趨右。所謂出

其不意。攻其無備也。事未發而謀先泄。猶恐敵人知之。而備我。况勞師於外。曠日持久。而不得進者哉。用兵之法。貴在密。貴在速。不密則不速。不速則不密。故曰。兩人之意。同觀於魏之侵蜀。而四出祁山之師。愈不容緩矣。漢以魏爲賊。魏亦以漢爲賊。漢縱忘賊。賊不忘漢。故曰。不伐賊。則王業亦亡。此漢賊不兩立之言。於斯益驗也。我以彼爲賊。而伐之。不得不急。至彼亦以我爲賊。而我之伐之。又何得不急哉。

蜀漢建興七年夏四月。

與後六月
炎天相照

孔明兵在祁山分作三寨。專候魏兵。

先寫蜀
兵下寨

却說

司馬懿引兵到長安。張郃接見。備言前事。懿令郃爲先鋒。戴凌爲副將。引十

萬兵到祁山。於渭水之南下寨。

上寫魏
兵下寨

郭淮孫禮入寨參見。懿問曰。汝等曾與

蜀兵對陣否。二人答曰。未也。

蜀兵不戰却借
魏將口中敘出

懿曰。蜀兵千里而來。利在速戰。今來

此不戰。必有謀也。隴西諸路。曾有信息否。淮曰。已有細作探得各郡十分用

心。日夜隄防。並無他事。只有武都陰平二處。未曾回報。

爲下文肅
伏一筆

懿曰。吾自差人

與孔明交戰。汝二人急從小路去救二郡。却掩在蜀兵之後。彼必自亂矣。

亦算
得着

但嫌遲
了些

二人受計。引兵五千。從隴西小路來救武都陰平。就襲蜀兵之後。郭淮

於路謂孫禮曰。仲達比孔明如何。禮曰。孔明勝仲達多矣。

誠如論
○兩人優劣
却在魏將口中定之

淮曰。

孔明雖勝此一計足顯仲達有過人之智蜀兵如正攻兩郡我等從後抄到彼豈不自亂乎禮起下文正言間忽哨馬來報陰平已被王平打破了武都已被姜維打破了不在姜維王平一邊寫來只在郭淮孫禮一邊聽得省筆之甚前離蜀兵不遠禮曰蜀兵既已打破了城池如何陳兵於外必有詐也不如速退前用反筆觀起下文此用正筆觀起下文郭淮從之方傳令教軍退時忽然一聞礮響山背後閃出一枝軍馬來旗上大書漢丞相諸葛亮中央一輛四輪車孔明端坐於上寫得孔明出色驚人○先見旗次見車然後見人左右關興右有張苞孫郭二人見之大

驚孔明大笑曰郭淮孫禮休走司馬懿之計安能瞞得過吾他每日令人在前交戰司馬懿在祁山一邊事又借孔明口中發出却教汝等襲吾軍後司馬懿所算已在孔明算中武都陰平吾已取了汝二人不

早來降欲驅兵與吾決戰耶郭淮孫禮聽畢大慌適繩路上聞評何其閒也忽然背後喊殺連天王平姜維引兵從後殺來興苞二將又引軍從前面殺來兩下夾攻

魏兵大敗孫郭二人棄馬爬山而走張苞望見驟馬起來不期連人帶馬跌入澗內後軍急忙救起頭已跌破孔明令人送回成都養病令人嘆想蜀道之難却說郭孫

二人走脫回見司馬懿曰武都陰平二郡已失孔明伏於要路前後攻殺因此大敗棄馬步行方得逃回懿曰非汝等之罪孔明智在吾先不惟孫禮知之司馬懿亦自知之可

可

可

可

可

可

可

可

可

再引兵把守雍郿二城。切勿出戰。吾自有破敵之策。二人拜辭而去。懿又喚張郃戴凌。分付曰。今孔明得了武都陰平。必然撫百姓。以安民心。不在營中矣。

只因孫郭二人路上。撞見孔明。故算到此。

汝二人各引一萬精兵。今夜起身抄在蜀兵營後。一齊奮勇

殺將過來。吾却引兵在前布陣。只待蜀兵勢亂。吾大驅人馬。攻殺進去。兩軍

併力可奪蜀寨也。若得此地。山勢破敵何難。

此計大妙。若以郭淮論之。又道必勝孔明矣。

二人受計引兵而

去。戴凌在左。張郃在右。各取小路進發。深入蜀兵之後。三更時分。來到大路。

兩軍相遇。合兵一處。却從蜀兵背後殺來。行不到三十里。前軍不行。張戴二

人自縱馬視之。只見數百輛草車橫截去路。

每到遇伏兵處。便是一聲砲響。一彪軍出。文法奪矣。此處不寫砲。先寫車。不寫敵軍。忽至却寫我軍不行。又換一樣文法。

郃曰。此必有準備。可急取路而回。纔傳令退軍。只見滿山火光齊明。鼓角大

震。伏兵四下皆出。把二人圍住。孔明在祁山上大叫曰。戴凌。張郃。可聽吾言。

司馬懿料吾往武都。陰平。撫民不在營中。故令汝二人來劫吾寨。却中吾之

計也。

不寫孔明在營中。算他劫寨。調遣伏兵。却於此處突然而出不獨戴張二人所不料。亦今日讀者所不料。

汝二人乃無名下將。吾不殺害。下馬早降。

郃大怒。指孔明而罵曰。汝乃山野村夫。侵吾大國境界。如何敢發此言。吾若

捉住汝時。碎屍萬段。言訖。縱馬挺槍。殺上山來。山上矢石如雨。郃不能上山。

乃拍馬舞槍衝出重圍無人敢當。蜀兵困戴凌在垓心。郃殺出舊路不見戴凌。卽奮勇翻身又殺入重圍救出戴凌而回。極寫張郃之勇正爲後文射張郃伏線孔明在山上見郃在

萬軍之中往來衝突英勇倍加。乃謂左右曰。嘗聞張翼德大戰張郃人皆驚懼。照應七十回中事吾今日見之方知其勇也。若留下此人必爲蜀中之害。吾當除之。木門道之

箭已伏於此

遂收軍還營。却說司馬懿引兵布成陣勢。只待蜀兵亂動一齊攻之。忽

見張郃戴凌狼狽而來告曰。孔明先如此隄防。因此大敗而歸。懿大驚曰。孔明真神人也。不如且退。卽傳令教大軍盡回本寨。堅守不出。堅守不出是他看家拳頭且說孔

明大勝所得器械馬匹不計其數。乃引大軍回寨。每日令魏延挑戰。魏兵不出一連半月不曾交兵。孔明正在帳中思慮。忽報天子遣侍中費禕齎詔至。孔明接入營中焚香禮畢開詔讀曰。

街亭之役。咎由馬謖。而君引愆。深自貶抑。重違君意。聽順所守。前年耀師。馘斬王雙。今歲爰征。郭淮遁走。降集氐羌。復興二郡。威震凶暴。功勳顯然。方今天下騷擾。元惡未梟。君受大任。幹國之重。而久自抑損。非所以光揚洪烈也。今復君丞相。君其勿辭。

孔明聽詔畢，謂禕曰：「吾國事未成，安可復丞相之職？」堅辭不受。禕曰：「丞相若不受職，拂了天子之意，又冷淡了將士之心。」復禕子軍中不專管丞相之勳實以鼓將士之氣宜且權受。孔明方

纔拜受。受爵不在斬王雙之時而在破郭淮之後功如武侯猶不敢濫爵如此人奈何欲享無勞之休耶禕辭去。孔明見司馬懿不出，思得一計，傳

令教各處皆拔寨而起。孔明第一次誘敵當有細作保知司馬懿說孔明退兵了。懿曰：「孔

明必有大謀，不可輕動。」寫仲達把細之甚張郃曰：「此必因糧盡而回，如何不追？」懿曰：「吾料

孔用上年大收，今又麥熟糧草豐足，雖然轉運艱難，亦可支持半載。」前算一月此算半年糧多糧少

都要司馬懿代爲記賬竟似知數人一般只因畏蜀如虎故也安肯便走？彼見吾連日不戰，故作此計引誘，可令人遠遠哨

之。寫仲達把細之甚軍士探知回報說：「孔明離此三十里下寨。」懿曰：「吾料孔明果不走，且

堅守寨柵，不可輕進。」仲達第一次不趕一住了旬日，絕無音信，並不見蜀將來戰。懿再令人

哨探回報說：「蜀兵已起營去了。」孔明第二次誘敵懿未信，乃更換衣服，雜在軍中親自來

看，只見蜀兵又退三十里下寨。懿回營謂張郃曰：「此乃孔明之計也，不可追。」

趕。仲達第二次不趕又住了旬日，再令人哨探回報說：「蜀兵又退三十里下寨。」孔明第三次誘敵郃曰：「

孔明用緩兵之計，漸退漢中，都督何故懷疑不早追之？」郃願往決一戰。懿曰：

孔明詭計極多，倘有差失，喪吾軍之銳氣，不可輕進。」仲達第三次不趕郃曰：「某去若敗，

甘當軍令。懿曰：既汝要去，可分兵兩枝。汝引一枝先行，須要奮力死戰。吾隨後接應，以防伏兵。汝次日先進，到半途駐劄。後日交戰，使兵力不凡作三番跌頓然後趕去却又乏。

再三再三提防，再三再三分付寫仲，遂分兵已畢。次日，張郃戴凌引副將數十員精兵三萬奮勇先

進到半路下寨。司馬懿留下許多軍馬守寨，只引五千精兵隨後進發。以上在魏兵一面寫

原來孔明密令人哨探見魏兵半路而歇。以下在蜀兵一面寫是夜孔明喚衆將商議曰：今

魏兵來追，必然死戰。汝等須以一當十，吾以伏兵截其後，非智勇之將不可

當此。任言畢，以目視魏延。延低頭不語。魏延此時不肯當先，只因不聽其子午谷之計，心中不悅，非後前之魏延矣。王平出曰：某願

當之。激出一個人來孔明曰：若有失如何？平曰：願當軍令。孔明嘆曰：王平肯捨身親冒

矢石，真忠臣也。讚王平正雖然如此，奈魏兵分兩枝前後而來，斷吾伏兵在中。平

縱然智勇，只可當一頭，豈可分身兩處？須再得一將同去爲妙。怎奈軍中再

無捨死當先之人。激法言未畢，一將出曰：某願往。孔明視之，乃張翼也。又激出一個人來孔

明曰：張郃乃魏之名將，有萬夫不當之勇。汝非敵手。激法翼曰：若有失事，願獻

首於帳下。寫張翼亦反激魏延孔明曰：汝既敢去，可與王平各引一萬精兵伏於山谷中。只

待魏兵趕上，任他過盡。汝等各引伏兵從後掩殺。若司馬懿隨後趕來，却分

兵兩頭張翼引一軍當住後隊王平引一軍截其前隊兩兵須要死戰吾自有別計相助第一起調撥二人是明白分付二人受計引兵而去孔明又喚姜維廖化分付曰與汝二人一個錦囊引三千精兵偃旗息鼓伏於前山之上如見魏兵圍住王平張翼十分危急不必去救只開錦囊看視自有解危之策第二起調撥二人却用錦囊不是明白分付二人受計引兵而去又令吳班吳懿馬忠張嶷四將附耳分付曰如來日魏兵到銳氣正盛不可便迎且戰且走只看關興來引兵掠陣之時汝等便回軍趕殺吾自有兵接應第三起調撥四人又是明白分付四將受計引兵而去又喚關興分付曰汝引五千精兵伏於山谷只看山上紅旗颯動却引兵殺出第四起只調撥一人亦用明白分付興受計引兵而去却說張郃戴凌領兵前來驟如風雨馬忠張嶷吳懿吳班四將接着出馬交鋒前第三起所撥却於第一次出現張郃大怒驅兵追殺蜀兵且戰且走魏兵追趕約有二十餘里時值六月天氣十分炎熱人馬汗如潑水百忙中忽點時序與五月渡瀘遙遙相對走到五十里外魏兵盡皆氣喘孔明在山上把紅旗一招關興引兵殺出前第四次所撥却於第二次出現馬忠等四將一齊引兵掩殺回來張郃戴凌死戰不退忽然喊聲大震兩路軍殺出乃王平張翼也前第一起所撥却於第三次出現各奮勇追殺截其後路郃大叫衆將曰汝等到此不

決一死戰。更待何時。魏兵奮力衝突。不得脫身。忽然背後鼓角喧天。司馬懿

自領精兵殺到。懿指揮衆將。把王平、張翼圍在垓心。已在孔翼大呼曰：丞相真

神人也。計已算定。必有良謀。吾等當決一死戰。即分兵兩路。平引一軍截住

張郃、戴凌、翼引一軍力當司馬懿。兩頭死戰。叫殺連天。姜維廖化在山上探

望。前第二起所撥。却於第四次出現。見魏兵勢大。蜀兵力危。漸漸抵當不住。維謂化曰：如此危急。可

開錦囊看計。二人拆開視之。內書云：若司馬懿兵來圍王平、張翼。至急。汝二

人可分兵兩枝。竟襲司馬懿之營。懿必急退。汝可乘亂攻之。營雖不得可獲

全勝。獨此數語。却於此處。方見機密之至。二人大喜。即分兵兩路。逕向司馬懿營中而去。原來司馬懿

亦恐孔明之計。沿途不住的令人傳報。懿正催戰間。忽流星馬飛報。言蜀

兵兩路。竟取大寨去了。維化二人劫寨。只在司馬懿其中。寫妙。懿大驚失色。乃謂衆將曰：吾料孔明有

計。汝等不信。勉強追來。却誤了大事。即提兵急回。軍士惶惶亂走。張翼隨後

掩殺。魏兵大敗。第一起張翼於此再寫一番。張郃、戴凌見勢孤。亦望山僻小路而走。蜀兵大勝。背

後關興引兵接應。諸路第四起關興亦再寫一番。司馬懿大敗一陣。奔入寨時。蜀兵已自回去。

又將維化二人。慮寫一筆。懿收聚敗軍。責罵諸將曰：汝等不知兵法。只憑血氣之勇。強欲出戰。

致有此敗。今後切不許妄動。再有不遵。決正軍法。衆皆羞慚而退。這一陣魏軍死者極多。遺棄馬匹器械無數。又將上項事總敘一句却說孔明收得勝軍馬入寨。又欲起兵進取。忽報有人自成都來。說張苞身死。趙雲之死在後。出師表之中。張苞之死又在後。出師表之外。孔明聞知。放聲大哭。口中吐血。昏絕於地。衆人救醒孔明。自此得病臥牀不起。曹操哭典韋。孔明哭張苞。然曹操不病。孔明則病矣。

可假不得病却假不得

諸將無不感激。後人有詩嘆曰：

悍勇張苞欲建功。可憐天不助英雄。武侯淚向西風灑。爲念無人佐鞠躬。旬日之後。孔明喚董厥樊建入帳。分付曰：「吾自覺昏沉。不能理事。不如且回漢中養病。再作良圖。汝等切勿走泄。」司馬懿若知必來攻擊。遂傳號令。教當夜暗暗拔寨。皆回漢中。孔明去了五日。懿方得知。乃長嘆曰：「孔明真有神出鬼沒之計。吾不能及也。」於是司馬懿留諸將在寨中。分兵把守各處隘口。懿自班師回。却說孔明將大軍屯於漢中。自回成都養病。文武官僚出城迎接。送入丞相府中。後主御駕自來問病。命御醫調治。日漸痊可。建興八年秋七月。魏都督曹真病可。方敘武侯病可。又忽敘曹真病可。圖符絕妙。乃上表說蜀兵數次侵界。屢犯中原。若不勦除。必爲後患。今時值秋涼。與上文炎天相應。人馬安閒。正當征伐。臣願與司馬懿同領

大軍逕入漢中。殄滅奸黨，以清邊境。

漢不伐賊，賊必伐漢。果應後出師表之言。

魏主大喜，問侍中劉曄曰：

子丹勸朕伐蜀，若何？曄奏曰：大將軍之言是也。今若不剿除，後必爲大患。陛

下便可行之。

可見賊亦與漢不兩立。

叡點頭。曄出內回家，有衆大臣相探問曰：聞天子與公

計議興兵伐蜀，此事如何？曄應曰：無此事也。蜀有山川之險，非可易圖。空費

軍馬之勞於國，無益。

忽然要瞞衆人。

衆官皆默然而出。楊暨入內奏曰：昨聞劉曄勸陛

下伐蜀，今日與衆臣議，又言不可伐，是欺陛下也。陛下何不召而問之？叡卽

召劉曄入內，問曰：卿勸朕伐蜀，今又言不可，何也？曄曰：臣細詳之，蜀不可伐。

又在天子面前瞞衆人更妙。

叡大笑。少時，楊暨出內，曄奏曰：臣昨日勸陛下伐蜀，乃國之大事，豈

可妄泄於人？夫兵者，詭道也。事未發，切宜祕之。

前此只疑其機穽，可至此方知是深心人。

叡大悟曰：卿言

是也。自此愈加敬重。旬日內，司馬懿入朝，魏主將曹真表奏之事，逐一言之。

懿奏曰：臣料東吳未敢動兵。今日正可乘此去伐蜀。叡卽拜曹真爲大司馬。

征西大都督司馬懿爲大將軍，征西副都督。

此時大都督印又是曹真掛了，可見前番司馬懿讓正事老世事處。

劉曄爲軍師。

三人拜辭魏主，引四十萬大兵前行，至長安，逕奔劍閣，來取漢中。其餘郭淮

孫禮等各取路而行。漢中人報入成都。此時孔明病好多時，每日操練人馬。

習學八陣之法。盡皆精熟。早為後卷賭陣伏筆欲取中原。正要討賊却白來受討聽得這個消息。遂喚張嶷

王平分付曰。汝二人先引一千兵去守陳倉古道。以當魏兵。只用一千兵令人測摸不出吾却提

大兵便來接應。二人告曰。人報魏兵四十萬。詐稱八十萬。聲勢甚大。如何只

與一千兵去守隘口。倘魏兵大至。何以拒之。不獨兩人不解即讀者亦不解孔明曰。吾欲多與恐

士卒辛苦耳。說得沒氣力沒要緊一發令人不解嶷與平面面相覷。皆不敢去。孔明曰。若有疎失。非汝

等之罪。不必多言。可疾去。二人又哀告曰。丞相欲殺某二人。就此請殺。只不

敢去。不獨二人哀我亦為二人哀之孔明笑曰。何其愚也。吾令汝等去。自有主見。吾昨夜仰觀天

文。見畢星躔於太陰之分。此月內必有大雨淋漓。先生知風知霧又知雨魏兵雖有四十萬。

安敢深入山險之地。因此不用多軍。決不受害。吾將大軍屯在漢中。安居一

月。待魏兵退。那時以大兵掩之。以逸待勞。吾十萬之衆。可勝魏兵四十萬也。

此處方纔盡情說明二人聽畢。方大喜。拜辭而去。孔明遂統大軍出漢中。傳令教各處隘口

預備乾柴草料軍糧。俱穀一月。人馬支用。以防秋雨。又點秋字應上秋涼時序一毫不亂將大軍寬限

一月。先給衣食。俟候出征。以上按下武侯一邊却說曹真司馬懿同領大軍逕到陳倉

城內。不見一間房屋。尋土人問之。皆言孔明回時。放火燒毀。將前事於此補出曹真便要

往陳倉道進發。懿曰：不可輕進。我夜觀天文，見畢星躔於太陰之分。此月內必有大雨。孔明知雨，仲達知雨，但孔明知有一月之雨，仲達則未必知有一月之雨耳。若深入重地，或勝則可，倘有疎虞，人馬受苦。

要退則難。且宜在城中搭起窩鋪，駐紮以防陰雨。真從其言，未及半月，天雨

大降，淋漓不止。陳倉城外平地水深三尺，軍器盡濕，人不得睡，晝夜不安。沉寤

大雨連降三十日，馬無草料，死者無數。軍士怨聲不絕，傳入洛陽。魏主

設壇求晴不得。此時道士亦大吃苦也。黃門侍郎王肅上疏曰：

前志有之：千里饋糧，士有饑色；樵蘇後爨，師不宿飽。此謂平途之行軍者

也。先言轉餉之遠。又况於深入險阻，鑿路而前，則其為勞必倍者也。次言路徑之險。今又加之

以霖雨，山坡峻滑，衆逼而不展，糧遠而難繼，實行軍之大忌也。次言天味之變。聞曹

真發已踰月而行，方半谷，治道功大，戰士悉作。是彼偏得以逸待勞，乃兵

家之所憚也。此言士卒之勞。言之前代，則武王伐紂出關而復還，論之近事，則武文

征權臨江而不濟，豈非順天知時，通於權變者哉！願陛下念水雨艱劇之

故，休息士卒。此言目下必宜退兵。後日有費，乘時用之，所謂悅以犯難，民忘其死者也。此言他日

方可
進矣

魏主覽表正在猶豫。楊阜華歆亦上疏諫。王肅表用實寫楊阜華歆表用虛寫魏主卽下詔遣使詔曹

真司馬懿還朝。却說曹真與司馬懿商議曰：「今連陰三十日，軍無戰心，各有

思歸之意，如何禁止？」此番之出是特地來當雨懿曰：「不如且回。」真曰：「倘孔明追來，怎生退之？」懿

曰：「先伏兩軍斷後，方可回兵。」正議間，忽使命來召二人，遂將大軍前隊作後

隊，後隊作前隊，徐徐而退。以上按下真懿一邊，以下再敘武侯一邊却說孔明計算一月秋雨，天氣未晴，自

提一軍屯於城固，又傳令教大軍會於赤坡駐紮。孔明升帳，喚衆將言曰：「吾

料魏兵必走，魏主必下詔來取曹真。司馬懿兵回，如先生吾若追之，必有準備，不

如任他且去，再作良圖。武侯每爲追蜀兵而敗武侯不追大有主見忽王平令人來報說：「魏兵已回。」孔明分

付來人傳與王平，不可追襲。吾自有破魏兵之策，正是：

魏兵縱使能埋伏，漢相原來不肯追。

未知孔明怎生破魏，且看下文分解。

第一百回 漢兵劫寨破曹真 武侯鬪陣辱仲達

將寫武侯與仲達決雌雄，先見仲達與子丹決雌雄。其以面塗紅粉，身服女衣爲賭。此

以贏者爲雄，輸者爲雌也。然以仲達子丹相較，則子丹是女，仲達是男。若以武侯仲達

相。較。則。又。武。侯。是。男。仲。達。是。女。觀。後。文。巾。幘。之。受。其。不。異。於。面。塗。紅。粉。身。服。女。衣。者。幾。希。矣。

武。侯。氣。王。朗。只。是。一。氣。曹。真。不。止。是。一。氣。姜。維。詐。降。一。氣。也。王。雙。被。斬。二。氣。也。秦。良。死。而。寨。又。劫。三。氣。也。與。三。氣。周。瑜。之。事。殆。相。仿。佛。矣。然。周。瑜。未。死。之。前。有。兩。句。歌。謠。一。封。書。札。周。瑜。既。死。之。後。又。有。一。篇。祭。文。獨。至。曹。真。而。片。紙。之。中。一。番。教。訓。一。番。嘲。笑。一。番。哀。憐。直。將。歌。謠。書。札。祭。文。合。成。一。幅。尤。令。見。者。解。頤。甚。矣。爲。將。之。不。可。不。嚴。也。武。侯。斬。陳。式。而。不。殺。魏。延。憐。其。勇。耳。若。縱。苟。安。而。反。爲。其。所。譖。則。寬。之。過。也。且。陳。式。未。歸。之。時。恐。其。降。魏。而。使。鄧。芝。撫。之。魏。延。將。反。之。日。預。知。其。背。漢。而。使。馬。岱。防。之。獨。至。苟。安。而。武。侯。慮。不。及。此。又。似。失。之。於。疎。矣。雖。然。此。天。之。不。欲。興。漢。豈。武。侯。之。咎。與。我。以。此。計。中。人。而。人。亦。以。此。計。中。我。如。武。侯。曾。以。反。間。之。計。退。仲。達。而。仲。達。亦。以。反。間。之。計。退。武。侯。是。也。雖。然。物。必。先。腐。也。而。後。蟲。生。之。仲。達。雖。智。豈。能。間。英。明。之。主。哉。苟。安。不。能。愚。後。主。而。宦。官。得。以。愚。後。主。又。非。宦。官。足。以。愚。後。主。而。後。主。實。受。愚。於。宦。官。昭。烈。所。爲。嘆。息。痛。恨。於。桓。靈。者。而。其。父。恨。焉。其。子。蹈。焉。悲。夫。三。出。祁。山。之。師。爲。武。侯。之。病。而。去。此。仲。達。不。知。其。去。者。也。四。出。祁。山。之。師。爲。苟。安。之。譖。而。去。爲。仲。達。先。知。其。必。去。者。也。

不知其去。則其去也易。知其必去。則其去也難。而武侯卒不難於去者。則其滅兵添竈之計得也。孫臏以滅竈誘敵之追武侯。又以增竈遏敵之追。是得孫臏之意而變化之。可見讀古書者。讀此句必是此句。便是不能讀用古事者。用此法必是此法。便是不能。用觀於武侯。可以悟矣。

却說衆將聞孔明不追魏兵。俱入帳告曰。魏兵苦雨。不能屯紮。因此回去。正好乘勢追之。丞相如何不追。孔明曰。司馬懿善能用兵。今軍退必有埋伏。吾若追之。正中其計。不犯他人失着不如縱他遠去。吾却分兵逕出斜谷。而取祁山。使魏

人不隄防也。此之謂攻其無備衆將曰。取長安之地。別有路途。丞相只取祁山。何也。吾亦欲問之

孔明曰。祁山乃長安之首也。隴西諸郡。倘有兵來。必經由此地。更兼前臨渭濱。後靠斜谷。左出右入。可以伏兵。乃用武之地。吾故欲先取此地。得地利也。前問是仰

觀天文後同是俯察地理衆將皆拜服。孔明令魏延張嶷杜瓊陳式出箕谷。馬岱王平張翼馬

忠出斜谷。俱會於祁山。調撥已定。孔明自提大軍。令關興廖化爲先鋒。隨後進發。以上按下武侯一邊。以下再敘真懿一邊却說曹真司馬懿二人。在後監督人馬。令一軍入陳倉。古

道探視回報說。蜀兵不來。又行旬日後。面埋伏。衆將皆回說。蜀兵全無音耗。

真曰連綿秋雨。棧道斷絕。蜀人豈知吾等退軍耶。寫曹真之愚以觀司馬懿之智懿曰蜀兵隨後出

矣。誠如公言真曰何以知之。懿曰連日晴明。蜀兵不趕。料吾有伏兵也。故縱我兵遠

去。待我兵過盡。他却奪祁山矣。誠如公言曹真不信。懿曰子丹如何不信。吾料孔明

必從兩谷而來。吾與子丹各守一谷口。十日爲期。若無蜀兵來。我面塗紅粉

身穿女衣來營中伏罪。此等賭法甚奇。贏的是男子。輸的是婦人。但恐今日天下婦人偏要贏着男子也。○面塗紅粉。早與後文張虎穿琳相映。身穿女衣。早爲後文受巾幘相映。真曰若有蜀

兵來。我願將天子所賜玉帶一條。御馬一匹。與你。以天子所賜爲賭。孰知後來却把一個天子輿與他家。卽分兵兩

路。真引兵屯於祁山之西斜谷口。懿引軍屯於祁山之東箕谷口。各下寨已

畢。懿先引一枝兵伏於山谷中。其餘軍馬各於要路安營。懿更換衣裝。雜在

衆軍之中。賭輸了要換婦人。杜束今不會輸。先着小卒衣裳。遍觀各營。忽到一營。有一偏將仰天而怨曰。大雨淋

了許多時。不肯回去。今又在這裏屯住。強要賭賽。却不苦了官軍。賭賽原是。一時高興。懿聞

言歸寨升帳。聚衆將皆到帳下。揆出那將來。懿叱之曰。朝廷養軍千日。用在

一時。汝安敢出怨言。以慢軍心。其人不招。懿叫出同伴之人。對證。那將不能

抵賴。懿曰。吾非賭賽。欲勝蜀兵。勝曹真便是。取笑勝蜀兵便是。正經。令汝各人有功回朝。汝乃妄出怨

言。自取罪戾。喝令武士推出斬之。取笑弄出。認真來。須臾獻首。帳下衆將悚然。懿曰。汝等

諸將皆要盡心以防蜀兵。聽吾中軍礮響，四面皆進。衆將受命而退。以上按下文懿一邊以下再敘

武侯却說魏延、張嶷、陳式、杜瓊四將引兵二萬，取箕谷而進。正行之間，忽報參

謀鄧芝到來。四將問其故。芝曰：丞相有令，如出箕谷，隄防魏兵埋伏，不可輕

進。司馬懿之料武侯又為武侯所料陳式曰：丞相用兵，何多疑耶？吾料魏兵連遭大雨，衣甲皆毀，必

然急歸，安得又有埋伏？今吾兵倍道而進，可獲大勝。如何？又教休兵。芝曰：丞

相計無不中，謀無不成。汝安敢違令？式笑曰：丞相若果多謀，不致街亭之失。

照應九十五回中事魏延想起孔明向日不聽其計，亦笑曰：丞相若聽吾言，逕出子午谷，此

時休說長安、連洛陽皆得矣。照應九十二回中之語今執定要出祁山，有何益耶？既令進兵，

今又教休進，何其號令不明？式曰：吾自引五千兵，逕出箕谷，先到祁山下寨。

看丞相羞也不羞。芝再三阻當，式只不聽。逕自引五千兵，出箕谷去了。司馬懿部下

不服武侯部下大將不服正是相對○陳式又是一個馬謖。鄧芝只得飛報孔明，却說陳式引兵行不數里，忽聽得一聲

礮響，四面伏兵皆出。式急退時，魏兵塞滿谷口，圍得鐵桶相似。式左衝右突，

不能得脫，忽聞喊聲大震。一彪軍殺入，乃是魏延救了陳式，回到谷中。五千

兵只剩得四五百帶傷人馬。此時陳將軍羞也不羞背後魏兵趕來，却得杜瓊、張嶷引兵接

應。魏兵方退。陳魏二人方信孔明先見如神。懊悔不及。且說鄧芝回見孔明。言魏延陳式如此無禮。孔明笑曰。魏延素有相反。吾知彼常有不平之意。因憐其勇而用之。久後必生患害。早為一百五回伏筆正言間。忽流星馬報到。說陳式折了四千餘人。止有四五百帶傷人馬。屯在谷中。孔明令鄧芝再來箕谷。撫慰陳式。防其生變。周密之至一面喚馬岱王平分付曰。斜谷若有魏兵把守。汝二人引本部軍。越山嶺。夜行晝伏。速出祁山之左。舉火為號。又喚馬忠張翼分付曰。汝等從山僻小路。晝伏夜行。逕出祁山之右。舉火為號。與馬岱王平會合。共劫曹真營寨。前番調撥以此四人為一路。今又分作兩路。吾自從谷中三面攻之。魏兵可破也。四人領命分頭引兵去了。孔明又喚關興廖化分付曰。如此如此。前兩路敘明所授之計。此一路不敘。明所授之計。待後文始見。是換筆。二人受了密計。引兵而去。孔明自領精兵倍道而行。正行間。又喚吳班吳懿授與密計。息歇。只等十日無事。要羞司馬懿。不覺守了七日。再熬過三日便。要羞他花面矣。忽有人報谷中有些少蜀兵出來。真令副將秦良引五千兵哨探。不許縱令蜀兵近界。圖欲瞞過司馬懿也。曹真之意。只以賭賽為重。不以國事為重。秦良領命引兵剛到谷口。哨見蜀兵退去。良急引兵趕來。行到五六

十里不見蜀兵。此乃孔明所授密計也。心下疑惑。教軍士下馬息歇。忽哨馬報說前面有蜀

兵埋伏。良上馬看時。只見山中塵土大起。急令軍士隄防。不一時。四壁廂喊

聲大震。前面吳班吳懿引兵殺出。最後分付的最先出現。背後關興廖化引兵殺來。第三起分付的

左右是山。皆無走路。山上蜀兵大叫。下馬投降者免死。不盡殺之而欲降之計畫已定。魏軍大半多

降。秦良死戰被廖化一刀斬於馬下。今番却暗不過司馬懿也。孔明把降卒拘於後軍。却將魏

軍衣甲與蜀軍五千人穿了扮作魏兵。不見男子扮女子先見蜀兵扮魏兵。令關興廖化吳班吳懿四

將引着。此四人重復調撥。逕奔曹真寨來。先令報馬入寨說。只有些少蜀兵盡趕去了。妙在

不許近界之意。真大喜。忽報司馬都督差心腹人至。真喚入問之。其人告曰。今蜀兵用

埋伏計。殺魏兵四千餘人。與陳式所折正好相當。武侯止了本交。司馬都督致意將軍。教休將賭賽為念

務。要用心隄備。夾敘此一敘筆法妙甚。真曰。吾這裏並無一箇蜀兵。還要操。遂打發來人回去。忽

又報秦良引兵回來。曹真自出帳迎之。比及到寨。人報寨後兩把火起。真急

回寨。後看時。關興廖化吳班吳懿四將指麾蜀軍就營前殺將進來。重復調撥的於此再出現。

馬岱王平從後面殺來。馬忠張翼亦引兵殺到。第一番調撥與第二番調撥的却於未後出現。魏軍措手不及。各自逃生。眾將保曹真望東而走。背後蜀兵趕來。曹真正奔走。忽然喊聲大

震一彪軍殺到真膽戰心驚。每到遇救兵處反故作驚人筆視之乃司馬懿也。莫非來取王帶御馬乎懿大戰一

場蜀兵方退真得脫羞慚無地。不惟輸與孔明又輸與仲達是雙輸了安得不羞懿曰諸葛亮奪了祁山地勢吾

等不可久居此處宜去渭濱安營再作良圖真曰仲達何以知吾遭此大敗

也懿曰見來人報稱子丹說並無一箇蜀兵吾料孔明暗來劫寨因此知之

故相相應今果中計。司馬懿一邊事即在司馬懿口中補出切莫言賭賽之事只同心報國。老奸猾老世非曹真甚

是惶恐氣成疾病臥牀不起。姓曹的如此無用安得不以大事託之司馬氏兵屯渭濱懿恐軍心有亂不教真

退兵却說孔明大驅士馬復出祁山。此是四出祁山勞軍已畢魏延陳式杜瓊張嶷入

帳拜服請罪孔明曰是誰失陷了軍來延曰陳式不聽號令潛入谷口以此

大敗式曰此事魏延教我行來。始而一齊扛幫繼而互相埋怨可發一笑孔明曰他倒救你你反攀他。輕輕

便將魏延拋開將令已違不必巧說即令武士推出陳式斬之須臾懸首於帳前以示

諸將此時孔明不殺魏延欲留之以為後用也。按中忽結一斷語絕妙筆法孔明既斬了陳式正

議進兵忽有細作報說曹真臥病不起現在營中治療孔明大喜謂諸將曰

若曹真病死必便回長安今魏兵不退必為病重故留於軍中以安衆人之

心吾寫下一書教秦良的降兵持與曹真真若見之必然死矣。與前番致書於周那一樣局面遂喚

降兵至帳下問曰汝等皆是魏軍父母妻子多在中原不宜久居蜀中今放汝等回家若何武侯妙人衆軍涕泣拜謝孔明曰曹子丹與吾有約吾有一書汝等帶回送與子丹必有重賞武侯妙人魏軍領了書奔回本寨將孔明書呈與曹真真扶病而起拆封視之其書曰

漢丞相武鄉侯諸葛亮致書於大司馬曹子丹之前竊謂夫爲將者能去能就能柔能剛能進能退能弱能強不動如山岳難知如陰陽無窮如天地充實如太倉浩渺如四海眩明如三光預知天文之旱澇先識地理之平康察陣勢之期會揣敵人之短長嗟爾無學後輩上逆穹蒼助篡國之反賊稱帝號於洛陽走殘兵於斜谷遭霖雨於陳倉水陸困乏人馬猖狂拋盈郊之戈甲棄滿地之刀槍都督心崩而膽裂將軍鼠竄而狼忙無面見關中之父老何顏入相府之廳堂史官秉筆而記錄百姓衆口而傳揚仲達聞陣而惕惕子丹望風而遑遑吾軍兵強而馬壯大將虎奮以龍驤掃秦川爲平壤蕩魏國作坵荒真是一篇叶韻祭文

曹真看畢恨氣填胸至晚死於軍中又是一個王朗司馬懿用兵車裝載差人送赴洛

陽安葬。魏主聞知曹真已死，卽下詔催司馬懿出戰。懿提大軍來與孔明交

鋒，隔日先下戰書。

仲達此時亦是不不得已

孔明謂諸將曰：「曹真必死矣。」遂批回來日交鋒。使

者去了。孔明當夜教姜維受了密計，如此而行。又喚關興分付如此。如此

生用何妙計

次日孔明盡起祁山之兵，前到渭河一邊，是河一邊，是山中央，平川曠

野，好片戰場。

正好擺陣要子

兩軍相迎，以萬箭射住陣脚。三通鼓罷，魏陣中門旗開處，

司馬懿出馬，衆將隨後而出。只見孔明端坐於四輪車上，手搖羽扇。

二人向來並不曾交話，此是第

一番相見。懿曰：「吾主上法堯禪舜，開口便說傳代正，爲他日效尤張本相傳二帝坐鎮中原，容汝蜀吳二國者，

乃吾主寬慈仁厚，恐傷百姓也。汝乃南陽一耕夫，不識天數，強要相侵，理宜

殄滅。如省心改過，宜卽早回，各守疆界，以成鼎足之勢，免致生靈塗炭。汝等

皆得全生。孔明笑曰：「吾受先帝託孤之重，安肯不傾心竭力以討賊乎？」

對敵人也開口說先帝

汝曹氏不久爲漢所滅。汝祖父皆爲漢臣，世食漢祿，不思報效，反助

篡逆，豈不自恥？懿羞慚滿面，曰：「吾與汝決一雌雄。汝若能勝吾，誓不爲大將。」

汝若敗時，早歸故里，吾並不加害。

又是一番賭資

孔明曰：「汝欲鬪將鬪兵鬪陣法？」

懿曰：「先鬪陣法。」孔明曰：「先布陣。我看懿入中軍帳下，手執黃旗，招颺左右軍。」

備有許鬪法

動排成一陣。復上馬出陣。問曰：汝識吾陣否？孔明笑曰：吾軍中末將亦能布

之。此乃混元一氣陣也。取混一之意懿曰：汝布陣我看孔明入陣把羽扇一搖復出

陣前。問曰：汝識我陣否？懿曰：量此八卦陣如何不識。一氣主合八卦主分以分破合也孔明曰：識便

識了。敢打吾陣否？懿曰：既識之如何不敢打？孔明曰：汝只管打來。司馬懿回

到本陣中。喚戴凌張虎樂琳三將分付曰：今孔明所布之陣。按休生傷杜景

死驚開八門。汝三人可從正東生門打入。往西南休門殺出。復從正北開門

殺入。此陣可破。汝等小心在意。如黃承彥教陸遜之語於是戴凌在中。張虎在前。樂琳在後。

各引三十騎從生門打入。兩軍吶喊相助。三人殺入蜀陣。只見陣如連城。衝

突不出。三人慌引騎轉過陣脚。往西南衝去。却被蜀兵射住。衝突不出。魚腹浦前人疑是石

陣中重重疊疊都有門戶。那裏分東西南北。妙寫陣法三將不能相顧。只管亂

撞。但見雲愁漠漠。慘霧濛濛。又如此二句更見陣法之神奇喊聲起處。魏軍一箇箇皆被縛了。賭陣法輸了

送到中軍。孔明坐於帳中。左右將張虎戴凌樂琳并九十個軍皆縛在帳下。

孔明笑曰：吾縱然捉得汝等何足為奇。吾放汝等回見司馬懿。叫他再讀兵

書重觀戰策。那時來決雌雄。未為遲也。叫他回去讀書意似對求試不中的秀才說汝等性命既饒。當留下

軍器戰馬遂將衆人衣甲脫了以墨塗面步行出陣

司馬懿與曹真賭只賭得紅粉塗面今却變了黑臉更是難當

司馬

懿見之大怒老羞變怒回顧衆將曰如此挫敗銳氣有何面目回見中原大臣耶即

指揮三軍奮死掠陣懿自拔劍在手引百餘驍將催督衝殺兩軍恰纔相會

忽然陣後鼓角齊鳴喊聲大震一彪軍從西南上殺來乃關興也

第二次授計者出現在前

懿

分後軍當之復催軍向前廝殺忽然魏兵大亂原來姜維引一彪軍悄悄地殺

來第一次授計者出現在後蜀兵三路夾攻懿大驚急忙退軍蜀兵周圍殺到懿引三軍望南

死命衝出魏兵十傷六七關兵關將又輸了司馬懿退在渭濱南岸下寨堅守不出孔明

收得勝之兵回到祁山時永安城李嚴遣都尉苟安解送糧米至軍中交割

苟安好酒於路怠慢違限十日孔明大怒曰吾軍中專以糧爲大事誤了三

日便該處斬汝今誤了十日有何理說喝令推出斬之

是陳式正

長史楊儀曰苟

安乃李嚴用人又兼錢糧多出於西川若殺此人後無人敢送糧也孔明乃

叱武士去其縛杖八十放之

不殺此人反受其譏可見好人做不得

苟安被責心中懷恨連夜引親隨五

六騎逕奔魏寨投降

苟安不是苟竟不是狗矣

懿喚入苟安拜告前事懿曰雖然如此孔明多

謀汝言難信汝能爲我幹一件大功吾那時奏准天子保汝爲上將安曰但

有甚事。卽當効力。懿曰：汝可回成都，布散流言，說孔明有怨上之意。早晚欲

稱爲帝，使汝主召回孔明，便是汝之功。此乃答前文馬謖反問之計，彼此相對。苟安允諾，竟回成都，見了

宦官。得其人矣。布散流言，說孔明自倚大功，早晚必將篡國。宦官聞知，大驚，卽入內

奏帝，細言前事。宮中府中不宜異同。後主驚訝曰：「似此如之奈何？」宦官曰：「可詔還成都，削其

兵權，免生叛逆。」後主下詔，宣孔明班師回朝。親小人遠賢臣，後漢所以傾頹也。蔣琬出班奏曰：「丞相

自出師以來，累建大功，何故宣回？」後主曰：「朕有機密事，必與丞相商議。」也會說謊。卽

遣使賈詡，星夜宣孔明回使，命逕到祁山大寨。孔明接入，受詔已畢，仰天嘆

曰：「主上年幼，必有佞臣在側。吾正欲建功，何故取回我？若不同，是欺主矣。若

奉命而退，日後再難得此機會也。」苟安之罪，上通於天。姜維問曰：「若大軍退，司馬懿乘勢

掩殺，當復如何？」孔明曰：「吾今退軍，可分五路而退。今日先退此營，假如營內

兵一千，却掘二千；今日掘三千，明日掘四千。每日退軍，添竈而行。」孫臏減灶之法，武侯反用之。

楊儀曰：「昔孫臏擒龐涓，用添兵減竈之法，令丞相退兵，何故增

竈？」孔明曰：「司馬懿善能用兵，知吾兵退，必然追趕。心中疑吾有伏兵，定於舊

營內數竈，見每日增竈，兵又不知退與不退，則疑而不敢追。吾徐徐而退，自

無損兵之患。

方將添杜計
策解說一遍

遂傳令退軍。却說司馬懿料苟安行計定當。只待蜀兵

退時一齊掩殺。正躊躇間忽報蜀寨空虛。人馬皆去。懿因孔明多謀不敢輕

追。自引百餘騎前來蜀營內踏看。教軍士數竈。不出先仍回本寨。次日又教軍

士趕到那箇營中查點竈數。回報說道。營內之竈比前又增一分。司馬懿謂

諸將曰。吾料孔明多謀。今果添兵增竈。吾若追之。必中其計。誰知已中
孔明之計不如且退。

再作良圖。於是回軍不追。孔明不折一人。望成都而去。次後川口土人來報

司馬懿說孔明退兵之時未見添兵。只見增竈。懿仰天長嘆曰。孔明效虞詡

之法。瞞過吾也。其謀略吾不如之。遂引大軍還洛陽。正是

棋逢敵手難相勝。將遇良才不敢驕。

未知孔明回到成都畢竟如何。且看下文分解。

第一百一回

出隴上諸葛粧神

奔劍閣張郃中計

或謂武侯粧神作怪。不過爲割麥之計。毋乃爲人所笑。予曰不然。今天下之粧神作怪。

者大抵類此矣。書符遺將。禱雨祈晴。使人羣相尊奉。稱其道法。無他故也。重口食也。燒

丹鍊藥。却老延年。使人轉相傳述。指曰仙翁。無他故也。重口食也。仗錫陞座。講佛談禪。

使人疑爲慧遠再來。生公復出。無他故也。重口食也。歌姬舞妓。盡態極妍。使人疑爲天上飛瓊。山中神女。無他故也。重口食也。翰墨丹青。琴棋諸藝。窮工鬪巧。竭智悉能。使人疑其筆下有神。腕中有鬼。無他故也。重口食也。星卜堪輿。醫方雜術。推吉論凶。知生決死。使人疑其胸羅陰陽。心通造化。無他故也。重口食也。推而準之。比比皆是。何獨笑一武侯哉。

勞師遠征。動以年歲。楊儀請立換班之法。可謂善矣。然使及期而不代。此連稱管至父之所以作亂於齊也。一旦大敵猝臨。新軍未至。不從權則無以應敵。欲從權則又恐失信於我軍。當此之時。將何法以處之乎。而武侯則更有妙術焉。以爲我欲從權而人必以我爲失信。惟我不失信而人乃樂於從權。於是不以驅之戰者督其戰。正以遣之去者鼓其戰。易曰。悅以使民。民忘其勞。悅以犯難。民忘其死。武侯其得此道也。夫君子讀書至此。而嘆糧之爲累大也。民以食爲天。兵亦以食爲天。武侯割隴上之麥。迫於無糧耳。司馬懿之不戰亦曰。糧盡而彼自退耳。郭淮之請斷劍閣又曰。截其糧道。則彼自亂耳。前者苟安之被責而興謗。不過以解糧之過期。今者李嚴之遣書以相欺。亦不過爲運糧之有缺。嗟乎。兵之需餉如此。而餉之艱難又如此。然則將如之何哉。故國

家兵未足。必先足食。食不足。無甯去兵。

嚇司馬懿。則孔明之外。又有孔明。東西南北一人。化作四人。何其多。而幻也。誘張郃。則魏延之外。止有關興。關興之外。止有魏延。輪流轉換。兩人只是兩人。何其少。而窮也。非多。而幻。須嚇司馬懿。不得非少。而窮。亦誘張郃。不得假張飛。兩度撮空。假姜維。一番竊冒。假孔明。四面分身。前後可稱三絕。曾口川中捕一活魚。魚腹浦邊放一生鹿。木門道上。獲一死獐。前後又可稱三絕。

却說孔明用減兵添竈之法。退兵到漢中。司馬懿恐有埋伏。不敢追趕。亦收兵回長安去了。因此罷兵。不曾折了一人。孔明大賞三軍已畢。回到成都。入見後主。奏曰。老臣出了祁山。欲取長安。忽承陛下降詔召回。不知有何大事。後主無言可對。活畫一昏良久。乃曰。朕久不見丞相之面。心甚思慕。故特詔回。別無他事。又來說孔明曰。此非陛下本心。必有奸臣讒譖。言臣有異志也。道著後主聞言默然無語。活畫一庸孔明曰。老臣受先帝厚恩。誓以死報。今若內有奸邪。臣安能討賊乎。後主曰。朕因過聽宦官之言。一時召回丞相。今日茅塞方開。悔之不及矣。活畫一昏孔明遂喚衆宦官。究問方知是苟安流言。急令人捕之。已投魏

國去了。孔明將妄奏的宦官誅戮，餘皆廢出宮外。又深責蔣琬、費禕等，不能覺察奸邪，規諫天子。責彼之穉，尤等之咎。前出師表已言之矣。二人唯唯服罪。孔明拜辭後主，復到漢中。

一面發檄，令李嚴應付糧草，仍運赴軍前。一面再議出師。楊儀曰：「前數興兵，

軍力疲弊，糧又不繼。今不如分兵兩班，以三個月為期。且如二十萬之兵，只

領十萬出祁山，住了三個月，却教這十萬替回循環相轉。若此，則兵力不之

然後徐徐而進，中原可圖矣。輪流更換之法，使兵不苦於遠征。三年破斧之詩，可以勿作矣。孔明曰：「此言正合吾意。吾伐

中原，非一朝一夕之事。正當為此長久之計。死而後已。曷計其年。遂下令分兵兩班，限一百

日為期，循環相轉。所謂及瓜期而代。違限者按軍法處治。建興九年春二月，此處忽點時序，正與後文四月麥熟相應。孔

明復出師伐魏。時魏太和五年也。以上按過蜀漢再敘魏國。魏主曹叅知孔明又伐中原，急召

司馬懿商議。懿曰：「今子丹已亡，臣願竭一人之力，剿除寇賊，以報陛下。賊反以漢為賊賊者。

亦賊之賊也。」漢者亦賊之賊也。叅大喜，設宴待之。次日，人報蜀兵寇急。賊反以伐為寇，猶巡檢為強盜所擄而巡檢呼盜為爺爺，盜罵巡檢為強盜者，其猶此乎。叅即

命司馬懿出師禦敵，親排鑾駕送出城外。司馬懿漸漸與曹操相似。懿辭了魏主，逕到長安大

會諸路人馬，計議破蜀兵之策。張郃曰：「吾願引一軍去守雍、郿，以拒蜀兵。懿

曰：「我前軍不能獨當孔明之衆，而又分兵為前後，非勝算也。不如留兵守上

邦餘衆悉往祁山公肯爲先鋒否懿之資張郃猶真之資王雙郃大喜曰我素懷忠義欲盡心報

國惜未遇知己今都督肯委重任雖萬死不辭說出一死字爲之兆也於是司馬懿令張郃

爲先鋒總督大軍又令郭淮守隴西諸郡其餘衆將各分道而進前軍哨馬

報說孔明率大軍望祁山進發前部先鋒王平張嶷逕出陳倉過劍閣由散

關望斜谷而來蜀兵之來却在魏兵一邊敘出司馬懿謂張郃曰今孔明長驅大進必將割隴西

小麥以資軍糧汝可結營守祁山吾與郭淮巡略天水諸郡以防賊兵割麥

謹防偷麥賊一發以漢爲賊郃領諾遂引四萬兵守祁山懿引大軍望隴西而去以上接過司馬以下再敘武侯却說孔

明兵至祁山此是五出祁山安營已畢見渭濱有魏軍隄備乃謂諸將曰此必是司馬

懿也即今營中乏糧屢遣人催促李嚴運米應付却只是不到預爲李嚴賺武侯伏筆吾料

隴上麥熟可密引兵割之於是留王平張嶷吳班吳懿四將守祁山營孔明

自引姜維魏延等諸將前到鹵城鹵城太守素知孔明慌忙開城出降先聲奪人孔

明撫慰畢問曰此時何處麥熟太守告曰隴上麥已熟孔明乃留張翼馬忠

守鹵城自引諸將并三軍望隴上而來前軍回報說司馬懿引兵在此孔明

驚曰此人預知吾來割麥也亦算是絕糧道即沐浴更衣讀者至此必謂有如拜井出泉故事禱之於天以求食也推過一般三

輛四輪車來。車上皆要一樣粧飾。此車乃孔明在蜀中預先造下的。又是黑油車

下令姜維引一千軍護車。五百軍擂鼓。伏在上邽之後。第二路馬岱在左。魏延在

右。亦各引一千軍護車。五百軍擂鼓。第二路每一輛車用二十四人。皂衣。跣足。

披髮。仗劍。手執七星皂旛。在左右推車。又來三人各受計。引兵推車而去。孔明

又令三萬軍皆執鎌刀。馱繩。伺候割麥。原來粧妖却選二十四個精壯之士。各

穿皂衣。披髮。跣足。仗劍。簇擁四輪車。為推車使者。令關興結束。做天蓬模樣。

是西遊記猪八戒名色。今之打劫東西者往往搽畫頭臉。亦用此法也。

手執七星皂旛。步行於車前。孔明端坐於上。望魏營而

來。哨探軍見之大驚。不知是人是鬼。在衆人眼中寫一火速報知司馬懿。懿自出營

視之。只見孔明簪冠鶴氅。手搖羽扇。端坐於四輪車上。左右二十四人披髮

仗劍。前面一人手執皂旛。隱隱似天神一般。又像七星壇前祭風時形狀。又在司馬懿眼中寫一懿曰。這個

又是孔明作怪也。遂撥二千人馬。分付曰。汝等疾去。連車帶人。盡情都捉來。

魏兵領命。一齊追趕。孔明見魏兵趕來。便教回車。遙望蜀營。緩緩而行。

魏兵皆驟馬追趕。西廂曲云。馬兒慢慢行。車兒緊緊隨。今却是車兒慢慢行。馬兒緊緊隨矣。但見陰風習習。冷霧漫漫。儘力趕

了一程。追之不上。是西遊記孫行者神通。各人大驚。都勒住馬。言曰。奇怪。我等急急趕了三

諸葛禪神司馬又要捉鬼。

十里只見在前追之不上如之奈何孔明見兵不來又令推車過來朝著魏

兵歇下倒好要子魏兵猶豫良久又放馬趕來孔明復回車慢慢而行魏兵又趕

了二十里只見在前不曾趕上竟似海上三神山可望而不可至盡皆癡呆孔明教回過車朝著魏

兵推車倒行倒好要子魏兵又欲追趕後面司馬懿自引一軍到傳令曰孔明善

會八門遁甲能驅六丁六甲之神此乃六甲天書內縮地之法也借司馬懿口中下一註脚衆

軍不可追之衆軍方勒馬回時左勢下戰鼓大震一彪軍馬殺來懿急令兵

拒之只見蜀兵隊裏二十四人披髮仗劍皂衣跣足擁出一輛四輪車車上

端坐孔明簪冠鶴筆手搖羽扇又是一個孔明與前却是兩個孔明作怪之極懿大驚曰方纔那個車上坐著

孔明趕了五十里追之不上如何這裏又有孔明怪哉怪哉不知遁甲天書中可有此等變化言未

畢右勢下戰鼓又鳴一彪軍殺來四輪車上亦坐著一個孔明左右亦有二

十四人皂衣跣足披髮仗劍擁車而來敘法比前變又是一個孔明與前却是三個孔明作怪之極懿心中大疑回顧諸

將曰此必神兵也疑是六丁六甲變的衆軍心下大亂不敢交戰各自奔走正行之際忽然

鼓聲大震又一彪軍殺來當先一輛四輪車孔明端坐於上左右前後推車

使者同前一般又是一個孔明與前却是四個孔明作怪之極○敘法又變魏兵無不駭然司馬懿不知是人是鬼又不

知多少。蜀兵十分驚懼。急急引兵奔入上邽。閉門不出。一個孔明當不起又生出無數孔明。司馬懿真要嚇殺也。此時

孔明早令三萬精兵將隴上小麥割盡。運赴鹵城打曬去了。今人雖有吃食意智。却弄不出這等神通。司

馬懿在上邽城中三日不敢出城。此時夢已醒乾矣。後見蜀兵退去。方敢令軍出哨於路

捉得一蜀兵來。見司馬懿。懿問之。其人告曰。某乃割麥之人。因走失馬匹。被

捉前來。懿曰。前者是何神兵。竟道是神兵。答曰。三路伏兵皆不是。孔明乃姜維馬岱

魏延也。借蜀兵口中計明。每一路只有一千軍護車。五百軍擂鼓。只是先來誘陣的車上

乃孔明也。又註明一句。懿仰天長嘆曰。孔明有神出鬼沒之機。忽報副都督郭淮入

見懿。接入禮畢。淮曰。吾聞蜀兵不多。現在鹵城打麥。可以擊之。懿細言前事。

淮笑曰。只瞞過一時。今已識破。何足道哉。只怕到底識不破。吾引一軍攻其後。公引一軍

攻其前。鹵城可破。孔明可擒矣。懿從之。遂分兵兩路而來。如今不怕鬼了。却說孔明引

軍在鹵城打曬小麥。忽喚諸將聽令曰。今夜敵人必來攻城。吾料鹵城東西

麥田之內。足可伏兵。割了麥去。止剩光田正好屯兵。誰敢爲我一往。姜維魏延馬忠馬岱四將出

曰。某等願往。孔明大喜。乃命姜維魏延各引二千兵。伏東南西北兩處。馬岱

馬忠各引二千兵。伏在西南東北兩處。前是四個孔明。今亦是四面埋伏。只聽砲響四角一齊殺來。

四將受計。引兵去了。孔明自引百餘人，各帶火砲出城，伏在麥田之內等候。却說司馬懿引兵巡到鹵城下，日已昏黑，乃謂諸將曰：「若白日進兵，城中必有準備，今可乘夜晚攻之。」只怕夜裏有鬼此處城低壕淺，可便打破。遂屯兵城外，一更時分，郭淮亦引兵來，兩下合兵，一聲鼓響，把鹵城圍得鐵桶相似。城上萬弩齊發，矢石如雨，魏兵不敢前進。忽然魏軍中，信礮連聲，三軍大驚，又不知何處兵來。先聞砲聲又恐是驅使霍神淮令人去麥田搜時，四角上火光沖天，喊聲大震，四路蜀兵一齊殺至鹵城四門，大開城內兵殺出，裏應外合，大殺了一陣，魏兵死者無數。是破天蓬元帥擊死了司馬懿引敗兵奮死突出重圍，占住了山頭。郭淮亦引敗兵奔到山後紮住。孔明入城，令四將於四角下安營。犄角之勢郭淮告司馬懿曰：「今與蜀兵相持許久，無策可退，目下又被殺了一陣，折傷三千餘人。」折兵之數在郭淮口中補出若不早圖，日後難退矣。懿曰：「當復如何？」淮曰：「可發檄文調雍涼人馬，併力剿殺，吾願引軍襲劍閣，截其歸路，使彼糧草不通。」武侯劍閣上之麥所種在糧郭淮欲截劍閣之路亦所重在糧三軍慌亂，那時乘勢擊之，敵可滅矣。懿從之，即發檄文星夜往雍涼調撥人馬。不一日，大將孫禮引雍涼諸人馬到懿，即令孫禮約會郭淮去襲劍閣。與前之襲街亭一樣算計却說孔明在

鹵城相持日久不見魏兵出戰乃喚馬岱姜維入城聽令曰今魏兵守住山險不與吾戰一者料吾麥盡無糧二者令兵去襲劍閣斷吾糧道也汝二人各引一萬軍先去守住險要魏兵見有準備自盡退去與前之使馬謖王平守街亭一樣算計二人引兵去了長史楊儀入帳告曰向者丞相令大兵一百日一換今已限足漢中兵已出川口前路公文已到只待會兵交換見存八萬軍內四萬該與換班孔明曰既有令便教速行衆軍聞知各各收拾起程軍士思家歸心如箭忽報孫禮引雍涼人馬二十萬來助戰去襲劍閣司馬懿自引兵來攻鹵城了蜀兵無不驚駭欲歸不得楊儀入告孔明曰魏兵來得甚急丞相可將換班軍且留下退敵待新來兵到然後換之楊儀是老實算計孔明曰不可吾用兵命將以信爲本既有令在先豈可失信且蜀兵應去者皆準備歸計其父母妻子倚扉而望吾今便有大難決不留他卽傳令教應去之兵當日便行武侯是巧妙權着實要他去正是着實不要他去也衆軍聞之皆大呼曰丞相如此施恩於衆我等願且不回各捨一命大殺魏兵以報丞相方知武侯幾句撫慰言語賽過一紙催督公文孔明曰爾等該還家豈可復留於此妙在只是打發他去却是不留之留衆軍皆要出戰不願回家越打發他越不肯去孔明曰汝等既要與我出戰可出城安營待魏兵到莫待他息喘便

急攻之。此以逸待勞之法也。

要夫時便再三遺跡不去時便立刻要戰足見機權之妙

衆兵領命各執兵器。懽喜出城。

列陣而待。却說西涼人馬倍道而來。走的人馬困乏。方欲下營歇息。被蜀兵

一擁而進。人人奮勇。將銳兵驍。雍涼兵抵敵不住。望後便退。蜀兵奮力追殺。

殺得那雍涼兵屍橫遍野。血流成渠。

以少勝衆全虧以逸待勞

孔明出城收聚得勝之兵入城。

賞勞。忽報永平李嚴有書告急。孔明大驚。拆封視之。書云。

近聞東吳令人入洛陽。與魏連和。魏令吳取蜀。幸吳尚未起兵。今嚴探知

消息。伏望丞相早作良圖。

孔明覽畢。甚是驚疑。乃聚衆將曰。若東吳興兵寇蜀。吾須急速回也。

試令讀三國者掩卷猜之謂書

中之言真乎假乎若曰真也則洛陽有此消息何不知會司馬懿而今司馬懿一逸曾不聞也

卽傳令教祁山大寨人馬且退回西川。司馬懿知吾

屯軍在此。必不敢追趕。於是王平張嶷吳班吳懿分兵兩路。徐徐退入西川。

去了。張郃見蜀兵退去。恐有計策。不敢來追。乃引兵往見司馬懿曰。今蜀兵

退去。不知何意。懿曰。孔明詭計極多。不可輕動。

驚弓之鳥

不如堅守。待他糧盡。自然

退去。大將魏平出曰。蜀兵拔祁山之營而退。正可乘勢追之。都督按兵不動。

畏蜀如虎。

臥龍亦是臥虎

奈天下笑何。懿堅執不從。却說孔明知祁山兵已回。遂喚楊

儀馬忠入帳授以密計令先引一萬弓弩手去劍閣木門道兩下埋伏若魏

兵追到聽吾砲響急滾下木石先截其去路兩頭一齊射之二人引兵去了

此處授計明白敘出與前卷文法不同又喚魏延關興引兵斷後城上四面遍插旌旗城內亂堆柴草虛

放烟火大兵盡望木門道而去去得并非有條魏營巡哨軍來報司馬懿曰蜀兵大隊

已退但不知城中還有多少兵懿自往視之見城上插旗城中烟起笑曰此

乃空城也令人探之果是空城懿大喜曰孔明已退誰敢追之方知旌旗烟火非拒其道正誘其追也

先鋒張郃曰我願往懿阻曰公性急躁不可去郃曰都督出關之時命吾為先

鋒今日正是立功之際正是效死之日却不用吾何也懿曰蜀兵退去險阻處必有埋

伏須十分仔細方可追之郃曰吾已知得不必挂慮懿曰公自欲去莫要追

悔郃曰大丈夫捨身報國雖萬死無恨說一死字在他口內明道破下文懿曰公既堅執要去可引

五千兵先行却教魏平引二萬馬步兵後行以防埋伏吾却引三千兵隨後

策應寫仲達仔細之極張郃領命引兵火速望前追趕行到三十餘里忽然背後一聲喊

起樹林內閃出一彪軍為首大將橫刀勒馬大叫曰賊將引兵那裏去郃回

頭視之乃魏延也不以無伏兵誘之正以有伏兵誘之郃大怒回馬交鋒不十合延詐敗而走便知伏兵之無用則伏兵不足畏矣

郃又追趕三十餘里。勒馬回顧，全無伏兵。忽間一段無伏兵處，使知伏兵之逼，則伏兵不足畏矣。又策馬前追，方轉

過山坡，忽喊聲大起。一彪軍擁出，為首大將乃關興也。又再以一落伏兵誘之。橫刀勒

馬大叫曰：張郃休走，有吾在此。郃就拍馬交鋒，不十合，關興撥馬便走。使知伏兵之皆無用。

則伏兵又不足畏矣。郃隨後追之，趕到一密林內，郃心疑，令人四下哨探，並無伏兵。再間一段無伏兵處，使知伏兵

又如此之逼，逼則伏兵愈不足畏矣。於是放心，又趕不想魏延却抄在前面，郃又與戰十餘合，延又敗

走。郃奮怒趕來，又被關興抄在前面截住去路。後所見之伏兵，即前所見之伏兵，使知伏兵之更無添換，則伏兵愈不足畏矣。郃大怒

拍馬交鋒，戰不十合，蜀兵盡棄衣甲什物等件，塞滿道路。魏兵皆下馬爭取

以利誘之。延興二將輪流交鋒。省筆法。張郃奮勇追趕，看看天晚，趕到木門道口。魏延撥

回馬高聲大罵曰：張郃逆賊，吾不與汝相拒，汝只顧趕來。吾今與汝決一死

戰。郃十分忿怒，挺槍驟馬直取魏延。延揮刀來迎，戰不十合，延大敗，盡棄衣

甲頭盔匹馬，引敗兵望木門道中而走。如此方纔引得到木門道去。張郃殺的性起，又見魏延大

敗而逃，乃驟馬趕來。此時天色昏黑，一聲砲響，山上火光冲天，大石亂柴滾

將下來，阻截去路。今番着了道兒。郃大驚曰：我中計矣。急回馬時，背後已被木石塞滿

了歸路。中間只有一段空地，兩邊皆是峭壁。郃進退無路，忽一聲梆子響，兩

下萬弩齊發將張郃并百餘個部將皆射死於木門道中。此日之死早在三出祁山伏之後人有詩曰

伏弩齊飛萬點星。木門道上射雄兵。至今劍閣行人過。猶說軍師舊日名。

却說張郃已死。隨後魏兵追到。見塞了道路。已知張郃中計。衆軍勒回馬急

退。讀至此必謂一篇妙文已完。不謂又有一篇妙文在後。忽聽的山頭上大叫曰。諸葛丞相在此。衆軍仰視。只見孔

明立於火光之中。指衆軍而言曰。吾今日圍獵。欲射一馬。司馬誤中一獐。張郃

各人安心而去。上覆仲達。早晚必爲吾所擒矣。木門道射張郃是一篇敘傳。繼以武侯幾句。言語竟是一篇論贊。此段妙文更出意外。魏兵

回見司馬懿。細告前事。懿悲傷不已。仰天嘆曰。張雋義身死。吾之過也。又是幾句論贊

乃收兵回洛陽。魏主聞張郃死。揮淚嘆息。令人收其屍。厚葬之。却說孔明入

漢中。欲歸成都。見後主。都護李嚴奏後主曰。臣已辦備軍糧。行將運赴丞

相軍前。不知丞相何故。忽然班師。兩舌之人。今日多。有毋獨怪李嚴也。後主聞奏。卽命尙書費禕入漢

中。見孔明。問班師之故。禕至漢中。宣後主之意。孔明大驚曰。李嚴發書告急。

說東吳將興兵寇川。因此回師。費禕曰。李嚴奏稱軍糧已辦。丞相無故回師。

天子因此命某來問耳。孔明大怒。令人訪察。乃是李嚴因軍糧不濟。怕丞相

見罪。故發書取回。却又妄奏天子。遮飾已過。此處方纔敘明孔明大怒曰：匹夫爲一己

之故。廢國家大事。令人召至。欲斬之。費禕勸曰：丞相念先帝託孤之意。姑且

寬恕。照應八十回中事孔明從之。費禕卽具表啓奏後主。後主覽表。勃然大怒。叱武士推

出李嚴。斬之。參軍蔣琬出班奏曰：李嚴乃先帝託孤之臣。先主能知馬謖而不能知李嚴。可知見人之難。乞望

恩寬恕。後主從之。卽謫爲庶人。徙於梓潼郡閒住。孔明回到成都。用李嚴子

李豐爲長史。黜其父而用其子。是孔明無存心處。積草屯糧。講陣論武。整治軍器。存恤將士。三年然後

出征。兩川人民軍士皆仰其恩德。光陰荏苒。不覺三年。時建興十三年春二

月。孔明入朝奏曰：臣今存恤軍士。已經三年。日月近矣。識不我與。糧草豐足。軍器完備。

人馬雄壯。可以伐魏。今番若不掃清奸黨。恢復中原。誓不見陛下也。已爲五丈原之讖。○武侯此行

果然不復見後主矣。讀書至此爲之一哭。後主曰：方今已成鼎足之勢。吳魏不曾入寇。相父何不安享太平。

孔明曰：臣受先帝知遇之恩。夢寐之間。未嘗不設伐魏之策。竭力盡忠。爲陛

下克復中原。重興漢室。臣之願也。言未已。班部中一人出曰：丞相不可興兵。

衆視之。乃譙周也。正是

武侯盡瘁惟憂國。太史知機又論天。

未知譙周有何議論且看下文分解

第一百二回

司馬懿占北原渭橋

諸葛亮造木牛流馬

觀武侯渭橋之敗而益信魏延子午谷之計非善計也武侯不能必魏人之不防渭橋魏延安能必魏人之不防子午谷哉且燒渭橋而不克則一敗猶可以復勝若使出子午谷而不遂則一敗將不可復勝故武侯甯爲渭橋之偶有一失而必不爲子午谷之僥倖於一得耳

司馬懿之使鄭文爲內應猶孟獲之使孟優爲內應也而孟優未嘗殺一人以取孔明之信鄭文則自殺一將以取孔明之信是司馬懿之謀巧於孟獲也孔明欲賺司馬懿而止賺一秦朗猶姜維之欲賺曹真而止殺一費耀也乃姜維則以我獻書而使彼中我之計孔明卽以彼獻書而使彼自中彼之計是孔明之謀巧於姜維也兩巧相對而尤巧者勝焉真令讀者驚心悅目

平蠻之時曾用木獸矣而驅兵之木獸止用於一時運糧之木獸可用之永久則後之獸更奇於前之獸也割麥之時嘗糝神將矣而隴上之神將使人背地割麥渭濱之神將妙在當面奪糧是後之將更奇於前之將也以木爲獸能使之活以人爲兵能使之

神。却。不。止。一。番。偏。用。兩。番。又。各。各。驚。人。各。各。出。色。若。在。稗。官。捏。造。不。足。爲。怪。而。此。獨。爲。正。史。中。之。所。實。有。者。豈。非。造。物。奇。觀。

天下事有我能爲之人亦能學之者矣而學之者終不如爲之者能知其變則學者不如爲者之智也且爲之者能使學之者之適爲我用則學者反受爲者之愚也武侯木牛流馬不但不禁人學正欲使人學而人乃至於不敢學妙哉技至此乎

却說譙周官居太史頗明天文見孔明又欲出師乃奏後主曰臣今職掌司天臺但有禍福不可不奏近有羣鳥數萬自南飛來投於漢水而死此不祥之兆鳥獸之變臣又觀天象見奎星纏於太白之分盛氣在北不利伐魏在辰之變又成都

人民皆聞柏樹夜哭草木之變○梁木其壞正應武侯之死有此數般災異丞相只宜謹守不可妄動孔

明日吾受先帝託孤之重當竭力討賊豈可以虛妄之妖氛而廢國家大事耶遂命有司設太牢祭於昭烈之廟武侯此去便與昭烈之廟永別讀書至此爲之一哭涕泣拜告曰臣亮五出

祁山未得寸土負罪非輕今臣復統全部再出祁山誓竭力盡心剿滅漢賊

恢復中原鞠躬盡瘁死而後已皆後主之言即以前先帝祭畢拜辭後主星夜至漢中聚集諸

將商議出師忽報關興病亡孔明放聲大哭昏倒於地半晌方甦與哭張苞彷彿然一在將臨一在暫出又

各不同衆將再三勸解孔明嘆曰可憐忠義之人天不與以壽我今番出師又少

一員大將也後人有詩嘆曰

生死人常理 蜉蝣一樣空 但存忠孝節 何必壽喬松

孔明引蜀兵三四十萬分五路而進令姜維魏延爲先鋒皆出祁山取齊令

李恢先運糧草於斜谷道口伺候以下按過武侯一邊再敘魏國一處却說魏國因舊歲有青龍自摩

坡井內而出改爲青龍元年青龍見御座早爲此日改元之兆此時乃青龍二年春二月也近臣奏

曰邊官飛報蜀兵三十餘萬分五路復出祁山魏主曹叅大驚急召司馬懿

至謂曰蜀人三年不曾入寇今諸葛亮又出祁山如之奈何懿奏曰臣夜觀

天象見中原旺氣正盛奎星犯太白不利於西川與譙周之言相應今孔明自負才智逆

天而行乃自取敗亡也臣託陛下洪福當往破之臣願保四人同去叅曰卿

保何人懿曰夏侯淵有四子長名霸字仲權次名威字季權三名惠字雅權

四名和字義權霸威二人弓馬熟嫻惠和二人諳知韜略此四人常欲爲父

報仇臣今保夏侯霸夏侯威爲左右先鋒夏侯惠夏侯和爲行軍司馬共贊

軍機以退蜀兵前所薦郭昭張郃已死今又引出四人來叅曰向者夏侯楸駙馬違誤軍機失陷了許多人

馬至今羞慚不回。

照應武侯初出祁山時事

今此四人亦與楸同否。懿曰：此四人非楸之比也。

此夏侯非彼夏侯。若但以宗室親黨薄之。此子建所以有求自試之表也。

叡乃從其請。即命司馬懿為大都督。凡將士悉聽量才委

用。各處兵馬皆聽調遣。懿受命辭朝出城。叡又以手詔賜懿曰：

卿到渭濱。宜堅壁固守。勿與交鋒。蜀兵不得志。必詐退誘敵。卿慎勿追。待

彼糧盡。必將自走。然後乘虛攻之。則取勝不難。亦免軍馬疲勞之苦。計莫

善於此也。

此詔出於司馬懿之意。乃密命天子賜之耳。恐諸將欲戰故也。

司馬懿頓首受詔。即日到長安。聚集各處軍馬。共四十萬。皆來渭濱下寨。又

撥五萬軍。於渭水上搭起九座浮橋。令先鋒夏侯霸、夏侯威過渭水安營。又

於大營之後。東原築起一城。以防不虞。築城便是欲守不欲戰之意。懿正與眾將商議間。忽報郭

淮孫禮來見。懿迎入禮畢。淮曰：今蜀兵現在祁山。倘跨渭登原。接連北山。阻

絕隴道。大可虞也。懿曰：所言甚善。公可就總督隴西軍馬。據北原下寨。深溝

高壘。按兵休動。只待彼兵糧盡。方可攻之。即曹叡手語中語。郭淮孫禮領命。引兵下寨去

了。却說孔明復出祁山。此是六出祁山。下五個大寨。按左右中前後自斜谷直至劍閣。

一連又下十四個大寨。分屯軍馬。以為久計。已有不欲復返之勢。每日令人巡哨。忽報郭淮

孫禮領隴西之兵於北原下寨。孔明謂諸將曰：魏兵於北原安營者，懼吾取此路阻絕隴道也。吾今虛攻北原，却暗取渭濱，令人紮木筏百餘隻，上載草把，選慣熟水手五千人，駕之我黃夜，只攻北原。司馬懿必引兵來救，彼若少敗，我把後軍先渡過岸去，然後把前軍下於筏中，休要上岸。順水取浮橋，放火燒斷，以攻其後。吾自引一軍去取前營之門。若得渭水之南，則進兵不難矣。

武侯此算亦是妙着，但恨爲司馬懿猜破耳。

諸將遵令而行。早有巡哨軍飛報司馬懿，懿喚諸將議曰：孔

明如此設施，其中必有計，彼以取北原爲名，順水來燒浮橋，亂吾後，却攻吾前也。

以前往往只猜得一半，此却被他全猜着。

卽傳令與夏侯霸、夏侯威曰：若聽得北原發喊，便提兵於渭

水南岸之中，待蜀兵至擊之。

先遣一路兵，是防渭濱。

又令張虎、樂琳引二千弓弩手伏於淮

水浮橋北岸。若蜀兵乘木筏順水而來，可一齊射之，休令近橋。

又遣一路兵，又是防渭濱。

又傳

令郭淮、孫禮曰：孔明來北原，暗渡渭水，汝新立之營，人馬不多，可盡伏於半

路。若蜀兵午後渡水，黃昏時分，必來攻汝。汝詐敗而走，蜀兵必追汝等，皆以

弓弩射之。吾水陸並進，若蜀兵大至，只看吾指揮擊之。

第三路兵方，是防北原。

各處下令已

畢。又令二子司馬師、司馬昭引兵救應前營。

第四將又，是防渭濱。

懿自引一軍救北原。

第五路又，是防北原。

却說孔明令魏延馬岱引兵渡渭水攻北原。孔明第一路兵是攻北原令吳班吳懿引木筏兵

去燒浮橋。第二路燒浮橋令王平張嶷爲前隊。姜維馬忠爲中隊。廖化張翼爲後隊。分

兵三路去攻渭水旱營。此三路俱取渭濱是日午時人馬離大寨盡渡渭水。列成陣勢。緩

緩而行。却說魏延馬岱將近北原。天色已昏。先寫第一路蜀兵孫禮哨見便棄營而走。魏

延知有準備。急退軍時。四下喊聲大震。左有司馬懿。右有郭淮。兩路兵殺來。

兩路魏兵於此出現魏延馬岱奮力殺出。蜀兵多半落於水中。餘衆奔逃無路。幸得吳懿兵

殺來。救了敗兵。過岸拒住。吳班分一半兵撐筏順水來燒浮橋。再寫第二路蜀兵却被張

虎樂琳在岸上亂箭射住。又一路魏兵於此出現吳班中箭落水而死。吳班死了餘軍跳水逃命。木

筏盡被魏兵奪去。此時王平張嶷不知北原兵敗。直奔到魏營。又寫第三路蜀兵已有二

更天氣。只聽得喊聲四起。王平謂張嶷曰。馬軍攻打北原。未知勝負。渭南之

寨現在面前。如何不見一個魏兵。莫非司馬懿知道了。先作準備也。我等且

看浮橋火起方可進兵。王平比衆人又加把細二人勒住軍馬。忽背後一騎馬來。報說丞相

教軍馬急回北原。兵浮橋俱失了。姜維馬忠廖化張翼兩路兵已在取固之內故不復實寫用筆妙甚王平張嶷大驚。急退

軍時。却被魏兵抄在背後。一聲砲響。一齊殺來。火光冲天。此司馬師司馬昭更侯嗣更侯懿也妙在不實寫其人但虛寫其兵令讀

者自王平張嶷引兵相迎兩軍混戰一場平嶷二人奮力殺出蜀兵折傷大半

孔明回到祁山大寨收聚殘兵約折萬餘人心中憂悶

街亭之失失在馬謖洩橋之敗敗由武侯勝敗之不可料如此用兵者可不臨

事而忽報費禕自成都來見丞相孔明請入費禕禮畢孔明曰吾有一書正欲

煩公去東吳投遞不知肯去否禕曰丞相之命豈敢推辭孔明即修書付費

禕去了禕持書逕到建業入見吳主孫權呈上孔明之書權拆視之書略曰

漢室不幸王綱失紀曹賊篡逆蔓延及今亮受昭烈皇帝寄託之重敢不

竭力盡心今大兵已會於祁山狂寇將亡於渭水伏望陛下念同盟之義

命將北征共取中原同分天下書不盡言萬希聖聽

權覽畢大喜乃謂費禕曰朕久欲興兵未得會合孔明今既有書到即日朕

自親征入居巢門取魏新城再令陸遜諸葛瑾等屯兵於江夏沔口取襄陽

孫韶張承等出兵廣陵取淮陽等處三處一齊進軍共三十萬尅日興師

讀者至此

一快費禕拜謝曰誠如此則中原不日自破矣權設宴款待費禕飲宴間權問

曰丞相軍前用誰當先破敵禕曰魏延爲首權笑曰此人勇有餘而心不正

若一朝無孔明彼必爲禍孔明豈未知耶

趙咨解其智良然良然

禕曰陛下之言極當臣今

歸去。卽當以此言告孔明。遂拜辭孫權。回到祁山。見了孔明。具言吳主起大兵三十萬。御駕親征。兵分三路而進。孔明又問曰。吳主別有所言否。費禕將論魏延之語告之。孔明嘆曰。真聰明之主也。吾非不知此人。爲惜其勇。故用之耳。禕曰。丞相早宜區處。孔明曰。吾自有法。早爲授計。馬岱伏筆。禕辭別孔明。自回成都。孔明正與諸將商議征進。忽報有魏將來投降。孔明喚入問之。答曰。某乃魏國偏將軍鄭文也。近與秦朗同領人馬。聽司馬懿調用。不料懿徇私。偏向秦朗。爲前將軍。而視文如草芥。因此不平。特來投降。丞相願賜收錄。言未已。人報秦朗引兵在寨外。單搦鄭文交戰。秦朗來得快。明明是個。孔明曰。此人武藝比汝若何。鄭文曰。某當立斬之。孔明曰。汝若先斬秦朗。吾方不疑。鄭文欣然上馬出營。與秦朗交鋒。孔明親自出營視之。只見秦朗挺槍大罵曰。反賊盜我戰馬。來此可早早還我。不責其反。但索其馬。明明是假。言訖。直取鄭文。文拍馬舞刀相迎。只一合。斬秦朗於馬下。如此斬得快。又明明是假。魏軍各自逃走。鄭文提首級入營。孔明回到帳中。坐定。喚鄭文至。勃然大怒。叱左右推出斬之。妙。鄭文曰。小將無罪。孔明曰。吾向識秦朗。汝今斬者。並非秦朗。安敢欺我。武侯實未嘗識。秦朗哄騙得妙。文拜告曰。此實秦朗之弟秦明也。一冒便說。然秦朗不

是秦朗秦明亦不是秦明還有一半是假

孔明笑曰司馬懿令汝來詐降於中取事却如何瞞得我過若不

實說必然斬汝

妙奇

鄭文只得訴告其實是詐降泣求免死一冒又一嚇只得盡情說出孔明曰汝

欲求生可修書一封教司馬懿自來劫營

司馬懿先教鄭文斬一魏將以取信於孔明則必不料此書之詐也

吾便饒汝性命

若捉住司馬懿便是汝之功還當重用鄭文只得寫了一書呈與孔明孔明

令將鄭文監下樊建問曰丞相何以知此人詐降孔明曰司馬懿不輕用人

若加秦朗爲前將軍必武藝高强今與鄭文交馬只一合便爲文所殺必不

是秦朗也以故知其詐說曾識秦朗亦是武侯之詐衆皆拜服孔明選一舌辨軍士附耳分付如

此如此軍士領命持書逕來魏寨求見司馬懿懿喚入拆書看畢問曰汝何

人他答曰某乃中原人流落蜀中鄭文與某同鄉

秦朗既有兄弟鄭文如何沒有同鄉

今孔明因鄭文

有功用爲先鋒鄭文特託某來獻書約於明日晚間舉火爲號望乞都督親

提大軍前來劫寨鄭文在內爲應

此皆孔明附耳分付之語

司馬懿反覆詰問又將來書仔細

檢看果然是實

書中筆跡果然是實

卽賜軍士酒食分付曰本日二更爲期我自來劫寨大

事若成必重用汝軍士拜別回到本寨告知孔明孔明仗劍步罡禱祝已畢

又來作怪喚王平張嶷分付如此如此又喚馬忠馬岱分付如此如此又喚魏延分

付如此如此。此處不先敘明只用虛筆妙孔明自引數十人坐於高山之上指揮衆軍却說司馬

懿見了鄭文之書便欲引二子提大兵來劫蜀寨長子司馬師諫曰父親何

故據片紙而親入重地倘有疎虞如之奈何不如令別將先去父親為後應

可也。懿之不死賴有此兒懿從之遂令秦朗引一萬兵去劫蜀寨。真秦朗來了懿自引兵接應是夜

初更風清月朗。先寫風月反襯下文將及二更時分忽然陰雲四合黑氣漫空對面不見。此從仗劍

步罡中來令讀者自知懿大喜曰天使我成功也於是人盡銜枚馬皆勒口長驅大進秦朗

當先引一萬兵直殺入蜀寨中並不見一人朗知中計忙叫退兵四下火把

齊明喊聲震地左有王平張嶷右有馬岱馬忠兩路兵殺來。如此如此原來如此秦朗死戰

不能得出背後司馬懿見蜀寨火光冲天喊聲不絕又不知魏兵勝負只顧

催兵接應望火光中殺來忽然一聲喊起鼓角喧天火礮震地左有魏延右

有姜維兩路殺出。如此如此又原來如此魏兵大敗十傷八九四散逃奔此時秦朗所引一

萬兵都被蜀兵圍住箭如飛蝗秦朗死於亂軍之中。是司馬懿替死鬼○假秦朗之死瞞不得孔明真秦朗之死却替了仲達司馬

懿引敗兵奔入本寨三更以後天復清朗。神奇之極孔明在山頭上鳴金收軍原來

二更時陰雲暗黑乃孔明用遁甲之法後收兵已了天復清朗乃孔明驅六

丁六甲掃蕩浮雲也。

補註明白○如此作法不會殺得司馬懿只算小題大做

當下孔明得勝回寨命將鄭文斬了。

寫書後不

即斬至得勝後方斬大有針線

再議取渭南之策每日令兵搦戰魏軍只不出迎孔明自乘小車來

祁山前渭水東西踏看地理忽到一谷口見其形如葫蘆之狀內中可容千

餘人兩山又合一谷可容四五百人背後兩山環抱只可通一人一騎。

與征蠻時盤蛇

谷相彷彿孔明看了心中大喜問鄉導官曰此處是何地名答曰此名上方谷又號

葫蘆谷孔明回到帳中喚裨將杜叡胡忠二人附耳授以密計令喚集隨軍

匠作一千餘人入葫蘆谷中製造木牛流馬應用。

前征蠻時所用木獸早為此時木牛流馬作一引子

又令馬岱領

五百兵守住谷口孔明囑馬岱曰匠作人等不許放出外人不許放入吾還

不時自來點視提司馬懿之計只在此舉切不可走漏消息。

為後卷伏線

馬岱受命

而去杜叡等二人在谷中監督匠作依法製造孔明每日往來指示忽一日

長史楊儀入告曰即今糧米皆在劍閣人夫牛馬搬運不便如之奈何。

不用孔明分付楊儀

先寫楊儀來稟孔明圖符處用逆不用順絕妙筆法孔明笑曰吾已運謀多時也前者所積木料并西川收買下的

大木教人製造木牛流馬搬運糧米甚是便利牛馬皆不水食可以搬運晝

夜不絕。

今有人要便宜者諛譏之云又要馬兒不吃草又要馬兒走得可惜其未得傳孔明之法也

衆皆驚曰自古及今未聞有木牛流馬之事。

不知丞相有何妙法。造此奇物。孔明曰。吾已令人依法製造。尙未完備。吾今先將造木牛流馬之法。尺寸方圓長短闊狹。開寫明白。汝等視之。衆大喜。孔明卽手書一紙。付衆觀看。衆將環遶而視。其造木牛之法云。

方腹曲脰。一腹四足。頭入領中。舌着於腹。載多而行少。獨行者數十里。羣行者三十里。曲者爲牛頭。雙者爲牛足。橫者爲牛領。轉者爲牛脚。覆者爲牛背。方者爲牛腹。垂者爲牛舌。曲者爲牛肋。刻者爲牛齒。立者爲牛角。細者爲牛鞅。攝者爲牛鞵。軸。牛御雙轅。人行六尺。牛行四步。人不大勞。牛不飲食。

造流馬之法云。

肋長三尺五寸。廣三寸。厚二寸五分。左右同。前軸孔分墨去頭四寸。徑中二寸。前脚孔分墨去頭四寸五分。長一寸五分。廣一寸。前杠孔去前脚孔分墨二寸七分。孔長二寸。廣一寸。後軸孔去前杠孔分墨一尺五寸。大小與前同。後杠孔去後脚孔分墨一寸二分。後杠孔分墨四寸五分。前杠長一尺八寸。廣二寸。厚一寸五分。後杠與等。板方囊二枚。厚八分。長二尺七

寸高一尺六寸五分。廣一尺六寸。每枚受米二斛三斗。從上杠孔去肋下七寸。前後同上。杠孔去下杠孔分墨一尺三寸。孔長一寸五分。廣七分。八孔同。前後四脚廣二寸。厚一寸五分。形制如象鞞。長四寸。徑面四寸三分。孔徑中三脚。杠長二尺一寸。廣一寸五分。厚一寸四分。

衆將看了一遍。皆拜服曰。丞相真神人也。若非神人安能驅使草木過了數日。木牛流馬皆造

完備。宛然如活者一般。上山下嶺。各盡其便。不惟省力亦好耍子衆軍見之。無不欣喜。孔明令右將軍高翔引一千兵。駕着木牛流馬。自劍閣直抵祁山大寨。往來搬運糧草。供給蜀兵之用。後人有詩讚曰。

劍閣險峻。驅流馬斜谷崎嶇。駕木牛後世若能行此法。輸將安得使人愁。却說司馬懿正憂悶間。忽哨馬報說。蜀兵用木牛流馬轉運糧米。人不大勞。牛馬不食。懿大驚曰。吾所以堅守不出者。爲彼糧草不能接濟。欲待其自斃耳。今用此法。必爲久遠之計。不思退矣。如之奈何。畏蜀如虎虎可畏牛馬更可畏急喚張虎樂琳二人。分付曰。汝二人各引五百軍。從斜谷小路抄出。待蜀兵驅過木牛流馬。任他過盡。一齊殺出。不可多搶。只搶三五匹便回。偷石人石馬者是笨賊搶木牛流馬者是巧賊二人依令各

引五百軍扮作蜀兵。夜間偷過小路，伏在谷中。果見高翔引兵驅木牛流馬而來。將次過盡兩邊，一齊鼓噪殺出。蜀兵措手不及，棄下數匹。張虎樂琳歡

喜驅回本寨。

爰嘆其蜀人之憂爾牛來思魏人之喜

司馬懿看了，果然進退如活的一般。乃大喜曰：汝

會用此法，難道我不會用，便令巧匠百餘人當面拆開，分付依其尺寸長短

厚薄之法，一樣製造木牛流馬。

司馬懿善抄別人文字，然依樣畫葫蘆，究竟未盡知文字中之妙也。

不消半月，造成二千餘隻。

與孔明所造者一般。法則亦能奔走，遂令鎮遠將軍岑威引一千軍驅駕木

牛流馬去隴西搬運糧草，往來不絕。

抄得快用得極極似今之讀時文秀才。

魏營軍將無不歡喜。却說高

翔回見孔明，說魏兵搶奪木牛流馬各五六匹去了。孔明笑曰：吾正要他搶

去，我只費了幾匹木牛流馬，却不久便得軍中許多資助也。

故意使他抄我文字，却是替我做了文字妙術。

諸

將問曰：丞相何以知之？孔明曰：司馬懿見了木牛流馬，必然做我法度一樣

製造。那時我又有一計策。

妙者不即說明。

數日後，人報魏兵也會造木牛流馬，往隴西搬

運糧草。孔明大喜曰：不出吾之算也。便喚王平分付曰：汝引一千兵扮作魏

人，星夜偷過北原，只說是巡糧軍，混入彼運糧軍中，將護糧之人盡皆殺散。

却驅木牛流馬而回，逕奔過北原來。此處必有魏兵追趕，汝便將木牛流馬

口內舌頭扭轉牛馬就不能行動。前但說得造法不會說得用法前但說得行法不會說得止法却在此處補出汝等竟棄之而走背

後魏兵趕到牽拽不動扛擡不去吾再有兵到汝却回身再將牛馬舌扭過

來長驅大行魏兵必疑爲怪也。真正王平受計引兵而去孔明又喚張嶷分付

曰汝引五百軍都扮作六丁六甲神兵鬼頭獸身用五綵塗面粧作種種怪

異之狀一手執繡旗一手仗寶劍身挂葫蘆內藏烟火之物伏於山旁待木

牛流馬到時放起烟火一齊擁出驅牛馬而行。比前番割麥時倍覺聲勢如此用兵倒好耍子魏人見之必疑

是神馬不敢來追趕張嶷受計引兵而去孔明又喚魏延姜維分付曰汝二

人同引一萬兵去北原寨口接應木牛流馬以防交戰又喚廖化張翼分付

曰汝二人引五千兵去斷司馬懿來路又喚馬忠馬岱分付曰汝二人引二

千兵去渭南搦戰。先遣一隊天將後遣三隊人兵六人各各遵令而去且說魏將岑威引軍驅木

牛流馬裝載糧米正行之間忽報前面有兵巡糧岑威令人哨探果是魏兵

人且可以疑神蜀何不可辨魏遂放心前進兩軍合在一處忽然喊聲大震蜀兵就本隊裏殺起大

呼蜀中大將王平在此魏兵措手不及被蜀兵殺死大半岑威引敗兵抵敵

被王平一刀斬了餘皆潰散王平引兵盡驅木牛流馬而回。司馬懿用別人文字却倒被別人用了去敗

兵飛奔報入北原寨內。郭淮聞軍糧被劫，疾忙引軍來救。王平令兵扭轉木牛流馬舌頭，俱棄於道中。且戰且走。郭淮教且莫追，只驅回木牛流馬。衆軍一齊驅趕，却那裏驅得動。此時却似盜石人石馬矣郭淮心中疑惑，正無奈，忽鼓角喧天，喊聲四起。兩路兵殺來，乃魏延、姜維也。王平復引兵殺回，三路夾攻。郭淮大敗而走。王平令軍士將牛馬舌頭重復扭轉驅趕而行。司馬懿但能學文不能學舌郭淮望見方欲回兵再追，只見山後烟雲突起，一隊神兵擁出一個個手執旗劍，怪異之狀擁護木牛流馬如風擁而去。鬼神作怪只爲搶糧之用與前卷天蓬元帥正是一般郭淮大驚曰：「此必神助也。」衆軍見了，無不驚畏，不敢追趕。却說司馬懿聞北原兵敗，急自引軍來救。方到半路，忽一聲砲響，兩路兵自險峻處殺出，喊聲震地。旗上大書「漢將張翼」，廖化司馬懿見了，大驚。魏軍着慌，各自逃竄。正是：

路逢神將糧遭劫，身遇奇兵命又危。

未知究竟若何，且看下文分解。

第一百三回

上方谷司馬受困

五丈原諸葛禳星

一出祁山之前，有魏侵吳，吳破魏之事。六出祁山之時，又有吳侵魏，魏破吳之事。猶是

吳也。禦魏則勝。攻魏則不勝。何也。曰。無討賊之志也。魏之侵吳。司馬懿在焉。乃曹休一敗。而司馬懿引歸。爲慮武侯之將伐魏也。吳之侵魏。陸遜在焉。乃諸葛瑾一敗。而陸遜亦引歸。此豈亦慮武侯之將伐吳乎。本無所慮。而一敗輒退。使武侯之倚賴於吳者。竟成畫餅。悲夫。

武侯一生用火攻者凡五。有燒之而不必殺之者。如博望之燒。不必殺夏侯惇。新野之燒。不必殺曹仁。赤壁之燒。不必殺曹操。是也有燒之而必欲殺之者。如盤蛇谷之燒。必欲殺藤甲兵。上方谷之燒。必欲殺司馬懿。是也。乃不欲殺之。則果無一人之見殺。必欲殺之。則獨有一事之不同。何也。人曰。天之助魏。予曰。非天之助魏。而天之助晉也。天爲助晉而雨。則不惟不助魏。乃正所以滅魏與。

或謂武侯知曹操之不死。而特使關公釋之。知陸遜之不死。而特使黃承彥救之。若獨於司馬氏三人而不能預知其不死。是不智也。知其不死。而必欲置之於死。是逆天也。予曰。不然。華容之役。不遣別將。或以爲孔明咎矣。魚腹之役。不報獠亭。或又以爲孔明咎矣。以爲人之縱之。而非天之縱之也。惟至於上方谷之事。而殫慮竭能。盡其人力。然而人不縱之。而天終縱之。夫然後天下後世不得以謀事之不忠。咎武侯。而武侯亦得。

告無憾於先帝耳。

因糧於敵之計善矣。而敵之糧不可常恃。則因糧不若運糧之善也。木牛流馬之轉輸善矣。而我之糧又未可常繼。則運糧又不若屯田之善也。屯田而轉餉不勞。蜀之兵便而蜀之民亦便矣。三分其田而軍屯其一。民屯其二。兵不妨民。民不苦兵。不獨蜀之民便。而魏之民亦便矣。後之有事於遠征者。武侯屯田渭濱之法。其何可以不講乎。

司馬懿尅日而擒孟達。未嘗受詔於曹丕。受巾幗而不戰。何獨受詔於曹叅。知其軍中請詔之詐。而臨行所受之詔亦必其密啓之。魏主而求其賜之者也。爲將之道。貴於隨機應變。便宜行事。豈有旣出師以後。而爲將者復以欲戰之謀。千里而請命者哉。則又豈有未出師以前。而爲上者。主一不戰之說。先期而預定者哉。由其後之非真。益可悟其前之是假。

詩之刺尹氏者曰。誰秉國鈞。不自爲政。蓋言大臣誤天子。而大臣所用者。誤大臣也。武侯之自校簿書。殆鑒諸此矣。託馬謖而馬謖失之。釋苟安而苟安負之。任李嚴而李嚴又背之。其猶敢以弗躬弗親。而取咎與。故處陳平丙吉之世。可以不爲武侯。而當武侯之時。不得復爲陳平丙吉。

天下豈有壽而可借者哉。若壽而可借，則死亦可詛也。武侯祝之，仲達何必不詛之。武侯自祝之，何不取仲達而詛之也。天下豈有星而可救者哉。若星可救，則雨亦可止也。風將借之，雨獨不能止之。陳倉之雨，既知之而預備之，上方谷之雨，何以不知之而勿燒之也。然則武侯之祝壽而禳星者，毋乃愚乎。曰：武侯非爲己請命，而爲漢請命耳。忠臣之事君如孝子之事父母，知其親之將殞而不復爲之求醫，不復爲之問卜者，必非人情。然則武侯之披髮步罡與金滕之秉圭植一璧而已矣。

却說司馬懿被張翼廖化一陣殺敗，匹馬單槍，望密林間而走。張翼收住後軍，廖化當先追趕，看看趕上，懿著慌，遶樹而轉，化一刀砍去，正砍在樹上，及拔出刀時，懿已走出林外。與馬超追曹操相似廖化隨後趕出，却不知去向，但見樹林之東，落下金盃一個，廖化取盃，捎在馬上，一直望東追趕。原來司馬懿把金盃棄於林東，却反向西走去了。與孫堅之棄赤帔相似廖化追了一程，不見蹤跡，奔出谷口，遇見姜維。同回寨見孔明，張嶷早驅木牛流馬到寨，交割已畢，獲糧萬餘石。廖化獻上金盃，錄爲頭功。懿延心中不悅，口出怨言。孔明只做不知。又爲後文伏筆且說司馬懿逃回寨中心甚惱悶，忽使命賈詡至，言東吳三路入寇，朝廷正議命將

抵敵令懿等堅守勿戰。此則是魏主之詔矣然亦可馬懿救之於前也懿受命已畢深溝高壘堅守不出。以下接遜西蜀再敘

吳却說曹叡聞孫權分兵三路而來亦起兵三路迎之命劉劭兵引救江夏

田豫引兵救襄陽叡自與滿寵率大軍救合淝滿寵先引一軍至巢湖口望

見東岸戰船無數旌旗整肅寵入軍中奏魏主曰吳人必輕我遠來未曾防

備今夜可乘虛劫其水寨必得全勝。此寫魏將用計三路中只寫一路魏主曰汝言正合朕意即令

驍將張球領五千兵各帶火具從湖口攻之滿寵引兵五千從東岸攻之是

夜二更時分張球滿寵各引軍悄悄望湖口進發將近水寨一齊吶喊殺入

吳兵慌亂不戰而走被魏軍四下舉火燒燬戰船糧草器具不計其數。吳人兩次以火攻勝

魏今却反孫魏所燒何其德也諸葛瑾率敗兵逃走沔口魏兵大勝而回次日哨軍報知陸遜遜集

諸將議曰吾當作表申奏主上請撤新城之圍以兵斷魏軍歸路吾率眾攻

其前彼首尾不敵一鼓可破也。此寫吳將用計三路中只寫兩路眾服其言陸遜即具表遣一小校

密地齎往新城小校領命齎著表文行至渡口不期被魏兵伏路的捉住解

赴軍中見魏主曹叡叡搜出陸遜表文覽畢嘆曰東吳陸遜真妙算也遂命

將吳卒監下令劉劭謹防孫權後兵。魏將用計而吳人不知吳將用計而魏人知備亦天意也却說諸葛瑾大敗一陣

又值暑天。人馬多生疾病。乃修書一封。令人轉達陸遜。議欲撤兵還國。遜看書畢。謂來人曰。拜上將軍。吾自有主意。使者回報諸葛瑾。瑾問陸將軍作何舉動。使者曰。但見陸將軍催督衆人於營外種荳菽。自與諸將在轅門射戲。從容不迫。頗有名士風流。然不似他人之燕雀處堂也。

瑾

大驚。親自往陸遜營中與遜相見。問曰。今曹叡親來。兵勢

甚盛。都督何以禦之。遜曰。吾前遣人奏表於主上。不料爲敵人所獲。機謀既洩。彼必知備與戰無益。不如且退。已差人奉表約主上。緩緩退兵矣。

前上表用實寫後上表用虛寫

瑾曰。都督既有此意。卽宜速退。何又遲延。遜曰。吾軍欲退。當徐徐而動。今若便退。魏人必乘勢追趕。此取敗之道也。足下宜先督船隻。詐爲拒敵之意。吾

悉以人馬向襄陽而進。爲疑敵之計。然後徐徐退歸江東。魏兵自不敢近耳。

與武侯焚香操琴一樣意思

瑾依其計。辭遜歸本營。整頓船隻。預備起行。陸遜整肅部伍。張揚聲

勢。望襄陽進發。

以進爲退是爲善退

早有細作報知魏主。說吳兵已動。須用隄防。魏將聞之。

皆要出戰。魏主素知陸遜之才。諭衆將曰。陸遜有謀。莫非用誘敵之計。不可

輕動。衆將乃止。數日後。哨卒來報。東吳三路兵馬皆退矣。魏主未信。再令人

探之。回報果然盡退。魏主曰。陸遜用兵。不亞孫吳。東南未可平也。

善進爲能善退亦爲能

因

敕諸將各守險要。自引大軍屯合淝。以伺其變。

以下接過吳魏再敘武侯

却說孔明在祁山欲

為久駐之計。乃令蜀兵與魏民相雜。種田軍一分。民二分。並不侵犯魏民。皆

安心樂業。

木牛流馬運糧雖便不如屯田之尤便

司馬師入告其父曰。蜀兵劫去我許多糧米。今又令蜀

兵與我民相雜。屯田於渭濱。以為久計。似此真為國家大患。父親何不與孔

明約期大戰一場。以決雌雄。懿曰。吾奉旨堅守。不可輕動。

老兒油嘴只是害怕耳

正議間忽

報魏延將著元帥前日所失金盔。前來罵戰。

先以失金盔蓋之後乃以送巾幘辱之

眾將忿怒。俱欲出戰。

懿笑曰。聖人云。小不忍則亂大謀。但堅守為上。

今之引書中言語以掩飾其短者大率類此

諸將依令不出。

魏延辱罵良久。方回。孔明見司馬懿不肯出戰。乃密令馬岱造成木柵營中。

掘下深塹。多積乾柴。引火之物。週圍山上。多用柴草。虛搭窩鋪。內外皆伏地。

雷置備定。當孔明附耳囑之曰。可將葫蘆谷後路塞斷。暗伏兵於谷口。若司

馬懿追到任他入谷。便將地雷乾柴一齊放起火來。

葫蘆裏却是賣火藥

又令軍士晝舉七

星號。帶於谷口。夜設七盞明燈於山上。以為暗號。

七星燈之火正與下文之火相應燦原之大未有不本於星星之細者也

馬岱

受計引兵而去。孔明又喚魏延分付曰。汝可引五百兵去魏寨討戰。務要誘

司馬懿出戰。不可取勝。只可詐敗。懿必追趕。汝却望七星旗處而入。若是夜

間則望七盞燈處而走。只要引得司馬懿入葫蘆谷內。吾自有擒之之計。如孫行者

魏延受計引兵而去。孔明又喚高翔分付曰：汝將木牛流馬或二三十

爲一羣，或四五十爲一羣，各裝米糧於山路往來行走。如魏兵搶去，便是汝

之功。此又測摸不出高翔領計驅駕木牛流馬去了。孔明將祁山兵一一調去，只推屯

田分付如別兵來戰，只許詐敗。若司馬懿自來，方併力只攻渭南，斷其歸路。

算到他歸路已入寨，告司馬懿曰：今蜀兵四散結營，各處屯田，以爲久計。若不趁此時除之，

縱令安居日久，深根固蒂，難以搖動。懿曰：此必又是孔明之計。只是不敢出頭二人曰：

都督若如此疑慮，寇敵何時得滅？我兄弟二人當奮力決一死戰，以報國恩。

懿曰：既如此，汝二人可分頭出戰。自己不敢出頭，却推別人去試一試遂令夏侯惠、夏侯和各引五千

兵去訖。懿坐待回音，却說夏侯惠、夏侯和二人分兵兩路，正行之間，忽見蜀

兵驅木牛流馬而來。二人一齊殺將過去，蜀兵大敗奔走。木牛流馬盡被魏

兵搶獲，解送司馬懿營中。是以木牛流馬引誘司馬懿次日又劫擄得人馬百餘，亦解赴

大寨。既以流馬引馬，又以活馬引馬懿將解到蜀兵詰審虛實。蜀兵告曰：孔明只料都督堅守不

出盡命我等四散屯田以爲久計不想却被擒獲

此明係武侯所教却不敘明令讀者自知

懿即將蜀兵

盡皆放回夏侯和曰何不殺之懿曰量此小卒殺之無益放歸本寨令說魏

將寬厚仁慈釋彼戰心此呂蒙取荊州之計也

照應七十五回中事

遂傳令今後凡有擒到

蜀兵俱當善遣之仍重賞有功將吏諸將皆聽令而去却說孔明令高翔佯

作運糧驅駕木牛流馬往來於上方谷口夏侯惠等不時截殺半月之間連

勝數陣

省筆之法

司馬懿見蜀兵屢敗心中歡喜一日又擒到蜀兵數十人懿喚至

帳下問曰孔明今在何處衆告曰諸葛丞相不在祁山在上方谷西十里下

寨安住令每日運糧屯於上方谷

此又明係武侯所教今却不敘明令讀者自知

懿備細問了即將衆人放去

乃喚諸將分付曰孔明今不在祁山在上方谷安營汝等於明日可一齊併

力攻取祁山大寨吾自引兵來接應

今番却騙得出頭了

衆將領命各各準備出戰司馬師

曰父親何故反欲攻其後懿曰祁山乃蜀人之根本若見我兵攻之各營必

盡來救我却取上方谷燒其糧草使彼首尾不接必大敗也

欲攻上方谷先取祁山自爲妙計那知正中別人妙計

司馬師拜服懿卽發兵起行令張虎樂琳各引五千兵在後救應且說孔明

正在山上望見魏兵或三五千一行或一二千一行隊伍紛紛前後顧盼料

必來取祁山大寨。乃密傳令衆將若司馬懿自來。汝等便往。劫魏寨。奪了渭

南。驅他出戶。便使無家。

衆將各各聽令。却說魏將皆奔祁山寨來。蜀兵四下一齊吶喊。奔走

虛作救應之勢。司馬懿見蜀兵都去救祁山寨。便引二子并中軍護衛人馬

殺奔上方谷來。今番着了道兒。魏延在谷口。只盼司馬懿到來。忽見一枝魏兵殺到。延

縱馬向前視之。正是司馬懿。候久。延大喝曰。司馬懿休走。舞刀相迎。懿挺槍接

戰不上三合。延撥回馬便走。懿隨後趕來。延只望七星旗處而走。懿見魏延

只一人。軍馬又少。放心追之。令司馬師在左。司馬昭在右。懿自居中。一齊攻

殺將來。不是三馬同槽。却是三馬落阱矣。

魏延引五百兵皆退入谷中去。懿追到谷口。先令人入谷

中哨探。把細。

回報谷內並無伏兵。山上皆是草房。懿曰。此必是積糧之所也。遂

大驅士馬。盡入谷中。懿忽見草房上盡是乾柴。前面魏延已不見了。懿心疑

謂二子曰。倘有兵截斷谷口。如之奈何。至此方疑。已是遲了。

言未已。只聽得喊聲大震。山上

一齊丟下火把來。燒斷谷口。魏兵奔逃無路。山上火箭射下。地雷一齊突出。

草房內乾柴都著。刮刮雜雜火勢冲天。司馬懿驚得手足無措。乃下馬抱二

子大哭曰。我父子三人皆死於此處矣。

讀至此為之拍案一快。

正哭之間。忽然狂風大作。黑

氣漫空。一聲霹靂響處。驟雨傾盆。滿谷之火。盡皆澆滅。地雷不震。火器無功。地雷震及天雷人火。恣管霹靂。火。讀至此。爲之廢書一嘆。司馬懿大喜曰：「不就此時殺出。更待何時？」卽引兵奮力衝殺。

張虎樂琳亦各引兵殺來接應。馬岱軍少。不敢追趕。司馬懿父子與張虎樂

琳合兵一處。同歸渭南大寨。不想寨柵已被蜀兵奪了。雖失其柵。未喪其馬。郭淮孫禮正在

浮橋上與蜀兵接戰。司馬懿等引兵殺到。蜀兵退去。懿燒斷浮橋。據住北岸。

且說魏兵在祁山攻打蜀寨。聽知司馬懿大敗。失了渭南營寨。軍心慌亂。急

退時。四面蜀兵衝殺將來。魏兵大敗。十傷八九。死者無數。餘衆奔過渭北。逃

生。孔明在山上見魏延誘司馬懿入谷。一霎時火光大起。心中甚喜。以爲司

馬懿此番必死。不期天降大雨。火不能著。哨馬報說。司馬懿父子俱逃去了。

孔明嘆曰：「謀事在人。成事在天。不可強也。」知其不可而強爲之。亦欲自盡其人。事耳。若竟諉之天而不爲之謀。豈昭烈託孤之意哉。後人有詩

嘆曰：「谷口狂風烈燄飄。何期驟雨降青霄。武侯妙計如能就。安得山河屬晉朝。」

却說司馬懿在渭北寨內。傳令曰：「渭南寨柵今已失了。諸將如再言出戰者。」

斬。只是不要出頭好。衆將聽令。據守不出。郭淮入告曰：「近日孔明引兵巡哨。必將擇地安。」

營懿曰孔明若出武功依山而東我等皆危矣若出渭南西止五丈原方無事也。此是欺人之語明知孔明必屯五原故詐爲此言以安衆心耳令人探之回報果屯五丈原司馬懿以手加額曰大

魏皇帝之洪福也。老兒油嘴遂令諸將堅守勿出彼久必自變且說孔明自引一軍

屯於五丈原累令人搦戰魏兵只不出孔明乃取巾幘并婦人縞素之服盛

於大盒之內修書一封遣人送至魏寨。既送巾幘又送縞服不惟是婦人又是實婦矣諸將不敢隱蔽引來使

入見司馬懿懿對衆啓盒視之內有巾幘婦人之衣并書一封懿拆視其書

略曰

仲達既爲大將統領中原之衆不思披堅執銳以決雌雄乃甘窟守土巢

謹避刀箭與婦人又何異哉今遣人送巾幘素衣至如不出戰可再拜而

受之倘恥心未泯猶有男子胸襟早與批回依期赴敵

司馬懿看畢心中大怒乃佯笑曰孔明視我爲婦人耶卽受之。話他耐得便是今日婦人亦不肯自以爲婦人而耐

男子之氣也令重待來使懿問曰孔明寢食及事之煩簡若何使者曰丞相夙興夜

寐罰二十以上皆靡覽焉所啖之食日不過數升懿顧謂諸將曰孔明食少

事煩其能久乎。更無別策只好咒他死却不想受了他巾幘女衣是竟爲孔明之婦矣若咒死了他則是真正寡婦也使者辭去回到五丈原見了孔明

訴說司馬懿受了巾幗女衣。看了書札。並不噴怒。只問丞相寢食及事之煩簡。絕不提起軍旅之事。某如此應對。彼言食少事煩。豈能長久。孔明嘆曰。彼深知我也。武侯亦自料其不久於人世也。主簿楊顛曰。某見丞相常自校簿書。竊以爲不必夫爲

治有體。上下不可相侵。譬之治家之道。必使僕執耕。婢典爨。私業無曠。所求皆足。其家主從容自在。高枕飲食而已。若皆身親其事。將形疲神困。終無一成。豈其智之不如婢僕哉。失爲家主之道也。是故古人稱坐而論道。謂之三公。作而行之。謂之士大夫。昔丙吉憂牛喘而不問橫道死人。陳平不知錢穀之數。曰自有主者。陳平丙吉當國家無事之時。豈可與武侯一例論乎。今丞相親理細事。汗流終日。豈不勞乎。司

馬懿之言。真至言也。孔明泣曰。吾非不知。但受先帝託孤之重。惟恐他人不

似我。盡心也。正是鞠躬盡瘁之意。衆皆垂淚。自此孔明自覺神思不甯。諸將因此未敢進兵。

却說魏兵皆知孔明以巾幗女衣辱司馬懿。懿受之不戰。衆將盡忿。入帳告

曰。我等皆大國名將。安忍受蜀人如此之辱。即請出戰。以決雌雄。主將已是雌了。衆人雄出甚麼來。

懿曰。吾非不敢出戰。而甘心受辱也。奈天子明詔。令堅守勿動。今若輕出。有

違君命矣。老兒油嘴何不云將在。外君命有所不受乎。衆將俱忿怒不平。懿曰。汝等皆要出戰。待我奏准天

子同力赴敵如何。強身是解衆將允諾。懿乃寫表遣使直至合淝軍前。奏聞魏主。

曹叡拆表覽之。表略曰：

臣才薄任重。伏蒙明旨。令臣堅守不戰。以待蜀人之自斃。奈今諸葛亮遺

臣以巾幗待臣如婦人。恥辱至甚。臣謹先達聖聰。旦夕將効死一戰。以報

朝廷之恩。以雪三軍之恥。臣不勝激切之至。純是假話

叡覽訖。乃謂多官曰。司馬懿堅守不出。今何故又上表求戰。衛尉辛毗曰。司

馬懿本無戰心。必因諸葛亮恥辱衆將忿怒之故。特上此表欲更乞明旨。以

遏諸將之心耳。辛毗諫之語叡然其言。即令辛毗持節至渭北寨。傳諭令勿出戰。司

馬懿接詔入帳。辛毗宣諭曰。如再有敢言出戰者。即以違旨論。此是不獨司馬懿爲婦人曹叡亦係婦人矣

衆將只得奉詔。懿偃謂辛毗曰。公眞知我心也。於是令軍中傳說。魏主命辛

毗持節傳諭司馬懿。勿得出戰。蜀將聞知此事。報與孔明。孔明笑曰。此乃司

馬懿安三軍之法也。此法暗不得幸毗怎曉得武侯耶姜維曰。丞相何以知之。孔明曰。彼本無戰心。

所以請戰者。以示武於衆耳。豈不聞將在外。君命有所不受。安有千里而請

戰者乎。若必請詔而後戰則上方谷之兵何以不聞奉詔而出也此乃司馬懿因將士忿怒。故借曹叡之意。以制衆人。

今又播傳此言。欲懈我軍心也。

若蜀兵懶惰
諺必復出矣

正論間。忽報費禕到。孔明請入問之。

禕曰。魏主曹叡聞東吳三路進兵。乃自引大軍至合淝。令滿寵田豫劉劭分

兵三路迎敵。滿寵設計盡燒東吳糧草。戰具吳兵多病。陸遜上表於吳王。約

會前後夾攻。不意齎表入中途。被魏兵所獲。因此機關洩漏。吳兵無功而還。

孔明聽知此信。長嘆一聲。不覺昏倒在地。

謀事在人成事
在天於此愈信

衆將急救。半晌方甦。孔

明嘆曰。吾心昏亂。舊病復發。恐不能生矣。是夜孔明扶病出帳。仰觀天文。十

分驚慌。入帳謂姜維曰。吾命在旦夕矣。維曰。丞相何出此言。孔明曰。吾見三

台星中客星倍明。主星幽暗。相輔列曜。其光昏暗。天象如此。吾命可知。

但觀前日
之雨不必

更觀今日
之星矣

維曰。天象雖則如此。丞相何不用祈禳之法挽回之。孔明曰。吾素諳祈

禳之法。但未知天意若何。汝可引甲士四十九人。各執皂旗。穿皂衣。環繞帳

外。我自於帳中祈禳。北斗若七日內主燈不滅。吾壽可增一紀。如燈滅。吾必

死矣。聞維人等。休教放入。凡一應需用之物。只令二小童搬運。

此等禳星法
是與本事不
似今日道士
禳星是騙齋

也。姜維領命。自去准備。時值八月中。秋是夜。銀河耿耿。玉露零零。旌旗不動。

刁斗無聲。

寫軍中秋夜與子美祭
上河湯橋之詩相彷彿

姜維在帳外引四十九人守護。孔明自於帳中設香

花祭物。地上分布七盞。大燈外布四十九盞。小燈內安本命燈一盞。上方谷只有七盞燈。此處又添孔明拜祝曰。亮生於亂世。甘老林泉。承昭烈皇帝三顧之恩。託孤之

重。不敢不竭犬馬之勞。誓討國賊。不意將星欲墜。陽壽將終。謹書尺素。上告

穹蒼。伏望天慈。俯垂鑒聽。曲延臣算。使得上報君恩。下救民命。克復舊物。永

延漢祀。非敢妄祈。實由情切。是非為己請命。而為漢請命也。拜祝畢。就帳中俯伏待旦。不像今之伏壇道士。少事煩。却說司馬

懿。次日扶病理事。吐血不止。日則計議軍機。夜則步罡踏斗。一發食。

懿在營中堅守。忽一夜仰觀天文大喜。謂夏侯霸曰。吾見將星失位。孔明必

然有病。不久便死。幸災樂禍。只緣無可奈何耳。你可引一千兵去五丈原哨探。若蜀人攘亂。不出

接戰。孔明必然患病矣。吾當乘勢擊之。此時何不奉天子詔。霸引兵而去。孔明在帳中祈禳

已及六夜。見主燈明亮。心中甚喜。姜維入帳。正見孔明披髮仗劍。踏罡步斗。

壓鎮將星。忽聽得寨外吶喊。方欲令人出問。魏延飛步入告曰。魏兵至矣。延

脚步急。竟將主燈撲滅。谷中之火。為大雨所撲滅。帳中之燈。為魏延所撲滅。前後相映。孔明棄劍而嘆曰。死生有命。不可得

而禳也。原是禳不得。可破愚夫之見。魏延惶恐。伏地請罪。姜維忿怒。拔劍欲殺魏延。正是

未知魏延性命如何且看下文分解

第一百四回

隕大星漢丞相歸天

見木像魏都督喪膽

或疑武侯有靈異之術如八陣圖木牛流馬之類幾於神矣仙矣而終不免於一死者何也曰武侯非左慈李意之比也長生不死爲出世之神仙有生有死爲入世之聖賢學聖賢則不失爲眞實學神仙則多至於妖妄武侯不以神仙之不可知者示天下以可疑正以聖賢之無不可知者示天下以可法耳

曹操司馬懿之爲相與諸葛武侯之爲相其總攬朝政相似也其獨握兵權相似也其神機妙算爲衆推服又相似也而或則篡而或則忠者一則有私一則無私一則爲子孫計一則不爲子孫計故也操之臨終必囑曹丕懿之臨終必囑師昭而武侯不然其行丞相事則託之蔣琬費禕矣其行大將軍事則付之姜維矣而諸葛瞻諸葛尚曾不與焉有桑八百株田五十頃而外更無有一事以增家慮則出將入相之孔明依然一彈琴抱膝之孔明耳原其初心木欲俟功成之後爲泛湖之范蠡辟穀之張良而無如事之未終乃卒於五丈原之役嗚呼有人如此尙得於功名富貴中求之哉五丈原之役所以踐死而後已之一語也而有死而不已者後事有所託則九伐中原

將自此而始。前事有所承。則六出祁山。不自此而止也。又有死而不死者。蜀人之思孔明。皆有一未死之孔明。明在其心。魏人之畏孔明。如有一未死之孔明。明在其目也。豈獨當日之刻像於車中者爲然哉。後世之慕義者。讀出師二表。無不歎慷慨。想見其爲人。則雖謂武侯至今未嘗死。至今未嘗已焉。可也。死爲定數。而武侯有不欲死之心。何也。曰。念託孤之任重。則不可以死。念嗣君之才劣。則不可以死。外顧敵之未滅。內顧諸臣更無一人堪與我匹者。則又不可以死。不可以死而死。此武侯所以不欲死也。雖然。人事已盡。則亦可以無憾於死。無憾於死。則不可死者。其心而可以死者。其事也。老泉以不可死者責管仲。而獨不能以此責武侯。則武侯之死。殆賢於管仲多矣。

管仲尊周。有撥亂之風。樂毅存燕。有繼絕之力。武侯自比管樂。特以撥亂繼絕之意。自寓耳。而武侯之才。與品。有非管樂之所能及者。其用兵。則年少。之子牙也。其輔主。則異姓之公旦也。至其出處。大綱。又與伊尹最相彷彿。如先識三分。非先覺乎。躬耕南陽。非樂道乎。三顧而出。非三聘之幡然乎。鞠躬盡瘁。非自任以天下之重乎。兄弟各事一國。而天下不以爲疑。非猶五就湯。三就桀之跡乎。專國十二年。而後主不以爲疑。非猶遷桐宮。廢太甲之事乎。始之不求聞達。依然千駟弗視之心。繼之誓願討賊。無異一夫不

獲之恥三代以後一人而已。

却說姜維見魏延踏滅了燈心中忿怒拔劍欲殺之孔明止之曰此吾命當

絕非文長之過也維乃收劍孔明吐血數口臥倒牀上謂魏延曰此是司馬

懿料吾有病故人來探視虛實汝可急出迎敵抱病若此料事到底如神魏延領命出帳上

馬引兵殺出寨來夏侯霸見了魏延慌忙引軍退走延追趕二十餘里方回

孔明令魏延自回本寨把守姜維入帳直至孔明榻前問安孔明曰吾本欲

竭忠盡力恢復中原重興漢室奈天意如此吾且夕將死吾平生所學已著

書二十四篇計十萬四千一百一十二字內有八務七戒六恐五懼之法務其

戒恐懼居其三可見用兵之道貴在小心吾徧觀諸將無人可授獨汝可傳我書切勿輕忽維哭拜而受孔

明又曰吾有連弩之法不會用得其法矢長八寸一弩可發十矢皆畫成圖

本汝可依法造用為後文射魏兵伏線維亦拜受孔明又曰蜀中諸道皆不必多憂惟陰平

之地均須仔細此地雖險峻久必有失為後文鄧艾入川伏線又喚馬岱入帳附耳低言授

以密計囑曰我死之後汝可依計行之為後文斬魏延伏線岱領計而出少頃楊儀入孔明

喚至榻前授與一錦囊密囑曰我死魏延必反待其反時汝於臨陣方開此

囊那時自有斬魏延之人也。

見後文臨陣見馬岱伏線

孔明一一調度已畢，便昏然而倒。至晚

方甦，便連夜表奏後主。後主聞奏，大驚，急令尙書李福、星夜至軍中問安。兼

詢後事。李福領命，趨程赴五丈原，入見孔明，傳後主之命。問安畢，孔明流涕

曰：「吾不幸中道喪亡，虛廢國家大事，得罪於天下。我死後，公等宜竭忠輔主，

國家舊制不可改易。吾所用之人，亦不可輕廢。」

周公曰：厥若夷及撫事，知子伊尹。曰：無以辨言亂舊政，同此意也。

吾兵法皆

授與姜維，他自能繼吾之志，爲國家出力。

爲後九伐中原伏線

吾命已在旦夕，當卽有遺表

上奏天子也。李福領了言語，匆匆辭去。孔明強支病體，令左右扶上小車，出

寨，遍觀各營，自覺秋風吹而徹骨生寒。

寫盡病軀妙在自覺二字

乃長嘆曰：「再不能臨陣討賊，

矣。悠悠蒼天，曷其有極！」

千古以下同此悲憤。宗澤臨終大呼過河者三，又高吟出師未捷身先死，長使英雄淚滿襟之句，蓋亦以諸葛武侯自況也。

嘆息良久，回到帳

中，病轉沉重，乃喚楊儀分付曰：「馬岱、王平、廖化、張翼、張嶷等皆忠諒死節之

士，久經戰陣，多負勤勞，堪可委用。」

前對李福止言姜維此對楊儀并及此數人

我死之後，凡事俱依舊法而

行，

前與李福言者是國法此與楊儀言者是軍法

緩緩退兵，不可急驟。汝深通謀略，不必多囑。姜伯約智勇足

備，可以斷後。

蜀楊儀亦近記姜維

楊儀泣拜受命。孔明令取文房四寶於臥榻上手書遺表，

以達後主。表略曰：

以達後主表略曰

伏聞生死有常。難逃定數。死之將至。願盡忠。臣亮賦性愚拙。遭時艱難。分符擁節。專掌鈞衡。興師北伐。未獲成功。何期病入膏肓。命垂旦夕。不及終事陛下。飲恨無窮。伏願陛下清心寡慾。約己愛民。達孝道於先皇。布仁恩於宇下。提拔幽隱。以進賢良。屏斥奸邪。以厚風俗。即親賢臣遠小人之意臣家有桑八百株。田五十頃。子孫衣食自有餘饒。至於臣在外任。隨身所需。悉仰於官。不別治生產。臣死之日。不使內有餘帛。外有餘財。以負陛下也。

孔明寫畢。又囑楊儀曰。吾死之後。不可發喪。可作一大龕。將吾屍坐於龕中。以米七粒放吾口內。脚下用明燈一盞。軍中安靜如常。切勿舉哀。則將星不墜。吾陰魂更自起鎮之。之神奇司馬懿見將星不墜。必然驚疑。吾軍可令後寨先行。然後一營一營緩緩而退。若司馬懿來追。汝可布成陣勢。回旗反鼓。等他來到。却將我先時所雕木像安於車上。排出軍前。令大小將士分列左右。懿見之。必驚走矣。前用木牛木馬。今又用木人。何先生之善能驅使草木也。楊儀一一領諾。是夜孔明令人扶出。仰觀北斗。遙指一星曰。此吾之將星也。絕奇衆視之。見其色昏暗。搖搖欲墜。孔明以劍指之。口中念咒。更是神奇之極咒畢。急回帳時。不省人事。衆將正慌亂間。忽尙書李福

又至。見孔明昏絕。口不能言。乃大哭曰。我誤國家之大事也。須臾孔明復醒。奇又開目徧視。見李福立於榻前。孔明曰。吾已知公復來之意也。絕奇福謝曰。福奉天子命。問丞相百年後。誰可任大事者。適因匆遽。失於諮請。故復來耳。孔明曰。吾死之後。可任大事者。蔣公琰其宜也。福曰。公琰之後。誰可繼之。孔明曰。費文偉可繼之。福又問文偉之後。誰當繼者。孔明不答。費禕之後。漢祚亦終矣。孔明所以不答。衆將近前視之。已薨矣。時建興十二年秋八月二十三日也。壽五十四歲。後杜工部有詩嘆曰。

長星昨夜墜前營。訃報先生此日傾。虎帳不聞施號令。麟臺誰復著勳名。空餘門下三千客。辜負胸中十萬兵。好看綠陰清晝裏。於今無復迓歌聲。白樂天亦有詩曰。

先生晦跡臥山林。三顧那逢賢主尋。魚到南陽方得水。龍飛天外便爲霖。託孤既盡慇懃禮。報國還傾忠義心。前後出師遺表在。令人一覽淚沾襟。初蜀長水校尉廖立。自謂才名宜爲孔明之副。嘗以職位閒散。怏怏不平。怨謗無已。於是孔明廢之爲庶人。徙之汶山。及聞孔明亡。乃垂泣曰。吾終爲左

裨矣。李嚴聞之，亦大哭病死。蓋嚴嘗望孔明復收己，得自補前過度。孔明死後，人不能用之故也。管仲魯伯氏駢邑三百，沒齒無怨言。夫無怨已，雖矣今變之黜之而又為之泣為之死，孔明之得此於廖李二人者，更不易也。○忙中忽來，敘此二事，絕有筆力。後元微之有

詩讚孔明日：

撥亂扶危主，慇懃受託孤。英才過管樂，妙策勝孫吳。

凜凜出師長，堂堂八陣圖。如公存盛德，應嘆古今無。

是夜天愁地慘，月色無光。孔明奄然歸天。姜維楊儀遵孔明遺命，不敢舉哀。

依法成殮，安置龕中，令心腹將卒三百人守護。隨傳密令使魏延斷後各處

營寨，一一退去。以下按過蜀將一邊再敘魏將一邊。却說司馬懿夜觀天文，見一大星赤色，光芒有角

星有角，自東北方流於西南方，墜於蜀營內，三投再起。此是孔明神通。隱隱有聲。星有聲，大奇。懿

驚喜曰：孔明死矣。既驚又喜，寫仲達忌孔明之甚。即傳令起大兵追之。方出寨門，忽又疑慮曰：孔

明善會六丁六甲之法，今見我久不出戰，故以此術詐死誘我出耳。今若追

之，必中其計。既喜又疑，寫仲達畏孔明之甚。遂復勒馬回寨，不出。只令夏侯霸暗引數十騎往五丈

原山僻哨探消息。以下按過魏將再敘蜀兵。却說魏延在本寨中夜作一夢，夢見頭上忽生二

角。武侯既死，而其星有角，魏延未死，而其頭夢角，亦開開相對。醒來甚是疑異。次日行軍，司馬趙直至延請入，問曰：久知

足下深明易理。吾夜夢頭生二角。不知主何吉凶。煩足下爲我決之。趙直想了半晌。答曰。此大吉之兆。麒麟頭上有角。蒼龍頭上有角。乃變化飛騰之象也。龜之要反則是頭上生出角耳。延大喜曰。如應公言。當有重謝。直辭去。行不數里。正遇尙書費

禕。禕問何來。直曰。適至魏文長營中。文長夢頭生角。令我決其吉凶。此本非

吉兆。但恐直言見怪。因以麒麟蒼龍解之。禕曰。足下何以知非吉兆。直曰。角

之字形。乃刀下用也。今頭上有刀。其凶甚矣。預爲後文之兆。禕曰。君且勿洩漏。直別去。

費禕至魏延寨中。屏退左右。告曰。昨夜三更。丞相已辭世矣。臨終再三囑付

令將軍斷後。以當司馬懿。緩緩而退。不可發喪。今兵符在此。便可起兵。延曰。

何人代理丞相之大事。此句便有不有相下之意。禕曰。丞相一應大事。盡託與楊儀。用兵密法。

皆授與姜伯約。此兵符乃楊儀之令也。聞此數語宜其不服。延曰。丞相雖亡。吾今現在。楊儀

不過一長史。安能當此大任。他只宜扶柩入川安葬。我自率大兵攻司馬懿。

務要成功。豈可因丞相一人而廢國家大事耶。不說投魏只說伐魏不說不肯聽令只說不宜回兵以漸而來。禕曰。丞相

遺令教且暫退。不可有違。延怒曰。丞相當時若依我計。取長安久矣。此是不服武侯

山時吾今官任前將軍。征西大將軍。南鄭侯。貨好安肯與長史斷後。此是不服楊儀禕曰。將

軍之言雖是。然不可輕動。令敵人恥笑。待吾往見楊儀。以利害說之。令彼將兵權讓與將軍。何如。

曹操說詞以對楊儀得體

延依其言。禕辭延出營。急到大寨見楊儀。具述

魏延之語。儀曰。丞相臨終。曾密囑我曰。魏延必有異志。今我以兵符往實欲探其心耳。今果應丞相之言。吾自令伯約斷後可也。於是楊儀領兵扶柩先

行。令姜維斷後。依孔明遺令。徐徐而退。

此處楊儀魏延又分作兩邊寫

魏延在寨中不見費禕來

回覆。心中疑惑。乃令馬岱引十數騎往探消息。回報曰。後軍乃姜維總督。前

軍大半退入谷中去了。延大怒曰。豎儒安敢欺我。我必殺之。因顧謂岱曰。公

肯相助否。岱曰。某亦素恨楊儀。今願助將軍攻之。

此是孔明所教却不敘明令讀者自知

延大喜。即拔寨

引本部兵望南而行。

以下按過蜀將一邊再敘魏營一邊

却說夏侯霸引軍至五丈原看時。不見一人。

急回報司馬懿曰。蜀兵已盡退矣。懿跌足曰。孔明真死矣。可速追之。夏侯霸

曰。都督不可輕追。當令偏將先往。

又是一個怕的

懿曰。此番須吾自行。遂引兵同二子

一齊殺奔五丈原來。吶喊搖旗。殺入蜀寨時。果無一人。

只好在無人處耀武揚威。想因孔明死後。特到營中來嚇鬼淨宅耳。

懿

顧二子曰。汝急催兵趕來。吾先引軍前進。於是司馬師司馬昭在後催軍。懿

自引軍當先。追到山脚下。望見蜀兵不遠。乃奮力追趕。忽然山後一聲砲響。

喊聲大震。只見蜀兵俱回旗返鼓。樹影中飄出中軍大旗。上書一行大字曰：

漢丞相武鄉侯諸葛亮。此是銘旌耳。猶認作帥旗可發一笑。懿大驚失色。定睛看時，只見中軍數十員

上將擁出一輛四輪車來。車上端坐孔明。綸巾羽扇。鶴氅皂絛。寫司馬懿先見旗後見像吃驚不小。懿

大驚曰：孔明尚在吾輕入重地，墮其計矣！急勒回馬，便走。背後姜維大叫：賊

將休走！你中了我丞相之計也！魏兵魂飛魄散，棄甲丟盔，拋戈撇戟，各逃性命。

自相踐踏死者無數。畏蜀如虎，死虎亦認作生虎，可發一笑。司馬懿奔走了五十餘里，背後兩員魏將

趕上，扯住馬嚼環，叫曰：都督勿驚，懿用手摸頭曰：我有頭否？驚極逼出趣語。如無頭尚然會走，則隕辱安得便死。

二將曰：都督休怕，蜀兵去遠了。懿喘息半晌，神色方定，睜目視之，乃夏侯霸

夏侯惠也。被死人嚇怕，運活人亦幾乎不認得。乃徐徐按轡，與二將尋小路奔歸本寨，使眾將引兵四

散哨探。過了兩日，鄉民奔告曰：蜀兵退入谷中之時，哀聲震地，軍中揚起白

旗。孔明果然死了，止留姜維引一千兵斷後。前日車上之孔明，乃木人也。孔明如

雖木人可當活人，不似今人活人却像木人也。

懿嘆曰：吾能料其生，不能料其死也。解嘲語，然而汗顏矣。因此蜀中人諺曰：死

諸葛能走生仲達。武侯原是如生仲達，幾乎嚇死，直可謂之生諸葛能走死仲達耳。後人有詩嘆曰：

長星半夜落天樞，奔走還疑亮未殂。關外至今人冷笑，頭顱猶問有和無。

司馬懿知孔明死信已確。乃復引兵追趕無行到赤岸坡。見蜀兵已去遠。乃

引還。顧謂眾將曰。孔明已死。我等皆高枕無憂矣。可知以前却是夜眠不貼席也遂班師回。一路見

孔明安營下寨之處。前後左右整整有法。懿嘆曰。此天下奇才也。又在武侯死後補寫武侯

是引兵回長安。分調眾將各守隘口。懿自回洛陽面君去了。以下按過魏兵再敘蜀事却說楊

儀。姜維排成陣勢。緩緩退入棧閣道口。然後更衣發喪。揚旛舉哀。蜀軍皆撞

跌而哭。至有哭死者。使人畏或易使人懷德難孔明何以得此於蜀軍哉蜀兵前隊正回到棧閣道口。忽見前面

火光冲天。喊聲震地。一彪軍攔路。故作驚人之筆眾將大驚。急報楊儀。正是

已見魏營諸將去。不知蜀地甚兵來。

未知來者是何處軍馬。且看下文分解。

第一百五回

武侯預伏錦囊計

魏主拆取承露盤

此記武侯死後之事也。前營之星方殞。而魏延遂興反漢之兵。則武侯之不可以死也。

錦囊之計有遺。而魏延終應生角之夢。則武侯之實未嘗死也。逆知其必叛。而不於未

叛之時除之。於此見武侯之仁。不待其既叛。而早於未叛之先防之。於此見武侯之智。

魏延既反。不獨司馬懿一大敵也。即魏延亦一大敵也。當其焚棧道。攻南鄭。使魏人知

之。而。回。兵。轉。鬪。則。蜀。之。亡。可。翹。足。而。待。矣。且。有。楊。儀。與。延。互。相。訐。奏。少。主。疑。於。內。諸。將。阻。於。外。且。太。后。憂。惶。而。未。甯。廷。臣。聚。議。而。未。決。而。卒。能。定。之。俄。頃。易。危。而。爲。安。則。武。侯。身。後。之。功。不。其。偉。哉。

武。侯。死。而。吳。之。君。臣。懼。可。知。也。曰。今。而。後。莫。予。援。也。已。武。侯。死。而。魏。之。君。臣。喜。可。知。也。曰。今。而。後。莫。予。毒。也。已。惟。其。懼。而。邊。境。之。戍。於。是。乎。增。惟。其。喜。而。土。木。之。功。於。是。乎。起。然。則。思。武。侯。者。不。獨。蜀。人。爲。然。也。於。其。戍。之。勞。而。吳。之。人。不。得。不。思。武。侯。於。其。役。之。苦。而。魏。之。人。亦。不。得。不。思。武。侯。

凡。後。人。之。失。未。有。不。本。於。前。人。之。失。以。爲。之。倡。也。有。銅。雀。玉。龍。金。鳳。之。臺。作。於。前。乃。有。總。章。觀。青。霄。閣。鳳。凰。樓。之。工。興。於。後。矣。有。曹。丕。之。殺。甄。后。以。作。之。於。前。乃。有。曹。叡。之。殺。毛。后。以。效。之。於。後。矣。然。曹。操。止。於。築。臺。而。叡。則。更。勞。其。民。於。拆。臺。操。止。以。其。民。充。役。而。叡。至。欲。以。官。充。役。毛。氏。比。甄。氏。之。來。爲。正。而。其。被。黜。亦。與。甄。氏。同。曹。叡。曾。以。射。鹿。之。事。諷。其。父。而。其。殺。毛。氏。則。與。其。父。等。尤。而。效。之。更。有。甚。焉。則。祖。宗。之。爲。法。於。子。孫。者。可。不。懼。與。

却說楊儀聞報前路有軍攔截忙令人哨探回報說魏延燒絕棧道引兵攔

路。魏延隱然一敵國儀大驚曰丞相在日料此人久後必反誰想今日果然如此今斷吾

歸路當復如何費禕曰此人必先捏奏天子誣吾等造反故燒絕棧道阻遏

歸路。魏延上表事在費禕一邊虛寫吾等亦當表奏天子陳魏延反情然後圖之姜維曰此間有一

小徑名棧山雖崎嶇險峻可以抄出棧道之後一面寫表奏聞天子一面將

人馬望棧山小路進發。費禕只算得上表姜維便算到歸路且說後主在成都寢食不安動止不寧後

作一夢夢見成都錦屏山崩倒。孔明乃蜀之屏障先主得孔明如得水後主倚孔明如倚山遂驚覺坐而待旦聚集文武

入朝圓夢譙周曰臣昨夜仰觀天文見一星赤色光芒有角自東北落於西

南主丞相有大凶之事今陛下夢山崩正應此兆。泰山其頽哲人其萎後主愈加驚怖忽報

李福到後主急召入問之福頓首泣奏丞相已亡將丞相臨終言語細述一

遍後主聞言大哭曰天喪我也哭倒於龍牀之上。能令後主如此不是寫後主是寫武侯侍臣扶入後宮

吳太后聞之亦放聲大哭不已。能令太后如此不是寫太后是寫武侯多官無不哀慟百姓人人涕泣。能令

百姓如此不是寫多官百姓是寫武侯後主連日傷感不能設朝忽報魏延表奏楊儀造反。不在魏延一邊寫只在後主一邊寫省筆之法

羣臣大駭入宮啓奏後主時吳太后亦在宮中後主聞奏大驚命近臣讀魏

延表其略曰

征西大將軍南鄭侯臣魏延誠惶誠恐頓首上言楊儀自總兵權率衆造反劫丞相靈柩欲引敵人入境臣先燒絕棧道以兵守禦謹此奏聞

讀畢後主曰魏延乃勇將足可拒楊儀等衆何故燒絕棧道此句頗似聰明吳太后曰

嘗聞先帝有言孔明識魏延背後有反骨每欲斬之又將五十三回中語一提因憐其勇故姑

留用今彼奏楊儀等造反未可輕信楊儀乃文人丞相委以長史之任必其

人可用今日若聽此一而之詞楊儀等必投魏矣此事當深慮遠議不可造

次太后亦明於料人料事衆官正商議間忽報長史楊儀有緊急表到近臣拆表讀曰

長史綏軍將軍臣楊儀誠惶誠恐頓首謹表丞相臨終將大事委於臣照

依舊制不敢變更使魏延斷後姜維次之今魏延不遵丞相遺語自提本

部人馬先入漢中放火燒斷棧道欲劫丞相靈車謀爲不軌變起倉卒謹

飛章奏聞

太后聽畢問卿等所見若何蔣琬奏曰以臣愚見楊儀爲人雖稟性過急不能容物至於籌度糧草參贊軍機與丞相辦事多時今丞相臨終委以大任決非背反之人魏延平日恃功務高人皆下之儀獨不假借延心懷恨今見

儀總兵心中不服。故燒棧道。斷其歸路。又誣奏而圖陷害。臣願將全家良賤

保楊儀不反。實不敢保魏延。一個先料楊儀次料魏延董允亦奏曰。魏延自恃功高。常有不平

之心。口出怨言。向所以不即反者。懼丞相耳。今丞相新亡。乘機為亂。勢所必

然。若楊儀才幹敏達。為丞相所任用。必不肯反。一個先料魏延次料楊儀所見皆同後主曰。若魏延果

反。當用何策禦之。蔣琬曰。丞相素疑此人。必有遺計。授與楊儀。若儀無恃。安

能退入谷口乎。延必中計矣。陛下寬心。蔣琬料事如見武侯之不多時。魏延又表至

告稱。楊儀反了。正覽表之間。楊儀又表到。奏稱。魏延背反。二人接連具表。各

陳是非。後表俱用虛寫省印無數筆墨忽報費禕到。後主召入。禕細奏。魏延反情。後主曰。若如此

且令董允假節。勸用好言。撫慰和事允奉詔而去。却說魏延燒斷棧道。屯兵

南谷。把住隘口。自以為得計。不想楊儀。姜維。星夜引兵抄到南谷之後。儀恐

漢中有失。令先鋒何平引三千兵先行。儀同姜維等引兵扶柩望漢中而來。

楊儀亦可謂能且說何平引兵逕到南谷之後。搥鼓吶喊。哨馬飛報。魏延說楊儀令先

鋒何平引兵自槎山小路抄來。搦戰。延大怒。急披挂上馬。提刀引兵來迎。兩

陣對圓。何平出馬大罵曰。反賊魏延安在。延亦罵曰。汝助楊儀造反。何敢罵

我平叱曰丞相新亡骨肉未寒汝焉敢造反乃揚鞭指川兵曰汝等軍士皆是西川之人川中多有父母妻子兄弟親朋丞相在日不曾薄待汝等今不可助反賊宜各回家鄉聽候賞賜衆軍聞言大喊一聲散去大半先散其兵此必楊儀姜維所教大怒揮刀縱馬直取何平平挺槍來迎戰不數合平詐敗而走延隨後趕來衆軍弓弩齊發延撥馬而回見衆軍紛紛潰散延轉怒拍馬趕上殺了數人却只止遏不住只有馬岱所領三百人不動此受武侯之計不即彼明令諸者自知延謂岱曰公真心助我事成之後決不相負遂與馬岱追殺何平平引兵飛走而去魏延收聚殘軍與馬岱商議曰我等投魏若何岱曰將軍之言不智甚也大丈夫何不自圖霸業乃輕屈膝於人耶吾觀將軍智勇足備兩川之士誰敢抵敵吾誓同將軍先取漢中隨後進攻兩川馬岱亦善於詞令延大喜遂同馬岱引兵直取南鄭姜維在南鄭城上見魏延馬岱耀武揚威蜂擁而來維急令拽起吊橋延岱二人大叫早降此時馬岱等俱同謀令人猜摸不出姜維令人請楊儀商議曰魏延勇猛更兼馬岱相助雖然軍少何計退之不是一番疑竇不見武侯遠計之妙儀曰丞相臨終遺一錦囊囑曰若魏延造反臨城對敵之時方可開拆便有斬魏延之計今當取出一看遂出錦囊拆開看

時題曰待與魏延對敵。馬上方許拆開。妙在拆開又不見計。策令人猜摸不出。維大喜曰：「既丞相有戒約。」

長史可收執。吾先引兵出城列成陣勢。公可便來。姜維披掛上馬，綽槍在手。

引三千軍開了城門，一齊衝出。鼓聲大震，排成陣勢。維挺槍立馬於門旗之

下，高聲大罵曰：「反賊魏延丞相不曾虧汝，今日如何背反？」延橫刀勒馬而言。

曰：「伯約不干你事，只教楊儀來。」魏延只恨一楊儀。儀在門旗影裏，拆開錦囊視之。如此如

此。妙在此處又不說明只是令人猜摸不出。儀大喜，輕騎而出，立馬陣前。手指魏延而笑曰：「丞相在日知

汝久後必反，教我隄備。今果應其言，汝敢在馬上連叫三聲誰敢殺我？便是

真大丈夫。吾就獻漢中城池與汝。」讀者至此正不知此是甚計能。延大笑曰：「楊儀匹夫聽著，若孔明

在日，吾尚懼三分。他今已亡，天下誰敢敵我？休道連叫三聲，便叫三萬聲亦

有何難。遂提刀按轡於馬上大叫曰：「誰敢殺我？」一聲未畢，腦後一人厲聲而

應曰：「吾敢殺汝。」手起刀落，斬魏延於馬下。宋魯奕凡其人總意外。眾將駭然，斬魏延者乃馬岱

也。先聞其聲，次見其刀，然後知其人是寫得意外。原來孔明臨終之時，授馬岱以密計，只待魏延喊叫時便出

其不意，斬之。當日楊儀讀罷錦囊計策，已知伏下馬岱在彼，故依計而行。果

然殺了魏延。此處方纔敘明以前却是疑陣。後人有詩曰：

諸葛先機識魏延。已知日後反西川。錦囊遺計人難料。却見成功在馬前。

却說董允未及到南鄭。馬岱已殺了魏延。與姜維合兵一處。楊儀具表星夜

奏聞後主。後主降旨曰。既已明正其罪。仍念前功。賜棺槨葬之。如此待之不為厚。楊儀等

扶孔明靈柩到成都。後主引文武官僚盡皆挂孝。出城二十里迎接。後主放

聲大哭。上至公卿大夫。下及山林百姓男女老幼。無不痛哭哀聲震地。又寫一番哀痛。

後主命扶柩入城。停於丞相府中。其子諸葛瞻守孝。居喪後主還朝。楊儀自

縛請罪。後主令近臣去其縛。曰。若非卿能依丞相遺教。靈柩何日得歸。魏延

如何得滅。大事保全。皆卿之力也。遂加楊儀為中軍師。馬岱有討逆之功。即

以魏延之爵爵之。此處亦置得停當。想必蔣公琰所教也。儀呈上孔明遺表。後主覽畢大哭。降旨卜地安

葬。費禕奏曰。丞相臨終命葬於定軍山。不用牆垣磚石。亦不用一切祭物。補前卷中

所未及後主從之。擇本年十月吉日。後主自送靈柩至定軍山安葬。為後文鋪會。恐神伏殺。後主

降詔致祭。諡號忠武侯。令建廟於沔陽。四時享祭。後杜工部有詩曰。

丞相祠堂何處尋。錦官城外柏森森。映階碧草自春色。隔葉黃鸝空好音。

前解咏祠堂後解咏丞相至城外然後有丞相祠堂然至城外而見祠

堂是無心於見祠堂者也。先言祠堂而後至城外，是有心於弔祠堂者也。也有一丞相於胸中而至其地，尋其廟則在錦官城外森森柏樹之中也。三四兩句是但見祠堂而無丞相也。碧草春色黃鸝好音入一自字空字便淒清之極。○黃鳥所以求友，曠百世而相感，君子有尙友古人之思而無如古人終不可見如隔葉也。

三顧頻煩天下計，兩朝開濟老臣心。出師未捷身先死，長使英雄淚滿襟。後解承三顧來，丞相不可見於今日矣。然當時若非三顧草廬丞相並不得見於昔日也。天下妙計在混一不在偏安也。兩朝既受眷於先并效忠於後也，雖不能混一天下，成開濟之功，然老臣之計老臣之心則如是也。死而後已者老臣所自矢於我者也。捷而後死者老臣所仰望於天者也。天不可必，老臣之志則可必也。未字先字妙絕，一似後曾恢復而老臣未及身見之者，體其心而爲言也。當日有未了之事，今日遂長留一未了之計，未了之心，嗟乎後世英雄有其計與心而不獲見諸事者可勝道哉。在昔日爲英雄之計，英雄之心在今日皆成英雄之淚。

矣

又杜工部詩曰

諸葛大名垂宇宙。宗臣遺像肅清高。三分割據紆籌策。萬古雲霄一羽毛。
前解史遷疑子房以爲魁梧奇偉而伏貌乃如婦人好女二語正與此
詩起二語意相似向聞其名但震其大今觀其像又嘆其高清高二字
從遺像寫出入相則紫袍象簡出將則黃鉞白旄而今其遺像羽扇綸
巾一何清高之至也加一肅字又有氣定神閒不動聲色之意三分割
據英才輩出持籌決策比肩皆是如孔明者萬古一人三是泛指衆人
四是獨指諸葛也鴻漸於逵其羽可用爲儀鳳翱翔於千仞兮覽德輝
而下之羽毛狀其清雲霄狀其高也

伯仲之間見伊呂指揮若定失蕭曹運移漢祚終難復志決身殲軍務勞
後解萬古罕有其匹矣古人中可以爲伯仲者庶幾其伊呂乎若蕭曹
輩不足數耳然耕莘釣渭與伊呂同其清高而蕩秦滅楚不得與蕭曹
同其功烈何耶此緣漢祚之已改非軍務之或疎也運雖移而志則決

身卽所云鞠躬勞卽所云盡瘁殲卽所云死而後已終難復卽所云成敗利鈍非臣逆覩也終字妙包得前後拜表六出祁山無數心力在內前解慕其大名不朽後解惜其大功不成慕是十分慕惜是十分惜

却說後主回到成都忽近臣奏曰邊庭報來東吳令全綜引兵數萬屯於巴

丘界口未知何意後主驚曰丞相新亡東吳負盟侵界如之奈何不用順接忽用奈何逆接圖荷甚奇蔣

琬奏曰臣敢保王平張嶷引兵數萬屯於永安以防不測陛下再命一人去

東吳報喪以探其動靜並無全綜之亦亦當報喪後主曰須得一舌辯之士為使一人應聲而

出曰微臣願往衆視之乃南陽安衆人姓宗名預字德艷官任參軍右中郎

將後主大喜卽命宗預往東吳報喪兼探虛實不重在報喪重在探虛實宗預領命逕到金陵

入見吳主孫權禮畢只見左右人皆著素衣不消送帛權作色而言曰吳蜀已為

一家卿主何故而增白帝之守也黃問王平張嶷宜永安之故預曰臣以為東益巴丘之戍西增

白帝之守皆時勢宜然俱不足以相問也預亦善於詞令權笑曰卿不亞於鄧芝照應八十

乃謂宗預曰朕聞諸葛丞相歸天每日流涕令官僚盡皆挂孝不是寫孫權是寫武侯朕恐

魏人乘喪取蜀故增巴丘守兵萬人以為救援別無他意也說明全綜守巴丘之意預頓首

拜謝。權曰：朕既許以同盟，安有背義之理？預曰：天子因丞相新亡，特命臣來

報喪，權遂取金鈚箭一枝，折之，設誓曰：朕若負前盟，子孫絕滅。前者歃石為誓，今者折箭為誓，一為伐魏，一為和蜀。

又命使賈香、帛奠儀入川，至祭。吳儀四色，本車鑿歌。宗預拜辭，吳主同吳使還成都，入見後

主，奏曰：吳主因丞相新亡，亦自流涕，令羣臣皆挂孝。其益兵巴丘者，恐魏人

乘虛而入，別無異心。今折箭為誓，並不背盟。後主大喜，重賞宗預，厚待吳使

去訖。以下接過東吳專殺西蜀。遂依孔明遺言，加蔣琬為丞相，大將軍，錄尚書事，加費禕為尚

書令，同理丞相事，加吳懿為車騎將軍，假節督漢中，姜維為輔漢將軍，平襄

侯，總督諸處人馬。同吳懿出屯漢中，以防魏兵。助魏軍於防吳。其餘將校各依舊職。楊

儀自以為年宦先於蔣琬，而位出琬下，且自恃功高，未有重賞，口出怨言，謂

費禕曰：昔日丞相初亡，吾若將全師投魏，當當寂寞如此耶？楊儀為人亦與魏延彷彿。費禕乃

將此言具表密奏後主。後主大怒，命將楊儀下獄勘問，欲斬之。蔣琬奏曰：儀

雖有罪，但前日隨丞相多立功勞，未可斬也。當廢為庶人。後主從之。遂貶楊

儀赴漢中，嘉郡為民。儀羞慚，自刎而死。楊儀死後，蜀漢建興十三年，魏主曹叡

青龍三年，吳主孫權嘉禾四年，三國各不興兵。將三國總敘，作一關鍵。單說魏主封司馬懿

爲太尉總理軍馬安鎮諸邊懿拜辭回洛陽去訖

以下又按下蜀吳單符魏國

魏主在許昌大興

土木建蓋宮殿

前既勝矣而鋪今又開武矣已死故妄意肆志於土木也

又於洛陽造朝陽殿太極殿築總章觀俱高

十丈又立崇華殿青霄閣鳳凰樓九龍池命博士馬鈞監造極其華麗雕樑

華棟碧瓦金磚光輝耀日

抵得一篇阿房宮賦

選天下巧匠三萬餘人民夫三十餘萬不分

晝夜而造民力疲困怨聲不絕叡又降旨起土木於芳林園使公卿皆負土

樹木於其中

公卿爲棟樑今使公卿負木是棟樑負棟樑也

司徒董尋上表切諫曰

伏自建安以來野戰死亡或門殫戶盡雖有存者遺孤老弱今若宮室狹

小欲廣大之猶宜隨時不防農務况作無益之物乎陛下既尊羣臣顯以

冠冕被以文繡載以華輿所以異於小人也今又使負木擔土沾體塗足

毀國之光以崇無益甚無謂也

殺民既已不情殺官更是無禮

孔子云君使臣以禮臣事君以

忠無忠無禮國何以立臣知言出必死而自比於牛之一毛生既無益死

亦何損秉筆流涕心與世辭臣有八子臣死之後累陛下矣不勝戰慄待

命之至

叡覽表怒曰董尋不怕死耶左右奏請斬之叡曰此人素有忠義今且廢爲

庶人。做了庶人一發該搬磚弄瓦爲役夫之事矣再有妄言者必斬。時有太子舍人張茂字彥材亦上表切

諫。叡命斬之。即日召馬鈞問曰。朕建高臺峻閣。欲與神仙往來。以求長生。不

老之方。武侯祈禳死忠也魏主求長生愚也鈞奏曰。漢朝二十四帝。惟文帝享國最久。壽算極高。蓋因

服天上日精月華之氣也。嘗於長安宮中建柏梁臺。臺上立一銅人。手捧一

盤。名曰承露盤。接三更北斗所降沆瀣之水。其名曰天漿。又曰甘露。取此水

用美玉爲屑調和服之。可以反老還童。馬鈞是李少君一流人叡大喜曰。汝今可引人夫星

夜至。長安拆取銅人。移置芳林園中。鈞領引一萬人至長安。令週圍搭起

木架上。柏梁臺去不移。時間五千人連繩引索。旋環而上。公卿搬木石是公卿爲役夫。今那役夫升青雲是役夫爲公卿矣那

柏梁臺高二十丈。銅柱圓十圍。馬鈞教先拆銅人。多人併力拆下。銅人來。只

見銅人眼中。潸然淚下。興廢無常。成毀頓易。鐵漢亦心酸。銅人安得不淚下衆皆大驚。忽然臺邊一陣狂風起。處飛

砂走石。急若驟雨。一聲響。就如天崩地裂。臺傾柱倒。壓死千餘人。不死於兵。又死於役。君求長生

民不聊生矣鈞取銅人及金盤。回洛陽。入見魏主。獻上銅人承露盤。魏主問曰。銅柱

安在。鈞奏曰。柱重百萬斤。不能運至。叡令將銅柱打碎。運來洛陽。鑄成二個

銅人。號爲翁仲。列於司馬門外。又鑄銅龍鳳兩個。龍高四丈。鳳高三丈。餘立

在殿前

木牛流馬却是有用銅人鑄龍銅鳳却是無用

又於上林苑中種奇花異木蓄養珍禽怪獸少傅楊阜

上表諫曰

臣聞堯尚茅茨而萬國安居禹卑宮室而天下樂業及至殷周或堂崇三尺度以九筵耳古之聖帝明王未有以宮室高麗以凋弊百姓之財力者也桀作璇室象廡紂為傾宮鹿臺致喪社稷楚靈以築章華而身受其禍秦始皇作阿房宮而殃及其子天下背叛二世而滅夫不度萬民之力以縱耳目之欲未有不亡者也陛下當以堯舜禹湯文武為法以桀紂秦楚為誡而乃自暇自逸惟宮室是飾必有危亡之禍矣君作元首臣作股肱存亡一體得失同之臣雖駑怯敢忘諍臣之義言不切至不足以感陛下謹叩棺沐浴伏候重誅

表上劄不省只催督馬鈞建造高臺安置銅人承霧盤又降旨廣選天下美

女入芳林園中

奇花異木珍禽怪獸猶不若此物之佳○此句伸引起下文寵如廢后事絕妙接法

衆官紛紛上表諫諍劄俱不聽却說

曹叡之后毛氏乃河南人也先年叡為平原王時最相恩愛及即帝位立為

后後叡因寵郭夫人毛后失寵

曹叡寵郭后之下也郭不記數后失寵之事耶

郭夫人美而慧叡甚嬖之每日

取樂月餘不出宮闈。是歲春三月，芳林園中百花爭放，叡同郭夫人到園中賞玩飲酒。郭夫人曰：「何不請皇后同樂？」叡曰：「若彼在朕涓滴不能下咽。」其新孔嘉遂令舊者

之取厭如此爲之一嘆

遂傳諭宮娥不許令毛后知道。毛后見叡月餘不入宮，是日引十餘宮人來翠花樓上消遣，只聽得樂聲嘹亮，乃問曰：「何處奏樂？」一宮官啓曰：

「乃聖上與郭夫人於御花園中賞花飲酒。」毛后聞之，心中煩惱，回宮安歇。却恨

掩秋扇空懸明月待君王

次日，毛皇后乘小車出宮遊玩，正迎見叡於曲廊之間，乃笑曰：「陛下

昨遊北園，其樂不淺也。」叡大怒，卽令擒昨日侍奉諸人到，叱曰：「昨遊北園，朕

禁左右不許使毛后知道，何得又宣露，喝令宮官將諸侍奉人盡斬之？」毛后

大驚，回車至宮，叡卽降詔賜毛皇后死，立郭夫人爲皇后。皮去毛曰郭今去毛立郭却是光皮矣一笑朝臣

莫敢諫者。忽一日，幽州刺史毋丘僉上表，報稱遼東公孫淵造反，自號爲燕

王，改元紹漢。元年，建宮殿，立官職，興兵入寇，搖動北方。叡大驚，卽聚文武官

僚商議起兵退淵之策，正是

纔將土木勞中國，又見干戈起外方。

未知何以禦之，且看下文分解。